

C

C

29

10

I-D

14



iotheca
ll. Rom.
Jesu

7.5.23

6m 34

C C

29 26

~~10-17-17~~



INTRODUCTIO
in
Historiam Universalem
Monarchicam;

Quam
cum

CÆSAREO
LOGIA ME-
TRICA

*Antehac typis exscripta,
edidit,*

M. SIMON BORNMEISTER,
Rect. ad Sp. S. ac Poëta Laureat.
Cæsareus.

Bibl. Sec.


Coll. Rom.



Soc' NORIBERGÆ, *Sejk*
Sumtibus JOH. ANDREÆ ENDTERI,
& Wolfgangi junioris hæredum.

ANNO M. DC. LXIX.





Ad Clarissimum

Dn. AUTOREM,
Rectorem Scholæ Xenodo-
chianæ fidelissimum, Philoso-
phiæ Magistrum, & Poëtam
Laureatum Cæsareum.

Cùm parvo includis rerum mo-
numenta libello
magnarum, & summos sistis in
orbe Viros:


è parvo haud parvæ Tibi surget
adorea laudis;
& magni pergent Te celebra-
re Viri.

Amoris & honoris ergo
LMQ. faciebat

Joh. Mich. Dilherrus,
P. & P. P,

VIRO

DEDICATIO.



VIRO
MAGNIFICO, PRÆSTRE-
NUO, NOBILISSIMO AC
PRUDENTISSIMO
DOMINO

GABRIELI
NÜTZEL

à Sünderspühl,

Illustriſ Reipubl. Noriber-
genſis & Senatori & Scholar-
chæ graviffimo, benemeren-
tiſſimo,

*Domino & Patrono ſuo ſummo
obſervantia cultu devote
colendo,*

perſonantem felicitatem!

):(2

Quas



DEDICATIO.



Uas vices conditio omnium rerum habet, ut nempe, cum jam quasi ad quendam juventutis florem pervenerint, rursus postea velut consenescant; illud ipsum & rei litterariæ accidisse, quid mirum? Erant tempora, quibus studia non tantum in tuguriis habitabant; sed etiam intra palatia regum admittebantur, adeo, ut illi qui rei gerendæ laude non erant inferiores aliis, ad eam doctrinæ & ingenii gloriam adjecere.

Tali fulcro nixa eruditio casum non facile metuebat.

Ho-

DEDICATIO.

Honorii, ut cœteros taceam,
tempora, magnum litterato-
rum proventum illustrasse,
Claudianus Paneg. in 4. ejus
Consul. ita de eo canens,

Te Gallia doctis
civibus, & toto stipavit Roma senatus
testatur. Ast ex quo barbaro-
rum irruptiones, devastatio-
nem occidenti induxêre, sa-
pientiæ decor omnis periit,
bonarumque litterarum cul-
tus neglectus, barbariei celsit.
Et licet nonnunquam melior
rursus facies illius esse cœpe-
rit, omne tamen, quæ super-
erant, scintillas penitus ob-
pressere & extinxere Clau-
stra-

DEDICATIO.

strales illi Superiorum seculorum Monachi, ab imis unguibus ad verticem summum, toti ex ignorantia concreti; de quibus *Eg'sius* & ille Roterodamensium; *continenter ventri inserviunt, conviviis tabescunt, variaciborum cogitant, in merum se ingurgitant, præter modum cibo ventrem onerant.* Nil nisi stupor veterinosus, id temporis, animis plerorumque insederat, & quam quisque minimum intelligeret altioris & amœnioris litteraturæ, tam maxime religiosus credebatur. Sed numinis beneficio rediére in aurum secula priscum, abjectisque furfuribus & paleis, tritico

DEDICATIO.

tico jam pascere ingenia possumus. Verum enim verò licet pristino restitutæ nitori litteræ coruscent ; metuum dum tamen, ne inquieta & insolens ævi hujus eruditio, splendorem illarum rursus obfuscet. Nempe seculi hujus genius acerbitatem ita scientiis infudit, ut vix eruditus esse queas, nisi in simul iracundus & ferox, & (quod tamen plane à viro Docto & Bono abesse debebat) maledicus. Malo huic aliud, sed oppidò occultum accedit. Permulti enim, quibus omnis eruditio non in pectore, sed in labris,

)(4 divi-

DEDICATIO.

divina se luce, adeò perfusos existimant (verba sunt, qui sub Petro Firmiano latet, Authoris de Gen. sec. disert. 3. p. 100.) *ut nihil orbis (illis) habeat, aut divinius aut illustrius, & si credas, altissima de se concrepantibus, antequam fulsissent, mundus indistincta mole jacebat, & tenebrae erant super faciem abyssi.* Sed utres hi foeneique homines, utut pennas suas pavonum instar explicent, coeloque animum ferant, nihilotamen minus ludibrio sunt corculis ac ymoiois solidioris eruditionis æstimatoribus. In his cum & Tu *Præstren. Nob. ac Prudentiss. Domine*, fecit singularis ille, quo litteras
pro-

DEDICATIO.

prosequeris, favor, ut hunc
rudis Minervæ, ac proin nul-
latenus Tuo splendore dig-
num laborem, sub *Tuo* Illustri
nomine, tanquam sub tutela
ac Clypeo, publicam adspice-
re lucem, voluerim. Audaciæ
id quidem est; neque ego dif-
fiteor: sed facile tamen in *Tua*
benevolentia veniam inve-
niet, si dixerò, eam me adeo
rapuisse in *Tui* observantiam
& cultum, ut hac lege, cum
aliâ non potuerim, propius
illi me adplicare non erubue-
rim. Indigne *Te* haud ferre
hanc in *Te* meam pietatem,
spondet serena illa frons; ne-
que enim abis à peculiari *Tua*
in-

DEDICATIO.

indole, & mirifica in omnes bonos inclinatione, quâ jam dudum in omnium animis, statuas observantiæ, *Tuo* victuro nomini erexisti. Cum edecumatorum ingeniorum monumentis, si quisquam alius, colî dignissimus sis, nihilo tamen minus & hoc, quicquid est, si quid est, admittes, cum in parvis etiam voluisse satis sit. Quod si *Tua* Illustri benevolentia, hic meus sese adprobaverit conatus, votis fruar ad invidiam usque felicitus. Deum interea veneror, ut *Te Generose Domine*, bono publico & litterarum natum, cum nobilissima conjuge, singula-

DEDICATIO.

gularis exempli foemina, ac
suavissimis pignoribus *Tuis*,
omni genere bonorum cu-
mulatum, quam diutissime
incolumem præstet.

Vive, spes nostræ Patriæ, vetusti
vive longævam Pili senectam,
vive, dum serus meritisque plenus
astra revisas.

Vale vir Præstr. ac Nob. & me
inter immortalis nominis Tui
devotos cultores admitte.

Sc. in Museo, d. 5. Id. Apr.
clō lōc LXIX.

T.


Mag. Præstr. Nobilit.

observantissimus
cultor

M. SIMON BORN-
MEISTER.



*Benevolo Lectori
Iuluxen!*

 Enuiorum captui,
hic, quem cernis, ad-
aptatus est labor, ne a-
dolescentes, in pro-
vectiori ætate, bis sint pueri. Si
Plinianum illud, Historia quoquo
modo scripta delectat, cordatio-
rum calculum meretur, ex facili
quoque gratus iste, quem commo-
dis studiosæ juventuti unice con-
secrare cū animo meo constitui,
erit conatus. Philosophiæ civilis
præcepta adolescentibus proponi,
apprime utile; Ast Historiam, il-
la exemplis felicius inculcantem,
illis addere, omnino necessarium.
Optime in hanc rem, Ubertus Fo-
lieta lib, de Rat. scrib. Hist. Cum



duæ sint facultates, quæ commune bonum & utilitatem publicam spectant, quæque hominibus ad beatam vitam iter expediunt, illosque ad civilem societatem tuendam & ornandam instituunt, moralis Philosophia, & Historia, ita hæc duæ facultates partita sunt inter se munera, ut illa disputationibus & præceptis, animos & mores hominum informet, hæc utilibus exemplis salubribusque documentis, quid sequendum in vita, quid fugiendum sit, doceat, moneatque, ad quorum similitudinem actiones & consilia sua homines dirigant & conforment, casusque atque exitus, qui bona consilia & prava consequi soleant, ante oculos hominum ponat, quorum cogitatione illi, vel ad virtutum inflammentur, vel à sceleribus revocentur. Quotus quisque insuper est, cui de meliori luto finxit præcordia Titan, qui non delectetur familiaritate virorum

queis



queis cultior orbis
submissis defert fascibus im-
perium;

adeam verò Historia viam sternit.
Videmur enim, inquit Antonius Vi-
peranus. c. 3. de script. Hist. Su-
perioribus annis vixisse, & praeantis-
simos homines tanquam hospitio ex-
cipere; cumque illis magnis de rebus
colloqui, & nos inter nos invicem in-
terrogare, respondere & rerum gesta-
rum petere pariter, & reddere ratio-
nem. Quae major, quae utilior, quae
jucundior est in his congressibus de-
lectatio? Mearum partium, cum
haecenus fuerit, indultu & jussu
Per-stren. ac Nob. Dominorum
Schol. Dominorum Patron. O.
M. meos, ad hanc vitae Magistram
deducere, id mihi negotii datum
esse putavi, ex opima Historiae
messe, aliquot colligere aristas,
brevique quasi tabellae, huic quae



ætati necessaria essent, includere,
ac tandem authoritate illorum,
quorum voluntati obsequi, sum-
ma mihi felicitas, hoc quidquid
est, si quid est, publicæ committere
luci. Cum verò olim animadver-
terem, non ita memoriam omniū
esse felicem, ut seriem Imperato-
rum, rite recensere possent, eos se-
culis distinctos, metro includere
ad prime utile esse duxi, maxime
ea propter, quod dulcedine Poëti-
ca, talia adolescentibus (his enim,
non illis, qui in bicipiti se somnias-
se Parnasso putarunt, mea desti-
navi,) longe gratiora & facilia
reddantur. Hanc itaque *Cæsareo-
logiam metricam*, olim in gratiam
studiosæ juventutis editam, & co-
mitem hujus introductionis esse
volui. Non equidem nescius sum,
aleam hanc ante me, & alios plures
felicissime tentasse, quorum pro-
lixum



lixum catalogum texere, esset operam abuti; ast, *annon omnis vitæ ratio*, judice Fabio. l. 10. c. 11. *sic constat, ut quæ probamus in aliis, facere ipsi velimus?* Interea, ut placeant mea, quæ mihi maxime displicent, omnibus, non mihi in votis. Et si alii despuant, non perinde afficior. Optimum omnium est, qui me & hæc studia oderunt, his non coguntur uri.





INTRODUCTIO IN HISTORIAM UNI- VERSALEM.

I.

Historia, unde habet nomen?



A b ἱστορίᾳ, scire.

v. Volsius, art. Histor. c. i.

qui & accurate, quod nam inter historiam ipsam, artemque ejus conficiendæ discrimen, ibidem ostendit,

II.

Quidnam est Historia?

Historia est cognitio singularium, quorum memoriam conservari utile est ad bene beateque vivendum.

Facit huc illud Livii in præfat. ad Dec. i.
Hoc illud est præcipue in cognitione rerum salubre ac frugiferum, omnis te exempli documenta in illustri posita monumento, intueri,

UNIVERS. MONARCHICAM. 9

tueri, unde tibi tueque Reip. quod imitere
capias: inde fœdum inceptu, fœdum exitu,
quod vites.

III.

Quomodo dividenda?

In historiam ante, & post-
diluvianam.

IV.

*Quomodo post diluvianam
dividis?*

In universalem & particu-
larem.

V.

Quam vocas universalem?

Quæ res totius orbis, in Po-
litia & Ecclesia gestas, com-
plectitur.

VI.

Quam vocas particularem?

Quæ res vel unius gentis,
vel unius partis orbis Eccle-
siasticas

siasticas & civiles, complectitur.

VII.

Quae sunt genuina historianota.

(a) Veritas, prudentia, eloquentia. (b)

(a) Veritatis studio laudem in historia conscribenda maxime meruere, *Buchananus & Jac. Aug. Thuanus.* (b) Hanc itaque virtutem in conscribenda historia summe necessariam esse ostendit, *Cic. l. 2. de Orat. p. 206. Foxius de Instit. Hist. x. p. 761. Tom. 1. Pen. Hist. Gisb. Voet. in Herod. p. 11. Lucianus libello de scrib. Hist. Tom. 2. pen. Hist. p. 565.*

VIII.

Historia universalis quid continet?

Res Monarchicas.

IX.

Quot sunt Monarchia?

Quatuor sunt (a) summa imperia, sive Monarchiae 1. Babylonica

bylonica, 2. Medo Persica,
3. Græca, 4. Romano-Ger-
manica.

(a) *Summa* dicuntur, quod potentia præ
cæteris excelluerint: vid. *Degor VVhear.*
relect. meth. p. 51. sect. 3. p. 4. Illud ta-
men incertum putat *Nob. D. Conringius*,
quod de duratione Romani imperii usq;
ad diem ultimum, vulgo creditur v. dis-
sert. ejus de Imperat. Rom. Germ. §. 54.

X.

Prima quando cœpit?

Post diluvium, in Nimro-
do.

Gen. 10. v. 8. 9. B. Gerh. in Gen. c.
10. q. 4. Tom. 6. Loc. Theol. de Mag.
part. 1. c. 3. §. 1. *Fridlib. Theol. Exeg. Cl.*
7. q. 42.

XI.

Ex qua familia fuit Nimrod.

Ex familia Noachi.

XII.

Quis erat ejus parens?

Chusus. Hinc Chami erat

A 6 Nim-

Nimrod nepos, Nohæ pronepos.

XIII.

Sub Nimrodo quid contigit?

Turris Babylonica est constructa, sed non perfecta.

Orationem, quæ suos ad turris ædificationem hortabatur, refert *Josephus* l. i. antiquit. & elegantiori stylo *Bisselius* Ruin. Dec. i. p. 354. Hujus turris aliqua adhuc vestigia extare, *αὐτόπῃς* narrat *Leonhardus Rauwolff* / in Itinerario nunquam satis laudando l. 2. c. 7. p. 74.

XIV.

Qua causa?

Deus tam stupendâ arrogantiam mortalium offensus, linguas confundebat.

v. D. *Joh. Meissn.* diss. de Ling. confus. assert. 4.

XV.

In quot?

In septuaginta duas, juxta numerum familiarum.

XVI.

XVI.

Qua lingua per mansit?

Hebræa, in familia Heberi.

Consulendus *Sigon.* l. 1. de Rep. Hebr. c. 1. cit. disp. assert. 4. §. 4. De hujus linguæ necessitate, quæ ipsius Pontificis Clementis V. jussu docenda, vid. Venerabilis *Dominus Dilherrus*, Patronus æternum mihi devenerandus, & summus, Atr. linguæ Sanctæ. p. 74. Jcar. Acad. Orat. 3.

XVII.

Quis fuit Status prima Monarchia?

Divisa est in tres dynastias.

XVIII.

Quid vocas Dynastiam?

Insignem regni, sive quo ad Politicæ formam & modum, mutationem.

XIX.

Quanam sunt illa dynastia.

Prima est Assyriorum, al-

A 7 tera

tera Medorum, 3. Chaldæorum.

Qui plura his de dynastiis desiderat, consulat *Samuel. Huberum* disert. de genuina ætate Assyr. qui tamen nimium quantum Ctesix favet; sed longe aliter sentit, & rectius quidem, Vir Nob. de studiis optime meritus, *D. Conringius*, in advers. Chron. c. 1.

XX.

*Qui sunt notiores Reges prima
dynastie.*

Nimrod, Belus etiam dictus, Ninus, Semiramis(a), Ninyas, & Sardanapalus.

(a) Ejus virtutem maxime sus pexit Alexander teste *Curtio*. l. 7. Præclara autem ejus facta in compendium contraxit *Locsenius*. l. 1. de Mon. Babyl. c. 3. Enimvero plures fuisse Semiramides Reginas, quarum res confusæ, arbitratur *B. Ruper-*
us ad Besoldum: p. 37.

XXI.

XXI.

*Vixit ne alius etiam in hac dynastia
populus?*

Judaicus, in Abrahamo initia sumens.

XXII.

*Qualis fuit modus gubernandi hunc
populum?*

Primo obtinuit in illo populo regimen Patriarchale: dein duces, post quos Judices, hos excipiunt Reges, tandem fuit sub ducibus & Pontificibus simul,

XXIII.

Primus, quis fuit ducum?

Moyfes.

Legi hic merentur ea, quæ Exc. tradit Conringius de Rep. Hebr. §. 14.

XXIV.

Judicum quis primus?

Othoniel; ultimus Samuel.

XXV.

XXV.

Quis primus Regum?

Saül, duravitque horum regimen, usque ad scissum sub Roboamo imperium.

Quomodo regiam hoc imperium comparatum fuerit v. CL. *Frischmuth Tr. de Jure Regio. Contring. l. c. §. si. Bertram de Rep. Jud. c. 10.*

XXVI.

Quomodo facta est scissio?

Bipartitum est regnum, in regnum Judæ & Israël. Tribus enim decem defecere à Roboamo, filio Salomonis, eliguntque sibi Jeroboamum Ephraimitam Regem. Roboamo verò permansere duæ tribus, Judæ & Benjamin.

XXVII.

XXVII.

Regnum Juda, quam diu duravit?

Annos circiter 390.

XXVIII.

In quo desit?

In Zedekia, qui abductus
est Babylonem.

XXIX

Quamdiu duravit regnum Israël?

Annos circiter 260.

XXX.

In quo desit?

In Holoa, quem Salmanas-
ser Rex Assyriorum cepit,
regnumq; in perpetuam ser-
vitutem abduxit.

XXXI.

*Sed quot perpeſſus eſt populus Judaicus
captivitates?*

Quatuor constitui ſolent,
Babylonicæ captivitates.

De

De his quatuor captivitatibus copiose agit *Mæstlinus* quæst. Chron. s. p. 74.

XXXII.

Prima sub quo facta est?

Sub Manasse rege Judæ, qui à Chaldæis est abductus.

XXXIII.

Alter a sub quo facta?

Sub Jojakimo rege Judæ, quem Nebucadnezar abduxit: abductus & ea Daniel.

XXXIV.

Tertia sub quo cœpit?

Sub Jechonia, qui Babylonem deportatus est cum tota aula, & 18000. hominibus.

XXXV.

Ultima quando contigit?

Sub Sedekia, & hæc est illa 70. annorum captivitas Babylonica.

XXXVI.

XXXVI.

*Quis autem finem imposuit dynastia
prime.*

Sardanapalus, quem Arbaces regno exuit, ac initia Dynastiæ Medorum dedit.

Hic nullâ aliâ re, nisi mollitiæ nomen meruit, id quod præter *Justinum* l. i. pluribus ostendit *Loccenius* l. i. de Mon. Babyl. c. 5.

XXXVII.

*Quis dynastiam Assyriorum
inchoavit?*

Phul-Belochus, qui ab Arbace defecit; unde Dynastiæ secundæ divisio facta est, in regnum Medorum, & Assyriorum.

XXXVIII.

Dynastia secunda in quo cessavit?

In Astyage, qui fuit ultimus Medorum Rex.

XXXIX.

XXXIX.

Tertia Dynastia quanam fuit?

Chaldæorum sive Babylo-
niorum, qui vindicarunt se in
libertatem, duce Nabonassa-
re.

XL.

In quo desit?

In Nabonido Medo, qui
alicubi etiam vocatur Darius
Medus. Atque in hoc finis est,
Monarchiæ primæ.

Obpugnat hanc sententiam *Wichman-
nus* in Chronol. sacra l. i. Ast incommo-
da nonnulla exinde sequi, ostendit *D.
Strach.* in Imag. *ἱστορίαι* Daniel.
§. 12. De Dario autem Medo consulen-
dus quoque *Josephus* l. i. contra Ap-
pion.

XLI.

*Num & alia quedam imperia fue-
runt in hac Monarchia?*

Fuerunt utique alia, inter-
quæ

quæ regnum Argivorum,
Atheniensium, Carthagini-
ensium, & Romanum.

XLII.

*Regnum Argivorum quibus tempo-
ribus cæpit?*

Coepitante Mosen, tempo-
ribus Isaaci,

XLIII.

Quis fundator illius regni?

Inachus, à quo antiquis-
sima rerum Græcarum me-
moriam deducenda.

Fuit hic Inachus Abrahamo & Isaaco
εὐχρηστον v. *Emmius* Tom. I. vet.
Græc. I. I. p. 5.

XLIV.

*Quando regnum Atheniensium
cæpit?*

Coepit illud regnum tem-
poribus Moyfis.

XLV.



XLV.

Rex primus hujus regni quis fuit?

Fuit conditor hujus regni
Cecrops Ægyptius.

XLVI.

Quando desit hoc regnum?

Desit temporibus Saulis in
Codro; post cujus genero-
sam pro patria mortem, cœ-
père Archontes.

Fuere hi Archontes perpetui, instar
Regum, sed qui tamen administratæ
Reipublicæ rationem populo reddere
tenebantur, docente *Meursio* l. i. c. i. de
Archont. qui etiam ex *Eusebio* eos ordi-
ne recenset. De Codro consulendus
Iustinus l. 2. c. 6. & *Vel.* l. 1. c. 2. n. 2.

XLVII.

Carthaginienses quando cœperunt?

Temporibus Joas Regis Ju-
dæ, & Jehu regis Israël. Ho-
rum

UNIVERS. MONARCHICAM. 23
rum temporibus instaurata
est à Didone, Carthago.

v. Cl. *Hornius* in arca Nohæ, p. 61.
Æmula Romæ hæc urbs, ratione status ita
jubente, excisa, prout accurate judicat
Excell. D. Beer, Patronus pl. colendus,
notis ad Vell. l. 1. c. 12. v. Livius dec. 6. l. 3.
Fiorus l. 2. c. 15. Accuratus autem Remp.
Carthaginensium descripsit Ubbo Em-
mius Tom. 3. Vet. Græc. p. 157. & l. 5.
Rerum Chron, p. 243.

XLVIII.

Romanum autem regnum quando
cœpit?

Cœpit illud imperante Jo-
thamo, ubi Roma à Romulo
condita.

XLIX.

Qui docti viri floruerunt in hac
Monarchia?

Temporibus Salomonis vi-
xit Homerus Græcus Poëta.
Floruit

Floruit etiam Hesiodus, Theognis & Æsopus.

L.

Qui Prophetæ vixerunt?

Sub Jechonia rege Judæ, Jeremias & Ezechiel. Sub Jojakimo Daniel. Sub Uzia, Amos, Oseas, Joël, Isaias.

SECUNDA MONARCHIA.

I.

Qua est secunda Monarchia?

Medo-Perfica.

II.

Quis primus ejus Rex?

Cyrus Persa, ex Regia Medorum familia natus.

Digna observatu invenies apud *Magnif. D. Dilherrum* Tom. i. Philol. disp. p. 265. & seqq. Cyrum autem, quod

cx

ex matre longe nobiliori, quam patre
 esset natus, Delphicus Apollo *Mulum*
 vocavit, eoque ipso more suo, (quo de
 nonnulla exempla adducit *Phil. Carol.*
 not. ad Sol. Pol. *Georgius Mæbius* tr.
 oracul. Ethn. c. 4. p. 55.) de successore
 regni sciscitantem, delusit. *Herodot.* l. 1.
 Integram, de Cyro, publici juris fecit disp.
 A. C. 1653. D. *Johannes Ernestus Gerhar-*
dius, præmaturâ morte illustri Academiæ
 Jenens. ereptus,

III.

Quis fuit parens Cyri?

Cambyles Persa non igno-
 bilis, cui Astyages, ultimus
 Medorum Rex, Mandanen
 filiam in uxorem dedit.

IV.

Quando factus est Cyrus Monarcha?

Devicto avo Astyage, Me-
 dorum; Cræso, Lydorum re-
 ge, & Nabonido Medo.

B

V. Aquo

V.

A quo educatus est Cyrus?

A Mithridate, Regis Astyagis, pastore, & Spaca, (quæ vox, lingua Medorum, canem denotat.) Nutrice inde fabula, Cyrum à cane educatum.

Hoc solenne fuit Historicis, fabulosis narrationibus, veritatem nonnunquam vel obprimere, vel occultare. *Justinum* l. 1. & *Cælium Rhodiginum* l. 21. antiq. Lect. c. 37. dum hanc, de Cyri nutrice, fabulam, veritati consonam esse putant, aliquid humani passos esse, nemo facile inficiabitur. v. *Herodot.* l. 1. Non tamen semper tales admirandi Heroum ortus, & conservationes, fictis annumerandi, quo de vid. *B. Rupertus ad Flor.* l. 1. c. 1. n. 3. p. 46.

VI.

Numne Judeis favit Cyrus?

Liberavit eos ex Babylonica 70.

ca 70. annorum captivitate;
Suntque reversi Judæi, duci-
bus Sacerdotibus Jehu, & Je-
robabale.

v. *Carolus Sigon.* Comment. in Sul-
pit. Severum p. 842.

VII.

*Sed quis ultimus est hujus Mo-
narchia Rex?*

Darius Codomannus,

VIII.

*Quid sub successoribus Darii
contigit?*

Pertinet huc historia Est-
her; nam Xerxes, filius Hy-
staspis, in sacris Ahasverus
dictus, Esther duxit in uxo-
rem.

IX.

Quid factum est sub Dario Notho?

Restauratio templi Hiero-
B 2 solym.

solum. coepit, ejusque regni anno secundo, (quo prophetarunt Zacharias & Haggæus) initium sumunt 70. septimanæ Danielis.

Hanc de initio L X X. hebdomadam sententiam suo adprobat calculo B. D. **Rönig**/Præceptor quondam, post obitum etiam desiderat : in Vindic. p. 649. cui addendus D. *Strauch*. Breviar. Chron. part. spec. l. 4. c. 29. q. 9. p. 861. & q. 13. p. 883. *Majer* dissert. Theol. de 70. sept. p. 63.

X.

Ha septimana quale temporis spatium denotant?

Denotant 70. septimanæ, annos solares, qui conficiunt annos 490.

XI.

Quis earum est terminus finalis?

Ultimum Hierosolymæ,
popu-

populique Judaici excidium.

XII.

Sed quis est Darii Nothi successor?

Filius Arfaces Artaxes Mne-
mon dictus. Sub hoc Esra &
Nehemias Hierololymam
misi, ac ultimus Propheta-
rum V. T. Malachias inno-
tuit.

XIII.

*Quidnam in Romano Regno
factum?*

Temporibus Darii Hysta-
spis, ejecti Reges Romano-
rum, quorum ultimus L. Tar-
quinius Superbus.

XIV.

Qui sunt Reges Romanorum?

Septem numerantur, quo-
rum primus Romulus. 2. Nu-

ma Pompilius. 3. T. Hostilius. 4. Ancus Martius. 5. L. Tarquinius Priscus. 6. Servius Tullius. 7. Tarquinius Superbus. Vixere sub his septem Græciæ Sapientes, legibus vitæ, illustres.

Septem Romanorum Regum vitas eleganti disputat. inclusit Excell. Argentoratens. sidus *Bœclerus*; de quibus tamen uberius agit *Boxhornius* tr. de Rom. Imperio. Felden. in Elem. Juris l. 4. c. 1. p. 776. Septem vero, quos Græcia venerata est, sapientum convivium descripsit *Plutarchus*, commentario eleganti, à *Clasenio* illustratus.

T E R T I A MONARCHIA.

I.

Quæ est tertia Monarchia?

Græca, ita dicta à primo
ejus

ejus conditore Alexandro M.

II.

Ex quo natus est Alexander?

Ex Philippo Macedonum Rege, & matre Olympiade, Neoptolemi, Regis Molosso-
rum filia. Ea autem nocte,
qua natus Alexander, tem-
plum Dianæ Ephesiæ, ab He-
rostrato incensum, confra-
gravit.

Templum hoc describit *Plinius* H. N.
l. 36. c. 14. mentioque ejus fit in *Actis*
c. 19. v. 24. Spurium autem fuisse Ale-
xandrum M. qui se Dei filiam putavit
(v. *Phil. Carol.* in *Agell.* p. 477.) fatetur
Justinus. l. 11. c. 2. §. 4.

III.

Quis fuit Præceptor illius?

Aristoteles, à Stagira oppi-
do, Stagirita, dictus.

Vitam ejus authore Ammonio scri-

B 4

ptam,

ptam, juxta cum aliis huc pertinentibus, invenies in *Petri Nunnesii Philosophiæ Peripat. Instit.* cui addatur, *Summus in re litteraria Vossius L. de Sect. Phil. c. 17. p. 87. De Philosophia vero Aristotelica v. elegantem Excell. Dürrii, Fautoris hon. diss. Isag. Piccarti præfixam.*

IV.

Quando factus est Monarcha?

Post devictum ad Arbelam, Darium Codomanum.

V.

Quid de ejus imperio post mortem factum est?

Proceres regnum inter se divisere.

VI.

In quot regna?

In quatuor, nempe in Ægyptiacum, Macedonicum, Asiaticum & Syriacum.

VII.

VII.

Regnum Ægyptiacum quis obtinuit?

Ptolomæus Lagides, Philippi Macedonum Regis, ex Arsinoë pellice, Filius.

VIII.

Quis ultimus in hoc regno?

Cleopatra, quæ suavitæ orationis Antonium in sui amorem pertraxit, ut repudiata, sorore Augusti, Octaviâ, eam sibi conjugem esse voluerit. Proelio dein superatâ ab Augusto, aspidibus uberibus admotis, vitam clausit.

Splendidam, qua vehebatur, cum obvia Antonio suo esset, navim, descripsit *Christ. Matth. Theat. Hist. p. 370. De coena quoque quam paravit, agit Chok. fac. Hist. l. i. c. 3. p. 14.*

IX.

Quis regnum Macedonicum accepit?

Cassander, Antipatri filius.

X.

Quis ultimus in hoc Regno?

Perseus.

XI.

Cui obtigit regnum Asiaticum?

Antigono; desit autem
rursus in successore ejus De-
metrio Polyorcete.

XII.

Cui Syriacum obtigit?

Seleuco, Philippi Macedo-
niæ Regis Duci.

XIII.

In quo desit?

In Antiocho VIII. Asia-
tico?

XIV.

XIV.

Quid sub regno Ægyptiaco contigit?

Sub Ptolomæo Philadelpho versio Pentateuchi in lucem prodiit.

Veritati se fabulæ miscuerunt : cellulas enim nescio quas , Propheticumque sum, senioribus his tribuunt Ari- , & stramineus , juxta Scaligerum Elench. Triærel. c. 13. Gorionides. Josephus quoque l. 12. c. 2. antiquit : dum Historiam, Græcæ hujus translationis recenset, fidem non admodum ex assermeretur. Illud nihilominus videtur certum , *versionem hanc* , quæ annis fere trecentis , ante adventum Christi prodiit, *omnium primam esse*. Utrum autem, ea quæ hodie extat, genuina sit, dubitant haud immeritò magni nominis Viri, quorum Catalogum texit Exc. Bosius Exercit. ad c. 2. *Timoth.* c. 4. p. 17. Num Hebræo codici præferenda, quod Cl. Vossio videtur, de eo consulendus Strau-

chius dissert. de ætate mundi, aliique qui se Volsio obposuerunt.

XV.

Quinam illam adornarunt?

Judæi in Ægypto dum temporis degentes.

MONARCHIA QUARTA.

I.

Qua est quarta Monarchia?

Romano-Germanica.

Ratione originis vocatur Romana; ratione subjecti recipientis, à temporibus Caroli M., Germanica.

II.

Cur ita vocatur?

Quia à Carolo, (a) natione & sanguine Germano, (b) jure belli, authoritate P. R. ac
Orien-

Orientalium Imperatorum consensu, primum ad Francos, dein per æternum foedus Ottonis M. ad Germanos, est translata.

(a) Omnino hic adeundus *Burgoldensis*, discurs. V. part. I. §. 5. p. 175. edit. alt. & qui sub *Monzamb.* latet, *Samuel Puffendorf.* (v. Epist. illius d. F. G. J. G.) de statu Imperii Germ. c. I. cui jungenda notæ Pacif. à lapide. Verbo. *Carolus M. stirpe est Germanus, Patria Gallus.*

(b) De quibus juribus quousque sese extendant, v. *Burgold.* l. c. disc. 4. §. 4. p. 188.

III.

Quando id factum?

Sub finem seculi Octavi & ante medium seculi 10.

IV.

A quibus gubernatum est Imperium Romanum?

Ab Imperatoribus partim

B 7 Gen-

Gentilibus partim Christianis.

V.

Christiani quando coepere?

Sub initio Seculi IV.

VI.

Quis primus fuit?

Constantinus M. parente Chloro & matre Helena natus.

Cauponis filiam Helenam fuisse, à veritate alienum ostendit *Joh. Majer* tr. de different. Schismat. p. 30. Falsum tamen illud admiscet, dum crucis inventionem foeminæ huic, forte ab *Ambrosio* in fraudem inductus, tribuit. Hinc cum fabulæ quàm Historiæ similior videretur, eam inter Apocrypha *Gelasius Papa* retulit. Rem omnem vero satis excussit *Cl. Kipping*. l. 2, antiquit. c. 8. p. 424.

VII.

Sub Constantino quis fuit status?

Hic ledem Imperii relictæ Roma

ma Constantinopolim transfert, illudque inter tres tandem filios dividit.

Maxime hæc divisio Romanum Imperium debilitavit, damnaque exinde provenientia luculenter monstrat *Pacif. a Lap. ad Monzamb. p. 161. Immortalis Calixtus disc. Germanico, de Vera Rel. §. 4. Nob. D. Strauch. Prof. Jen. disert. de statu Eccl. super. Secul. §. 3. c. 1. His adde discurs. sing. de metropoli non deferenda Nob. Forstn. ad Tac. part. 1. p. 126. & Exc. D. Feluvingeri Fautoris ac amici colendi disert. Polit. de causis Monarch. p. 57.*

VIII.

An usque ad nostra tempora permansit in hoc statu Imperium?

Non sed divisum est in Orientale & Occidentale.

IX.

A quo est divisum?

A Theodosio Magno.

X. Quan-

X.

Quando id factum?

Sub finem Seculi IV.

XI.

Inter quos est divisum?

In filios Arcadium & Honorium.

XII.

Quis ergo occupavit Orientem?

Arcadius, qui Ruffinum oppressit.

XIII.

Quis occupavit Occidentem?

Honorius, sub quo Gothi, Vandali & Schyiticæ gentes, Romanum imperium vastarunt.

De Gothorum origine & progressu scripserunt inter alios, Procopius & Jordanes; Quorum hic, non admodum magnam fidem meretur. Eos autem ut

& Van-

& Vandalos, Germanis accensendos esse, cum *Cluverio* l. 3. introd. Geogr. c. 33. p. 314. 315. sentit *Cyr. Lent.* in Imperat. l. 1. c. 4. Plura de Regibus Gothorum qui desiderat adeat. *Bibl. Hist.* Tom. 1. c. 7. p. 146.

XIV.

Imperium Occidentale quam diu duravit?

Usque ad finem Seculi V.

XV.

Ultimus quis fuit Imperator Occident?

Augustulus. Post quem nulli amplius, usque ad Carolum M. occidenti præfuerunt.

Ita illud regnum, quod in Augusto cœpit, rursus in Augustulo interiit; ut adeò non de nihilo sit, nomina sæpius esse fatalia, iudiceque *Forlande*, regna sæpius in iis deficere, à quorum nominibus inchoant. Facit huc sententia magni

Erasmii

Erasmii Ep. ad Leon. X. p. 147. nominum ipsorum haud quaquam contemnenda auguria.

XVI.

Qui itaque interea Occidentis Imperium tenuere?

Post Augustulum exortum est regnum Gothorum, Longobardorum; ac in Italia coepere Exarchi.

XVII.

Quis primus in regno Gothorum?

Odoacer, Herulorum Rex, qui primus se regem Italiae dixit.

XVIII.

Quamdiu duravit hoc regnum?

Usque ad medium Seculi Sexti.

XIX.

Quis ultimus itaque regni Gothici in Italia?

Tejas à Narsete victus, ac cum

cum eo regnum Italiæ deletum.

XX.

Quale post hoc regnum exortum?

Longobardicum. Longobardos enim Narles, summus Italiæ gubernator, in Italiam pertraxit.

Longobardi, primitus Winili dicti fuere. *Güntherus* autem in *Lig. l. i. v. 127.* à Longis barbis recte dictos putat, cui adstipulatur *Paulus Diaconus l. i. c. 9. v. Lantulus* in *Imper. cap. 4. p. 28.*

XXI.

In quo seculo est exortum?

Post medium Seculi Sexti Anno Christi 670.

XXII.

Quis fuit primus Rex?

Primus se Regem fecit Alboinus, qui Anno Christi 568. ex Pannonia Longobardos in Italiam duxit.

Singu-

Singulare quid de Alboino recenset Carol. Sigon. l. 1. de Regno Ital. p. 8. Post multas in Italia expugnatas urbes, cum & Ticinum triennii obsidione cinxisset, nec tamen adhuc expugnare poterat, populum se trucidaturum iratus, si urbem caperet, concepto voto jurarat. Id, ne post victoriae compos, efficeret, triste omen oculis oblatum admonuit. Ingrediente ferociter urbem, equus ejus in limine porta procubuit; neque aut calcaribus, aut verberibus ullis poterat excitari. Quare animadversa, unus è Longobardis dixit; revoca Domine votum, quo te obstrinxisti populum hunc si urbe potireris pessundaturum, & urbem ingredieris: nam verè Christianus in hac urbe residet populus. Tum Alboinus, atqui civibus inquit, veniam me daturum si dicto audientes fuerint, spondeo. Atque his dictis, repente equus, magna cum omnium admiratione surrexit. Haëtenus Sigonius.

XXIII.

Hoc regnum quando desit?

Circa finem Seculi VIII.

XXIV.

XXIV.

In quonam desit?

In Desiderio, qui victus est à Carolo M. atque sic Longobardorum regnum in potestatem Francorum pervenit.

XXV.

Num autem iterum Carolus M. factus est imperator Occidentis?

Utique ac in eo translatum est imperium ad Germanos.

Dubitat *Grotius* de J. B. & P. l. 2. c. 9. §. 11. p. 209. num hæc translatio facta sit? ast illius indubitatae fidei documenta profert *Exc. D. Conringius* in aureo de Germ. Imp. tr. c. 7. & 10. Quæ verò Pontificis partes ea in re fuerint, ex ipsis Pontificiis scriptoribus videre est. v. *Cens. Aphorism. de statu Ecclesie restauranda*, Greg. XV. exhib. p. 14. Paucis, quicquid *Leo III.* in hac translatione prestitit, id tanquam civis primarius urbis
Rome,

Roma, consensu & concessione S. P. R. efficere potuit. Pluribus hanc rem nervosius excussit Exc. D. Kortholt in Erörterung der Frag / wie der Papst etc. contra Laurenberg.

XXVI.

Num penes eos permansit?

Permansit penes Germanos, sed in diversis familiis.

XXVII.

In quibus nam?

In Carolina, Saxonica, Franconica, Suevica & Bavarica Tandem ad Austriacos est delatum.

XXVIII.

Sed quinam. . . ant Exarchi?

Erant Vicarii ab Imperatoribus Orientalibus in Italiam missi, quorum sedes Ravenna fuit,

Exarchi

Exarchatus historiam post *Erycium Puteanum*, non ita pridem velut in brevi tabella exhibuit *D. Strauch.* diss. de Exarchat.

XXIX.


Quis primus?

Longinus.

XXX.

Quis ultimus?

Eutychius, fugatus in Græciam ab Aistulpho Longobardorum Rege, qui Exarchatus dignitatem, quæ ultra sesqui seculum duraverat, sustulit.



SECULUM I.

I.

Qui sunt seculi primi Imperatores?

1. (a) Augustus, 2. Tiberius,
3. Cali-

3. Caligula, 4. Drusus, 5. Nero, 6. Galba, 7. Salvius Otto, 8. Vitellius, 9. Fl. Vespasianus, 10. T. Vespasianus, 11. Domitianus, 12. Nerva.

Augustus regnat, summo descendit
Olympo,

ipsa Dei soboles, tribuens primordia seclis.

Imperium *Liberi* cernit tua funera
Christe,

Invisus *Cajus*, *Drusus*, post pessimus ille

Nero cum *Galba*. Sequitur quos *Salvius Otto*,

Aulus Vitellius, binos post *Vespasianos*,

Domitianus adest monstrum, sed *Nerva* probatur.

(a) Non ex eo quod imperium augere debeat, *Augusti* nomen descendit, sed ab **AUCTU**, quod verbum sacrum, fere ejusdem significationis, ac *immolare*, *maetare*. Unde *Augustus* idem est ac *sacer*, *sanctus*, *homine major*, *DIS*
proxi-

proximus. v. pluribus *Bernegg*. ad Suet. Aug. c. 7. p. 27. *Augustus Buchnerus* in Lex. voc. AUGUSTUS. p. 114. Quæ vero differentia inter Cæsarem & Augustum, docet, *Robigius*, Robig. l. 6. c. 2. *Rupertus* in Bel. p. 315.

II.

Quis fuit ante Augustum?

C. J. Cæsar, qui Monarchiæ fundamenta jecit, sed non consummavit.

Quæ Reip. Romanæ, ante tempora Imperatorum fuerit facies, brevibus delineare, non abs re erit. Primis itaque temporibus, per 243. annos Roma sub 7. Regibus fuit; quibus exactis, regioque nomine prorsus deleta, annum CSS. imperium, quod usque ad annos 367. duravit, successit. Primi autem in his fuere, L. J. Brutus, & L. Tarquinius Collatinus. A morte verò Bruti, P. Valerius Publicola, consulare imperium, populi potestate incrementa capiente, còercuit. Porro Consulum potestati *Censores* detraxere; quorum officia Cic. l. 3. d. LL.

C

recen-

recenser. Hic succedebant *Dictatores*, à quibus provocandi jus non erat. Dictatores excipiebant alii, præprimis verò *Tribuni Plebis*, negotiorum Senatus omnium inspectores. Tandem abrogato Magistratu antiquo, cujus nil nisi vana nomina supererant, *Cæsares* imperium adgressi. De còeteris Magistratuum Urbanorum, Provincialium, & Municipalium officiis, nervose agit. Nob. *D. Hahn*. Observat ad *Vvesenb.* c. 1. Tit. 13. per tot.

III.

Qua causa, quod non consummârit ?

Vindicem numinis iram in se concitarat, quod multa flagitiose & crudeliter perpetraverat; Hinc mediis in conatibus, à Bruto & Cæsio, ad statuum Pompei Magni, nefarie est interfectus, operisque coepti gloriam, successoris reliquit.

Licet, *Cic.* tom. 3. p. 798. Orat. 40
quam

quam pro M. Marcello restituto habuit, nimium quantum in laudes Cæsaris se diffundat, adeo, ut aliorum Clarissimorum res gestas, nec contentionum magnitudine, nec numero præceliorum, nec varietate regionum, nec celeritate conficiendi, nec dissimilitudine bellorum, cum illius factis, conferri posse, putet, *non tamen eapropter Romanus Monarcha primus, sed primus inter Romanos Imperatores saltem, est constituendus.* Utrum verò jure interfectus, duabus Orationibus disceptat *Kirchn.* vol. 1. Quanquam, si dicendum quod res est, standum omnino à partibus *Exc. Bœcleri* in disert. ad *Suet. Cæs.* p. 23. & *B. Ruperti* in *Vell.* l. 2. c. 72. qui non contemnendis rationibus, Cæsaris cædem injustam fuisse, evincunt.

AUGUSTUS.

IV.

Qua ratione ad imperium Augustus pervenit?

Devicto Antonio, cun-

C 2

cta

cta discordiis civilibus fessa,
nomine (a) *Principis*, callido
plane consilio, minuendæ in-
vidiæ causa, sub imperium ac-
cepit,

(a) Hæc vox nihil eo tempore Monar-
chicum notabat, sed in Rep. planè qui-
dem libera, eminentiam, & excellentiam
virtutis, meritorum, nobilitatis, dignita-
tis & opulentix exprimebat; quam ex-
plicationem *Bœcleri*, suis notis addidit
Schmideli, in *Boxhorn*, Imp, Rom. p,
486. Quibus verò artibus imperandi,
Augustus Monarchiam parârit, osten-
dit omnium artium imperandi promus
condus, *Tacitus* l 1, ann. cui adde *Felden*.
part. 4. Elem. Juris c, 2, membr. art, 1,
p. 828.

V,

Quid sub Augusto factum?

Natus est ex Maria, è semine
Davidis oriunda, Messias, in
Bethlehem.

Dicitur

Dicitur Christus ex Bethlehem oriturus, non quod ex Davidis, Bethlehemi nati, posteris sit proditurus, quod Rabbi- nis placere videtur, sed quod illud ipsum oppidum, fuerit verus locus, nativitate Messiae celebris. Natus itaque est Chri- stus ἐν βηθλεὲμ τῆς Ἰουδαίας *Luc. 2. v. 5. 6. 7. Matth. c. 2. Joh. 7. v. 42. Mich. 5. v. 1. seqq.* (nam aliud adhuc est Bethle- hem, ad tribum Sebulon pertinens, *Jos. 19. v. 15.*) & quidem in ipsa urbe, non in rure Bethlehemitico, quod *Baronius, Originem & Eusebium* secutus, *Tom. 1.* ad annum Christi l. n. 3. somniat; quem tamen expugnat summus noster *Dilker- rus*, de sacris studiis & Eccl. meritissimus disp. Acad. tom. 1. disp. 14. q. 10. p. 441. *Cas- sanbonus* Exercit. contra Baron. 2. Vene- rabilis *Calixtus* Concord. Ev. l. 1. c. 8. *Peta- vius* Rat. temp. part. 2. l. 4. c. 2. De eo autem, utrum Christi nativitas Augusto nota fuerit, non immerito dubitat *Box- hornius*, Hist. Univ. p. 11. Insuper illud pro incerto habendum, quod ea nocte, qua Christus natus, templum pacis Ro- mæ conciderit, quo de videatur *Pflau-*

meru Mercur. Ital. p. 370. Cæterum de anno, mense, & die natalis Christi, re inter eruditè doctos hætenus disceptata, consulendi *Montacutius* Exerc. 11. Annal. Eccles. p. 360. *Cloppenburg* disp. select. 8. *Bucholz*, Isag. Chron. p. 90. *Emmius* Rerum Chron. l. 4. p. 96. *Strauch*. Brev. c. 40. l. 4. p. 1059. Interim nihil certi, de natalis Christi die, Ecclesiæ primorum seculorum constituisse, luculenter docet ante cit, *Calixtus* program: altero Tr. de persona Christi, præmisso.

VI.

Quo anno regni Augusti?

Anno 42. Et ex hoc tempore deducenda series Seculorum.

VII.

Quot jam numerantur Secula?

Sedecim, cum dimidio decimi Septimi.

VIII.

Quid seculi primi initio contigit?

Magi ex Persia, (a) venerunt
Hiero-

Hierosolymam. Herodes Ascalonita paterno genere Idumæus, materno Arabs, infanticidio Bethlehemitarum, Christum è medio quoque tollere cogitavit. Obiit insuper Anno Christi 18. Augustus.

(a) Alii, cum legunt, *Matth. 2. v. 1.* Magos ex Oriente Hierosolymam venisse, illud, ἀπὸ ἀνατολῶν, de Arabia felice interpretantur. Nec deest ratio, quæ huic opinioni probabilitatem conciliet. Si enim sola Arabia thus mittit, quod *Solinus Polyhistor. c. 46.* cum *Plinio. l. 12. c. 17.* adfirmat, speciem utique veri habet, Magos ex Arabia hunc thesaurum secum attulisse. Sed cum salus Ecclesiæ Christianæ in hac re non vertatur, illaque sententia, nulla absurditate prematur, eam sequi, cuius integrum esto. vid. *Cl. Kipp. l. 1. Inst. Pol. c. 1. & D. Kortholt. Tr. de Philos. Barb. §. 25.* Plura de Magis inveniuntur,

apud Bulling. in Eclog. ad Arnob. l. 2. c. 6. p. 341. Non possum non addere hîc elegantissimum, ad Studiosam juventutem, Epiphonema, de sacris & profanis studiis optime meriti D. Georg. Calixti in Hist. Mag. p. 12. Ita autem ille. *Habent, quod glorientur, & gaudeant, omnes bonarum litterarum & Philosophia Studiosi, nempe cum hominibus gentilibus, natales filii sui Deus patefaceret, & ex iis in Ecclesiam primitias adlegere voluisset, artium & disciplinarum peritis, atque adeo Philosophis cum honorem habuisse, ut ex ipsorum numero, qui primi omnium essent, & reliquis praeirent, adsciverit.*

IX.

TIBERIUS.

Sub quo Imperatore vixit Christus?

Sub Tiberio, cujus imperii anno 15. anno ætatis 30. (a) ministerium suum est adgressus, ac anno ætatis 35. imperii Tiberiani 20. passus, mortuus, ac sepultus.

(a) Non

(a) Non levis disputatio orta est inter doctos, de numero Paschatum, à Christo suscepto baptismo, celebratorum. Nonnulli duo tantum; quidam tria; alii 4.; rursus alii 5. eum celebrasse statuunt. Cum verò multis, omnium optima, Historiæque Evangelicæ adprime conformis esse videatur, ea, quæ quatuor statuit, sententia, saltem hæc indicasse sufficiat.

X.

Num verò Tiberius fuit successor Augusti?

Commiserat Augustus instinctu callidissimæ conjugis Liviæ, Tiberio privigno, imperium, quod quidem post mortem ejus adiit, ac in principio optime administravit; sed mortuâ matre, dominationem violentiorem exercuit.

XI.

Quid porro factum?

Herodes Antipas decolla-

C 5 vic

vit Johannem Baptistam, Paulusque conversus, Anno Christi 36.

XII.

Quando Tiberius obiit?

Obiit Anno Christi 37. in pago Campaniæ Lucullana, (qui nihil in omni vita majori cum cura egit, quam ut semper esset sui quam dissimilimus) ingenti cum gaudio populi, qui corpus ejus in Tiberim projiciendum esse, clamabat.

Vellejus in laudando Tiberio, nimium quantum sibi indulget, l. 2. c. 94. n. 2. Sed, cum sub Tiberio, militiæ dignitates adeptus sit, adulatione abreptus, eum elogiis ornavit, quem plura publicæ authoritatis monumenta, gravius notaverant, Judice *Bœclero* in orat. de Vell. Hist. p. 27. addatur *Freinshem.* Expos. ad l. 1. annal. Tac. cap. 1. n. 1. §. 4. qui quo-

quoque, inter adulatoriæ artis studiosos, Vellejum refert. Cæterum de Tiberio omnino consulenda elegantissima Disp. quam Anno Christi 1661. edidit *Exc. Bosius*.

XIII.

*Qui docti Viri sub Tiberio
floruerunt?*

Strabo, Livius, Valerius, Vellejus. His addendus, callidus temporum, morumque Tiberii admodum peritus, *Sejanus*.

Is semper res novas moliens, *Sejanismo* viam ostendit, quo de fusius agit *Hornius* disert. Hist. Pol. 30. p. 279. *Bæcl.* disert. ad Suet. Tib. §. 26. seqq. p. 63. *Enenkel* Tr. d. Sejan.

XIV.

C. CALIGULA.

Fuit ne bonus Imperator?

Initia imperii magnam de

eo spem faciebant, enim verò post, adulteriis, luxuriâ (a) prodigalitate, superbiâ & insolentiâ, nec non (b) divinorum honorum cupiditate, omnibus se exosum reddidit. Hinc tandem à Chærea, viro antiquæ virtutis, & Sabino, est interfectus.

(a) v. *Heidmann. Epit. Hist. l. 4. p. 72.*

(b) Plane cedro digna sunt, quæ observat in *Boxhorn. Pol. l. i. c. 4. p. 44. Hornius.* Ita autem, postquam elegantem illam quæstionem, an ad Majestatem Principum requiratur adoratio, excussisset, inquit; *Illi Reges, qui divina adoratione colui voluerunt, à Deo graviter puniti sunt; Nebucadnezar in bestiam fuit transformatus; Haman in patibulo suspensus; Alexander M. veneno necatus; Herodes à vermibus devoratus, Caligula, Heliogabalus, ignominiosissimâ morte necati. Tand. concludit cum Tholosano;*
omnia

omnia illa illicita esse, quæ vulgo adulatores regibus tribuunt, ut cum divinam principum clementiam, sacram Majestatem, aternitatem imperii, & alia nugatoria crepant.

XV.

Quid sub eo factum?

Simon Magus, gente Samaritanus, (a) primus ab ascensione Christi hæreticorum, exortus est; ac primo ejus imperii anno, natus est Fl. Josephus, Hebræorum Livius.

(a) Πρωτότοκος ὁὗτος τοῦ διαβόλου, de cuius impiis dogmatibus v. *Iust. Mart. Apol.* 2. pro Christ. B. D. *Hornejus Hist. Eccl.* l. 1. c. 23. §. 21. *Pappus Epit.* p. 295. *Micralius Syntagm. Hist. Eccl.* q. 35. Romam eum sub Claudio venisse, ac ob artem Magicam, statuâ à P. R. honoratum fuisse, tradit *Baronius*, sed non probat, ut ut *Iust. Martyr. Irenæi ac Tertull.* autoritate sese muniat. Adeat modò Summum nostrum *Dn. Dilherrum Tom.*

1. disp. p. 64. 65. *D. Major*, Exeg. *ἑραξάν*, c. 8. *Boxhorn*. *Q. Rom.*, 13. p. 61. *Rader*, ad *Martial.* p. 40. Quo loco sit habendum certamen, *Simonis Magi* cum *Petro*, satis indicat *Pappus*. l. c. p. 22. & ad eum *Kipping*. p. 23. *Maresius* disert. de *Antich.* p. 79. *Hornius* ad *Sulp. Sev.* p. 369. qui tamen *Hist. Eccles.* p. 46. fabulæ hujus fontem ex *Neronis*, apud *Suet. vita*, c. 12. ostendit.

XVI.

DRUSUS.

Obtigit ne Druso, à morte Caligule imperium?

Evectus est ad illud favore militum ; sed prudenti consilio, nomine Imperatoris abstinuit, nimiosque honores recusavit. De cœtero *γυναικocratήμενος*, alexæque (cujus artem libro emisso evulgavit,) peritissimus fuit.

XVII.

XVII.

*Quæ digna memoratu ejus habet
imperium?*

Matthæus, Marcus, Lucas
medicus, Syrus Antiochenus,
Evangelicam historiam scri-
psere; ac habitum est Conci-
lium Apostolicum Hieroso-
lymitanum, Anno Christi 49.

Et hoc, de concilii tempore, calculo
quoque usus est B. D. Hornejus l. 1.
Hist. Eccl. c. 10. Vedelius Tr. de
Cathed. Petr. l. 1, c. 6, proxime ad no-
strum accedit, tempusque hujus conci-
lii collocat in A. C. 48. & 6. Claudii.
Ast longissime ab hac sententia disces-
sit Heidegg. de libert. à Lege Cib. con-
tra Curcellanum c. 10. qui & integrum hoc
caput, huic concilio impendit,

XVIII.

N E R O.

*Quem successorem habuit Ca-
ligula?*

Neronem, avunculo suo
Cali-

Caligulæ, non dissimilem, qui veritatem Paterni (a) augurii, vitâ probavit, & vitia cujusque suorum, quasi tradita & ingenita, retulit.

(a) Ita enim *Suet. l. 6. c. 5.* De genitura ejus statim multa & formidolosa multis conjectantibus, præfagio fuit & Domitii patris vox, inter gratulationes amicorum, negantis *quidquam ex se & Agrippinâ, nisi detestabile, & malo publico, nasci potuisse.*

XIX.

Qualis in vita & imperio fuit?

Commendatum ejus quinquennium; sed reliqua vita turpissima, quippe qui flagitiis nemini cuiquam concessit. Præter Senecam Præceptorem suum, Matrem & Agrippinam, fratrem Britannicum, Octaviam & Poppæam

pæam Sabinam uxores, amitamque Domitiam interfecit.

Hieronimus, fictis quibusdam Senecæ ad Paulum Epistolis, inductus, eum Sanctorum Catalago addidit. v. Phil. Carol. 1. 2. Var. Lect. c. 3. uberius hæc excutiens.

XX.

Ecclesiæ quis status fuit sub Nerone?

Acerbissimus, ob odium gentilium in Christianos.

XXI.

Quid ergo illi contigit?

Perpessa est persecutiones gravissimas.

XXII.

Quot numerantur persecutiones?

Decem, quarum 1. coepit sub Nerone. 2. Sub Domitiano. 3. Sub Trajano. 4. Sub Hadriano. 5. Sub Severo. 6. Sub

6. Sub Maximino. 7. Sub Decio.
8. Sub Valeriano & Gallieno.
9. Sub Aureliano. 10. Sub
Diocletiano & Maximiano.

His decem, sub Ethnicis imperatoribus, persecutionibus, possent ab Anno Christi c100. aliæ decem sub Christianis addi, quarum 1. Waldensium. 2. Hussitarum. 3. Lutheranorum. 4. Helvetica. 5. Hugonotica. 6. Hispanica. 7. Papalis. 8. Persecutio per Austriam, Stiriam, Carinthiam, Bohemiam, Silesiam. 9. Hibernica. 10. Pedemontana Sabaudica. De quibus v. *Georg. Hornius. Hist. Eccl. præfat.* ex qua ordine eas recensere, visum fuit.

XXIII.

Primæ persecutionis quæ causa?

Præter (a) calumnias, quibus Christiana veritas premebatur, primam persecutionem A. C. 64. excitabat (b) incendium urbis Romæ, casu, aut dolo Neronis, exortum.

(a) Potis-

(a) Potissimas hic uno complecti fasce, non abs re. Vocabant itaque Ethnici Christianos, Asinicolas, cujus nominis causa Gnostici. *Epiphan.* Hæres. 26. Novellos v. *Arnob.* l. 2. Tertium genus hominum, stulta credulitate deceptos, Rudes, Homines de ultima fæce, v. *Minut. Fel.* Pauperes, Lucifugas, Pallidos, Temerarios, Crucicolas, Sarmentitios & Semaxios, Sibyllistas, Extorres, Libellaticos, Thurificatos, Sacrificatos (quibus de videatur *D. Cellarius* disert. de Ecclesia. A. C, 1650. edita. §. 21. *D. Meissn.* disp. de Persecut. §. 52, p. 54.) Biothanatos, Pisciculos.

(b) v. *Tacitus.* 15. Annal. c. 44.

XXIV.

Quinam hac persecutione periêre?

Inter innumeros alios Petrus, Paulus, Jacobus minor, Philippus & Barnabas, propter fidem in Christum, occisi sunt.

XXV.

XXV.

*Cum tantus fuerit Nero Tyrannus,
qua morte interiit?*

Conscientiæ stimulis ex
carnificatus 14. imperii anno
ferrum jugulo adegit; atque
sic in eo progenies Cæsarum
defecit.

GALBA.

OTTO.

VITELLIUS.

*Trium horum imperium, biennii spatio,
divina providentia incluserit.*

XXVI.

FL. VESPASIANUS.

Fuit ne dignus imperio?

Maxime; nutantem siqui-
dem rem Romanam restituit,
summâ que cum laude ei præ-
fuit.

Prædixit

Prædixit ei imperium Fl. Josephus
teste *Suet.* l. 8. c. 5. *Suid.* in voce JO-
SEPH. p. 414. *Cuspp.* in Vesp. p. 23.

XXVII.

Quid factum sub eo?

Hierosolyma est excisa An-
no Christi 70.

De hoc excidio. v. *Tac.* l. 5. *Hist.* c. 11.
Josephus l. 7. d. bello Judaico, Author,
qui judice *Cocco* Cens. p. 120. sub no-
mine *Egesippi* circumfertur, (cum ta-
men vel *Ambrosius*, vel *Theodosiani*
ævi, alius sit. v. *Bosius.* disp. in *Perioch.*
Fl. Josephi §. 32.) l. 3. & 4. *Hornejus*
Hist. Eccl. l. 1. c. 14,

XXVIII.

Quid in Ecclesia factum?

Cœperunt Episcopi Romæ,
Anno Christi 70. quorum
primus *Linus*.

XXIX

Docti Viri qui floruerunt sub
Vespasiano?

Q. Curtius, (a) Quintilia-
nus,

nus. Plinius II. Historiæ naturalis conditor.

(a.) v. *Vossius* l. 1. de Hist. Lat. c. 28
Degor VVhear in Relect. bono publico
 â *Ch. Arnoldo* editis, f. 12. p. 92.

XXX.

Tit. VESPASIANUS.

Quid eo imperante contigit?

Primo ejus imperii anno,
 exarsit Vesuvius Campaniæ
 mons, incendio Plinio II. fa-
 tali.

Pluribus describit hoc incendium,
Plinius alter, l. 6. Ep. 16. *Dio Cassius* l. 66.
 Enimvero præter Vesuvium, (qui rursus
 Anno Christi 1660, immensam cinerum
 lapidumque vim evomuit) quem ele-
 ganti oratione descripsit, *Philosophus &*
Poëta insignis Lipsiensis, Andreas Ri-
vinus A. C. 1633. alii adhuc montes igni-
 vomis reperiuntur, nempe *Ætna* in Sici-
 lia, *Hecla* in Islandia, v. *Stranch*, disert.
 Hist.

Hist. Chorogr. f. post. θ. 4. *Kirchmayr*, de montibus igniv. & quidam in India Occidentali, quo de *Camerarius* Oper. subcis. part. 1. c. 63. p. 287. quibus adde forum Vulcani Puteolis, vulgo *Solfatara*, cujus naturam uberius exponit, *Franciscus Scotus*, Antwerpens. J. C. Itin. Ital. part. 3. p. 243. *Pflaumern*. Mercur, Ital. part. 2. p. 82.

XXXI.

Nulline hæretici sub eo exorti?

Exorti sunt Ebion, & Cerinthus, natione Judæus, pessimi divinitatis Christi hostes.

Confer. *Calixtus*. dissert. de Nest. Hæres. §. 3. *Horn*. Hist. Eccl. l. 1. c. 15. *Michaël Laurentius* Spicileg. Hæres. p. 53. seqq.

XXXII.

Quamdiu imperavit?

Annis duobus, mensibus tribus, ob justitiam & benevolentiam in omnes, amor & deli-

& deliciae humani generis dictus.

Arcum ei Senatus P. Q. R. ob res præclare gestas erexit, quem exhibet *Andreas Fulvius* Antichita di Roma l. 4. c. 3. p. III.

XXXIII.

DOMITIANUS.

Quis fuit?

Filius Fl. Vespasiani, Patri & Fratri omnino dissimilis.

XXXIV.

Quomodo Imperium administravit?

Varius aliquandiu in administratione illius fuit; nihilo tamen minus crudelitate, sævitiâ, ac nefandâ superbiâ (a) omnium se odio exposuit.

(a) Ita de hoc Hercule muscarum, *Sueton.* l. 8. c. 13. cum procuratorum suorum

uorum nomine formalem dictaret Epistolam sic coepit: *Dominus & Deus noster sic fieri jubet.* Quo ipso, quantum à modestia antecessorum suorum discesserit, exin patet, quod Augustus, Domini nomen, nunquam admiserit *Tertul.* Apol. c. 34. *Augustus imperii formator, & Dominus quidem dici volebat.* Quæ causa? sane, cum ea vox nil nisi herile, & violentum quodammodo imperium significet, satius esse duxit, dominandi gnarus Augustus, invidioso nomine onisso, rem ipsam tenere. Eandem *Domini* adpellationem abhorruit quoque Tiberius, contumeliam nomen illud putans. *Suet.* l. 3. c. 27. Enimvero decrescentibus virtutibus, ambitioneque incrementa sumente, Imperatores communiter, *Dominorum* nomine, adpellati sunt. Confer. *Conrad. Rittersh.* in not. ad *Plin.* Ep. ad Traj. p. 41. 42. & *Damke* ad *Agapet.* c. 68. p. 203.

XXXV.

Quid factum sub eo?

Persecutio II. coepit Anno
D Christi

Christi 93. in qua relegatus
Joh. Evangelista, Theologus,
(a) in Pathmon, ubi Apoca-
lypsin suam vidit.

(a) καὶ ἐξοχὴν ita dicitur, quod do-
ctrinam de Deitate filii contra Θεομάχους,
perspicue tradat. *Snidas* de eo scribit, il-
lum Θεολογίαν, h. e. doctrinam de Deita-
te filii, scripsisse. Et hinc factum quod
antiquitas, ei Aquilam addiderit. Con-
fer, μακαρίτην *Calixtum*. proleg. ad
Concord. p. 4.

XXXVI.

COCCEJUS NERVA.

A quo revocatus est Johannes ?

A Nerva, qui cum esset
optimus Princeps, alios quo-
que in exilium ejectos, Do-
mitiani edictis sublatis, re-
vocat.

XXXVII.

XXXVII.

*Quid egit Johannes, postquam
reversus esset?*

Evangelium suum Ephesi,
adversus Ebionem, & Cerin-
thum, scripsit.

XXXVIII.

Quo jussu?

Jussu ac rogatu Episcopo-
rum Asiæ.

XXXIX.

Johannes quando obiit?

Anno I. Seculi II. sub Tra-
jano, Ephesi,

SECVLUM II.

I.

*Qui sunt Seculi Secundi Im-
peratores?*

1. Trajanus. 2. Hadrianus,
D 2 3. An-

3. Antoninus Pius. 4. Antoninus Philosophus & L. Aurelius Verus. 5. Commodus. 6. Helvius Pertinax. 7. Didius Julianus.

*Trajanus Princeps, docto dat sceptrum
Hadriano.*

*Excipit hunc doctum rursus Pius
Antoninus,*

*alter Philosophus, cum Vero, Incom-
modus orbi*

*Commodus, adgressus regnum, Mox
Helvius instat :*

*succedit Didius, turpis cui cura vo-
luptas.*

II.

TRAJANUS.

Qualis fuit Imperator ?

Christianis iniquus, nec a-
lias satis bonus.

Tantum tamen meruit de Senatu, ut
recepta ad Cæsares acclamatio fuerit ;

Felicior

Felicioꝛ Augusto, melioꝛ Trajano. v. *Eutrop.* l. 8. *Sarish.* in *Polic.* l. 5. c. 8. *Coler.* *Parerg.* c. 1. *Alst speculum illum Mali Principis* fuisse, ostendit eleganti orat. *B. Rupertus*, qui etiam impudentissimam *Flori adulationem*, in not. ad illum. p. 40. satis reprimit. Sanè *Plinii Panegyricus*, supra humanam conditionem eum collocat. Et quis non putet, nimias, quas in eum permulti congestere, laudes, ansam dedisse fabulæ, cujus architectus *Damasceus*, Trajanum precibus *S. Gregorii*, quingentis annis post mortem, ex orco liberatum. Cum autem ipsi *Baronio*, stupendi annalium operis *Conditori*, & *Bellarmino* l. 2. de *Purgat.* c. 8. figmentum hoc displiceat operose id excutere, hujus loci non est. Egregie id præstitit sæpius cit. *D. Meisn.* disp. de *Persecut. Chr.* §. 14. *Christ. Matth. Theatr.* p. 155.

III.

Unde id constat?

Quia tertiam adversus eos

D 3 per-

persecutionem, Anno Christi
107. excitavit.

v. *Plin.* l. 10. Ep. 97.

IV.

*Quinam in illa martyrium
subiere?*

Inter alios (a) Ignatius Episcopus Antiochenus, & (b) Clemens Episcopus Romanus.

(a) Septem, quas ad diversos scripsit, Epistolarum, meminit *Hieronymus* & *Eusebius* l. 3. H. E. Prodiere vero Epistolæ Ignatii Genevæ, cum notis Vedelii, Anno 1623.

(b) Mentio ejus fit, in Epistola ad *Philipp.* c. 4. v. 3. Egregiam autem, quam ad Corinthios scripsit Epistolam, mirâ hætenus divinâ providentiâ servatam, in lucem, Oxonii in Anglia, anno hujus Seculi 33. produxit, Regis magnæ Britanniae Bibliothecarius, *Patricius Junius*, qua de quid sentiendum v. *Rivet*, Crit. Sac. l. 1. c. 8. p. 142. *Hornejus* Hist. Eccl. l. 2, c. 1. §. 12.

V. *Qui*

V.

*Quinam Viri clari vixerunt
sub eo?*

Plutarchus ejus Præceptor,
Plinius Epistolarum & Pane-
gyricorum author, Sueto-
nius, Hadriano ab Epistolis,
& (a) Tacitus.

(a) Hunc nonnulli ideo manibus ex-
cutere volunt, quod plus detrimenti, quam
emolumenti, animis Principum insinuet.
Enimvero si ideo abjiciendus, quod impar-
es, ad resistendum vitiis, animi, ejus lectio-
ne corrumpantur, maxima certe pars, opti-
morum etiam librorum nobis peribit. Sane
non habent, quod metuant sibi à Tacito
Principes Viri, si eorum cor solide intus
timore Dei, & virtutis amore munitum.
Interim egregiam, pro Tacito, Apologe-
ticam, scripsit Octavius Ferrarius, quam
Tacito Historiato Moschenii, addidit
Nob. Jac. Le Bleu. p. 329. Jungatur ante
laud. Dhegor VVhear. Rel. sect. 21.
p. 143.

VI.

HADRIANUS.

Quis successit Trajano?

Hadrianus, testamento à Trajano adoptatus, ob insignem Græcæ linguæ peritiā, Græculus dictus.

VII.

Ab eo quid gestum?

Judæos, Duce Barcochebah (a) rebellantes, delevit. Hierosolymam à se instauratam, (b) Æliam Capitolinam nominavit, suamque è marmore factam, portæ, quâ Bethlehem itur, imposuit.

(a) Binos hujus nominis impostores, unum sub Vespasiano, alterum sub Hadriano fuisse, non plane à veritate alienum. Posterior autem, cum innumerable Judæorum multitudine, in urbe
Bither,

Bither, quæ regia illi sedes erat, occisus est. v. *Buxtorf. Synag. Jud. c. 36. Hottinger. H. E. part. 1. sec. 2. f. 3. Jacobus Mart. de tribus Eloh. l. 3. c. 36. p. 182. Grot. de Verit. Rel. Chr. c. 29. Boxhorn. Hist. Un. p. 152. Hornejus l. 2. c. 2. Hornius Hist. E. art. 2. p. 57.*

(b) v. *Kauwolff l. 3. c. 2. & 5. Richt. Axiom. Hist. 217. p. 293.*

VIII.

Fuitne Ecclesia hostis?

Persecutio quidem IV. sub eo exorta, Anno Christi 126. nullo tamen peculiari ejus edicto.

IX.

A quibus est mitigata?

A Quadrato Apostolorum discipulo, & Aristide Philosopho.

Præter inveteratum gentilium, in Christianos, odium, causæ quoque, hu-

D 5

jus

ius persecutionis, erant hæretici illius temporis, Christianos se mentientes. *Euseb.* l. 4. Hist. c. 7. Unum adhuc est, quod tempora hujus Imperat: illustravit, nempe Codicis Biblici, in Græcam linguam translatio, ab *Aquila Sinopensi Pontico*, adornata, quæ de v. *Hornej. H.* E. l. 2. c. 3. §. 7. Tr. de Scrip. Sacr. p. 650.

X.

ANTONINUS Pius.

*Fuitne laude dignus successor
Hadriani, Antoninus
Pius?*

Omnino; non enim tantum eloquens, eruditus & sobrius fuit, sed & imperium sine sanguine gessit.

XI.

*Quo animo in Christianos
fuit?*

Etsi persecutione quarta,
non-

nonnihil adhuc Christiana
religio, eo imperante con-
culsa, lectâ tamen Justinî
Martyris Apologiâ, æquior
illi esse coepit.

XII.

Quis fuit Justinus Martyr?

Pater, quos vocant, Ec-
clesiæ.

XIII.

*Patres Ecclesiæ quomodo divi-
duntur?*

In duas classes, quarum u-
na est Græcorum, Latinorum
altera,

XIV.

Græcorum quis primus?

Justinus Martyr, (a) omnium
scriptorum Ecclesiasticorum
qui nunc extant, post Cle-
mentem

mentem & Ignatium, antiquissimus.

(a) Antequam Christianus fieret, sectator disciplinæ Platonicæ fuit, idque ipse de se fatetur, in altera, quam ad Senatum scripsit Romanum, Apologia, v. *Forbes*, l. 2. Instr. Hist. Th. c. 3. n. 14.

XV.

Quis primus Latinorum?

Tertullianus, sub finem seculi secundi, & initium tertii florens.

XVI.

ANTONINUS PHILOSOPHUS. L. ÆLIUS VERUS.

Qua ratione imperium obtinuit?

Adoptatus est ab Antonio Pio, novoque exemplo, *Verum*, sibi collegam esse voluit.

XVII.

XVII.

Quæ gesta sunt ab eo?

Marcomannos, (id est Moravos) ope Legionis Christianæ (a) fulminatricis superavit, victoriâque hac partâ, decreta contra Christianos, abrogavit.

(a) Legionem Christianam, contra Marcomannos purgentem, sub hoc Imperatore, primùm *κεραυιόβολον* dictam, falsum esse ostendit *Rupertus*, ad *Florum* p. 343. & *Besold*, p. 330. Totam verò historiam, columnæ ab Antonino erectæ, Romæ inscriptam, recenset *Pflaumern*, *Merc. Ital.* p. 335. *Lipstorp*, *Form. Mon.* Pap. c. 4. n. 21. 22. p. 30.

XVIII.

Num & aliquis Patrum sub eo vixit?

Utique, in quibus etiam Polycarpus, Smyrnenfis Ecclesiæ

clesiæ, qui Anno Christi 170. martyrii coronam accepit, & Irenæus, Ecclesiæ Lugdunensis Episcopus, Polycarpi auditor.

Scripsit ad Philipp. Epistolam, quam cum martyrio illius, edidit *Joh. Mader*, cui addendus *Hornejus* Hist. Eccl. l. 2. c. 5. *Kortholt*. Tr. de Persec. l. 5. §. 4. p. 145.

XIX.

COMMODUS.

Quis fuit?

Degener plane filius, & successor boni parentis, Reip. incommodus, crudelis, libidinofus.

XX.

Anne etiam in Ecclesiam saviit?

Non, sed status ejus fuit tran-

tranquillus, cujus causa Martia Concubina, Christiana,

XXI.

HELVIUS PERTINAX.

Quis Commodi est successor?

Helvius Pertinax, trimestris quidem, sed bonus Imperator, (a) *Pila fortuna* dictus.

(a) Plura in hanc rem exempla, collegit Clasen ad Cebet. p. 63.

XXII.

DID. JULIANUS.

Fuit ne hic successor Pertinacis?

Interfecto Pertinace emit imperium, sed illud rursus Sexto mense amisit.

Cum antea temporibus Aurelii Philosophi, & Aniceti Episcopi Romani, controversia de Paschatis celebratione,
exorta

exorta fuisset, eadem res sub finem seculi hujus, gravius inter le Asiaticos, cum Judæis sentientes, & Victorem, Romanæ Ecclesiæ id temporis Episcopum, collisit. Sed hic, illis communionem, quod cedere nollent, denegans, sensit decreta sua imperiumque, quod in alias Ecclesias sibi sumsit, frustra fuisse. v. *Enseb. l. 5. Hist. c. 22. & seqq.* alique Viri summi, qui hanc rem accuratius exposuere, in quibus, *D. Calixtus. dis. de Primat. Rom. Pontif. §. 36. D. Dreier. Controv. advers. Pont. disp. 7. p. 160. Dn. Beer. gründliche Widerlegung contra Erberm. c. 7. p. 333.*



SEcul. III.

I.

*Qua est series Imperat.
Secul. III.*

1. Septimius Severus. 2. Caracalla. 3. Macrinus. 4. Heliogabalus. 5. Alexander Severus.

Severus. 6. Maximinus Thrax.
 7. Cl. Pupienus Maximus.
 8. Balbinus. 9. Gordiani.
 10. Philippus Arabs. 11. Q.
 Trajanus Decius. 12. Vale-
 rianus & Gallienus. 13. Clau-
 dius. 14. Aurelianus. 15. Ta-
 citus. 16. Probus. 17. Ca-
 rus. 18. Diocletianus. 19.
 Maximianus.

Jam regnum clarus tractat virtute Se-
verus.

Te *Caracalla*, necat *Macrinus*, sangui-
 ne natus

obscurus, & luxu torpens. Regalia
 sumit

sceptra *Varus* foedus, sibi qui nil tur-
 pe putavit.

Sed nunc justitiæ vindex, jurisque
Severus

regnat *Alexander*. Post *Thrax* furit
 improbus. Adsunt
 collegæ imperii *Balbinus*, cum *Pupieno*.

His

His quoque sublatis, summi fastigia
regni

Gordjani sumunt; *Arabum* & de gen-
te *Philippus*,

Decius, infensus Christo. Dein *Valerianus*,

Gallienusque socors. Sed *Claudius*
optimus, annis

exactis binis, terrestria morte re-
linquit.

Hinc hostes varii, superat quos *Au-
relianus*.

Menses post senos, *Tacitus* censente
senatu,

fit Cæsar. *Probus Aurelius*, probus
omnibus audit,

& *Carus*, carus. Christoque *Diocle-
tianus*,

Maximianus erant hostes, Hic tristitia
cessant.

II.

SEPTIMIUS SE- VERUS.

Unde hoc nomen adeptus?

Ex eo, quod disciplina mi-
litaris,

litaris , Severus observator fuerit,

III.

Qualis in Christianos fuit?

Primo æquus iis fuit , sed post Plautiani instinctu, persecutionem quintam A. C. 202. adversus eos excitavit.

IV.

Quis in Ecclesia sub ejus imperio floruit?

Tertullianus Afer, (a) primus patrum Latinorum, Clemens Alexandrinus, & Minutius Felix.

(a) v. D. Kromayr, Hist. Eccles. Cent. 2. p. 95. Hist. Eccl. Goth. 1. 2. c. 3. f. 3. p. 272.

V.

CARACALLA.

Qualis fuit?

Plane sceleratus.

VI.

VI.

Unde id constat?

Matrem in matrimonium duxit, fratrem Getam, & Papinianum (a) JCTm, cædem hanc improbantem, interfecit.

(a) Habuit hic, una cum Severo, Præceptorem Scævola, sectæ Sabinianæ (cujus author Maffurius Sabinus,) addictum, unde cum eruditionis laude, apud alios, ævi sui JCTos, invidiam sibi conciliaret, sæpius illum, (more hujus Seculi) præprimis Ulpianus, ac Paulus perstrinxerunt. Laudes vero ejus cumulavit Cujacius in præfat. ad Juris pr. Pap.

VII.

*Quid sub eo contigit dignum
observatu?*

Versio Græca V. T. sine ullo Autoris nomine, reperta est Hierichunti, in dolio. Anno Christi 219.

v. Euseb. Hist. Eccl. l. 6. c. 16.

VIII.

VIII.

*Quis suscepit imperium post
Carallam?*

Opilius Macrinus, terræ filius, natione Maurus, cujus instinctu Caracalla occisus.

IX.

Diune imperio præsuit?

Cum annum unum, mensesque fere duos, imperium tractasset, ob crudelitatem militibus exosus, ab iis è medio sublatus est,

X.

HELIOGABALUS.

*Cui vero delatum est à militibus
imperium?*

Heliogabalo, homini omnium impurissimo, Romani imperii deformatori, qui
rur-

rursus anno imperii tertio, cum flagitiosissima matre Somide, in cloaca trucidatus, ejusque cadaver, alligato saxo, in Tiberim projectum.

Consulendus de eo *Paulus Diac. Hist. miscell. l. 10. c. 24. Rhodig. l. 28. c. 8. p. 1555.* Cur vero Heliogabalus dictus sit, vide sis præter *Rupertum*, ad *Bes. p. 349. Kipping. ad Pappum. p. 118.*

XI.

ALEXANDER SEVERUS.

Qualis fuit?

Laudatissimus sane, quippe qui æquitate imperii, omnium ad se animos, convertit.

XII.

Quo animo in Ecclesiam fuit?

Optimo. Christum enim in larario suo coluit, suisque præ-

præfectis, frequenter illud Servatoris inculcavit; *Quod tibi non vis fieri, alteri ne feceris.* Non tamen iple Christianus fuit!

XIII.

*Qui Docti viri sub eo
floruerunt?*

Floruère (a) Ulpianus ICTus, & Dio Calsius Nicænus, Historicus egregius. Inter Patres vero fuit (b) Origenes, Adamantius etiam dictus.

(a) Non tantum sub Severo, sed & sub Heliagabalo *Domitius Ulpianus*, ex Tyrriorum colonia splendidissima, in Syria Phœnice, oriundus, vixit. Cum verò ob virtutis studium, quibus nullus, vitiis grassantibus, locus, odium Heliogabali incurreret, officio adfessoris Prætoris, quo Romæ fungebatur, motus est. Sed *habe*nis Reip, ad Alexandrum, delatis, adeo

tis, adeo in deliciis illi fuit, ut *Parentis* nomine, Imperator eum ornaret. Tandem Prætorio præfectus factus est. Ast laudibus illius maculam aspergit, quod Christiani nominis hostis fuerit. v. *Lact.* l. 5. de Just. c. 11. Quod si quis plura de eo scire desiderabit, evolvat *Pancir.* de Cl. LL. Interpr. l. 1. c. 57.

(b) Tanta ejus in studiis diligentia fuit, ut 18. ætatis anno Alexandria Grammaticam (quâ quid intelligendum. v. *D. Meisn.* disp. de Orig. §. 5. & *Vou- vver.* Polymath. c. 4. n. 4.) docuerit. Sex millenos libros eum scripsisse fama est; inter quos eximios labores, Bibliorum opus eminet, quod primò quatuor versiones Græcas, 72. *Aquila, Symmachi, & Theodotionis* complectebatur; unde *Tetrapla*: quibus cum accederet textus Hebræus, Hebræis, & Græcis litteris expressus, *Hexapla*; tandem adstructis duabus versionibus Græcis, Authoris incogniti, *Octapla*, dictum fuit.

XIV.

MAXIMINUS.

Quomodo pervenit ad impertum?

Joco fortunæ ; primùm enim opilio , dein miles, tandem Imperator.

XV.

Nullane persecutio sub eo cœpit?

Cœpit sub eo persecutio Sexta, Anno Christi 236. quâ maxime in Ecclesiæ antistites sæviit.

XVI.

Quæ causa persecutionis?

Præter communes, & quædam domestica erat , odium scilicet in familiam Alexandri antecessoris.

E

v. Enseb.

v. *Euseb.* l. 6. c. 21. 28. Præterit hanc
persecutionem Sulpitius Severus, par-
tim ob brevitatem imperii Maximini
partim etiam, quod saltem quibusdam i-
locis, in Clericos tantum sævitum est.

XVII.

Diene retinuit imperium?

Vix ultra biennium : sævi-
tiæ enim illius omnes pertasi
tandem eum in castris inter-
fecerunt.

Duas causas, quæ exolum reddidit
Maximinum, adfert *Machiavellus* d.
Princ. c. 19. p. 83. ubi plurimis exemplis
egregie, principi, tum contemptum sui
tum odium esse fugiendum, monstrat.

GORDIANUS.

PUPIENUS.

BALBINUS.

GORDRIANUS. III

XVII.

XVIII.

PHILIPPUS ARABS.

Cujus originis fuit?

Natus est patre Latronum ductore, ac necato per summum scelus, in finibus Persidis, Gordiano, imperium arripuit. Rursus tamen trucidatus à militibus, anno imperii 7. medio capite, supra ordines dentium, abscisso.

Primum hunc Christianum fuisse Imperatorem, *Eusebius*, fictis Origenis Epistolis persuasus l. 6. c. 27. *Vincent. Lerin.* c. 23. alique adfirmant. At nondum, tanta adsunt rationum momenta quibus id evinci posset. Sane, *Scaliger* ad *Euseb. Chron.* n. 1260. *Calixtus Appar. Theol.* p. 198. *Rupertus* ad *Besoldum.* p. 365. *Bosius.* Exercit. de Pontif. Max. Imperat. Rom. c. 3. §. 7. p. 30. *Kortholt.* Tr. de Persecut, p. 278. quid veri, adversæ

E 2

opinio-

opinionem insit, ad amussim ostendêre, Fons autem erroris, est paritas nominum. Cum enim bini essent ejusdem nominis, nempe, *Marcus Julius Philippus Arabs, & Philippus, Praefectus Augustalis in Aegypto*, Pater S. Eugeniae, nominum confusione, quæ huic conveniebant, illi attributa fuisse, verisimilis conjectura est. Perplacet judicium Joh. Lati. Comp. Hist. c. 17. p. 69. *Philippum Imperatorem Christianum fuisse, non nulli ex fictis Origenis Epistolis, ad eum probant. Verum Pomponius Latus eum Punica fide credidisse scribit; sane mores ejus non correspondenti religioni Christiana, & praecipue illius ævi.*

XIX.

DECIUS.

Quis eum ad imperium evexit?

Legiones militares; à quibus receptus, Gothos Danubium transgressos, aggressus est.

XX.

XX.

Qualis fuit?

Christianis infensus, adversus quos persecutionem VII. prioribus atrocio- rem, Anno Christi 252. excitavit, quæ sub Gallo, ac Volusiano continuata.

XXI.

Quinam Ecclesie Patres sub eo floruerunt?

Floruit sub Decio Cyprianus, (a) Carthaginiensis Episcopus, Latinus; & Gregorius NeoCæsariensis à miraculorum magnitudine, Thaumaturgus (b) dictus, Græcus Ecclesiæ Pater.

(a) Persecutioni huic, Carthaginem fugiens, Cyprianus se subduxit. Idem fecit & Gregorius, qui suis secessionem,

E; impen-

impendente hac tempestate, plurimis argumentis prudenter persuasit. Hujus verò persecutionis acerbitas, vitæ Eremitarum, quam his temporibus princeps ingressus est Paulus Thebæus, XV. annorum juvenis, ansam præbuit. v. *Christoph. Angelus* de Stat. Eccl. Græcæ, Latinit. donatus à *Georgio Fehlavio* c. 40. Quod enim Pontificii Eliam, & Johannem Baptistam, vitæ hujus antesignanos faciunt, id solido destituitur fundamento. v. *Fehlavius*. l. c. p. 176. Thebæi exemplum sequutus est, Antonius, de quo ita *Sozomenus* l. 1. c. 13. *Antonius, magnus ille Monachus, perfectis pietatis institutis, & exercitationibus ad eam rem accommodatis, hoc vite genus ad summum perduxit.* Laurentium etiam in hac persecutione sub Decio, martyrio coronatum, *Magdeburgensibus Centur.* & *Dressero* Isag. Hist. part. 1. p. 88. videtur; ab iis tamen abeunt *Baronius, Sethus Calvisius, & Hornejus.*

(b) Opinione miraculorum, quæ patrasse dicitur, id nominis adeptus est, quod tamen in dubium vocant *Centur.* fec. 3. c. 13.

XXII.

XXII.

VALERIANUS.

GALLIENUS.

Fuit ne bonus Imperator?

Optimus equidem sed non
in Christianos.

XXIII.

Qua causa?

Persecutionem adversus
eos octavam Anno Christi
258. excitavit, ac ab Ægyptia-
co quodam Mago, eò per-
ductus est, ut (a) victimas
humanas immolaret.

(a) Idem & Hadrianum & Helioga-
balum fecisse, satis superque docet *Spar-
tianus*, in *Hadri*: p. 28. *Eusebius*, H. E.
l. 4. c. 9. *Camerar*. Cent. 1. c. 59. *Lam-
prid*. in *Heliog*. Enimverò licet primor-
dia imperii Valeriani, tranquillitatem
adferebant Ecclesiæ, ab hostibus exter-

nis, gravis tamen controversia eam nihilominus exercuit, dum inter se Cyprianus & Stephanus P. R. de Baptismo Hæreticorum, disceptabant; quorum hic adversus illum, & Africæ Episcopos negabat, ab Hæreticis baptizatos, esse rebaptizandos. Copiose rem omnem deduxit, *Calixtus*, in de Visibili Ecclesiastica Mon. §. 51. *Hornejus* Hist. Eccl. l. 3. c. 6. & Compend. Theol. l. 2. c. 2. §. 47. p. 347. *D. Zigler*. Dissert. de Bapt. non iteran. ad l. 1. Antist. 1. Cod. de S. Bapt. l. 1. §. 42. seqq. *Forbes*. l. 16. c. 1. n. 6.

XXIV.

Quinam persecutione hac assumti?

Inter innumeros, qui in Syria, Cilicia, Gallia, Hispania, Numidiaque interfecti sunt, est etiam Cyprianus, (a) & Laurentius. (b) Dionysius quoque Alexandrinus, (c) acerbissima multa, hoc persecutionis

UNIVERS. MONARCHICAM. 105
tionis furore durante, per-
pessus est.

(a) De martyrio ejus, v. *Kortholt*.
Tr. de Pers. f. 9. §. 10. p. 374.

(b) Id. Ib. §. 13. p. 380.

(c) Ejus, de persecutionis hujus acer-
bitate, Epistolam exhibet *Eusebius*. l. 7.
c. 9.

FL. CLAUDIUS.

XXV.

AURELIANUS.

Quomodo imperium est adeptus?

Commendatione Fl. Clau-
dii antecessoris.

Severissimus disciplinæ militaris cu-
stos fuit, idque ex hac, ad suum Vica-
rium, apud Fl. Vopiscum c. 7. Epistola
constat. *Sivis Tribunus esse, imo si vis vi-
vere, manus militum contine. Nemo pul-
lum alienum rapiat, ovem nemo contingat,
vinum nullus auferat, segetem nemo detra-
hat, oleum, sal, lignum nemo exigat, anno-*

E s

nâ suâ

*na sua contentus sit, de prada hostium,
non de lacrymis provincialium, habeat.
Hæ leges si hodie valerent, quam bene
cum re militari ageretur. Sed remissior
est disciplina cujus quæ sint causæ. v.
apud D. Zigler, in doctissimis ad Grot,
notis p. 3.*

XXVI.

Num quid præclari gessit?

Suscepit adversus Zeno-
biam, Orientis Reginam, ex-
peditionem, quam genero-
sam foeminam superavit, ac
in (a) triumphum duxit.

(a) v. de hoc triumpho Vopiscus, in
Aureliano c. 33. 34.

XXVII.

*Anno & hostis Christianorum
fuit?*

Sæviit persecutione IX.
Anno Christi 273. in Christia-
nos. Sed cum novis edictis
sub-

subscribens, eam promovere vellet, ultricem divinam sensit justitiam.

XXVIII.

Quid sub eo contigit?

Prodiit (a) Manes Persa, Manichæorum Parens, & Paulus (b) Samolatenus.

(a) Dictus erat antea *Cubricus*; quod nomen, cum *Manes* diceretur, dein oblivioni datum. Quanquam & *Manichæi* nomine usus fuit, ut ex Epistola illius ad Marcellum constat. Fuit autem homo conditionis servilis, cui divitiæ, quas anus quadam, cui à servitiis hactenus fuerat, morte suâ ei reliquit, cristas erexere. Hinc itaque spiritus sumere cepit, ac se Christum, Sp. S. ut & Apostolum, mentiebatur. Et ne, qui virus illius passim diffunderent, deessent, & II. Apostolos assumpsit, & circumduxit. Neque hoc solum, sed & libros quoque à se scriptos in publicum emisit. Tandem verò dignum vitæ exitum nactus; siquidem detractâ

cutē, nudus canibus est obiectus, ob temeritatem, quod regis Persarum Schabur, si Saporis filium, securaturum promississet, tamen præstare non poterat. Coeterum dogmata ejus, exhibet Pappus Epist. H. E. p. 260. Hornejus Hist. Eccl. l. 3. c. 9. Hornius. art. 2. §. 23. p. 76. Michael Laurent. Spicil. Hærel. p. 100. omnemque Manichæismi Historiam uberius recenset disput. pecul. Strauch. quæ Anno Christi 1656. Wittebergæ prodiit.

(b) Fuit is Antiochiæ Episcopus, damnatus Anno Christi 272. in Concilio Antiocheno, sedeque Episcopali ejectus. Contra eum Epistola Synodica, ab Antiochenis Patribus conscripta, extat apud *Euseb.* l. 7. Hist. Eccl. c. 29.

TACITUS.

XXIX

PROBUS.

Sub hoc quid factum?

Franci, Galliam invadentes, depulsi, ac Alemanni intra

tra Nicrum cedere coacti
sunt.

CARUS.

.XXX.

DIOCLETIANUS.

ET

MAXIMIANUS.

• *Bene ne hi duo administravêre
imperium?*

Magna utique cum laude
concordes imperio præfuere,
illudque tandem deposuere;
sed persecutio X., quam anno
imperii 19. A. C. 304.
Diocletianus novis edictis,
excitavit, omnibus illum ex-
osum reddidit.

E 7

XXXI.

XXXI.

*Num vero ultima hac fuit
persecutio?*

Fuit utique ultima, sed omnium gravissima, siquidem tantum in Ægypto, 144000. occisa sunt hominum, & 700000. in exilium ejecta.

XXXII.

Quamdiu duravit?

Per decem continuos annos, ejusque initium factum ipso Paschatis die.

Sulpitius Severus, dum hanc persecutionem describit, his plane elegantibus verbis, de gloriosis Christianæ fidei Athlethis, loquitur. Hac, inquit, tempestate omnis fere, sacro martyrum cruore, orbis infectus est: quippe certatim gloriosa incertamina ruebatur, multoque avidius tum martyria gloriosis mortibus querebantur, quam nunc Episcopatus pravis ambitionibus,

tionibus quaruntur. Nullis unquam bel-
lis magis mundus exhaustus est : neque
majore unquam triumpho vicimus , quam
cum decem annorum stragibus , vinci non
potuimus. Haftenus Severus l. 2. p. 888.
Cui addendus Eusebius. l. 8. c. 3. & seqq.
Lactantius l. 5. Inst. c. 11.

XXXIII.

*Numne & aliqui doctorum Virorum
his temporibus florere ?*

Floruit Ælius Spartianus,
Vulcatius Gallicanus, Julius
Capitolinus, Arnobius Rhe-
tor, ex Gentili factus Christia-
nus, & discipulus ejus Lactan-
tius.



SEcul. IV.

I.

*Quos Seculum quartum habuit
Imperatores ?*

I, Constantius Chlorus, &
Gale-

Galerius. 2. Maximus. 3. Fl. Severus. 4. Maxentius. 5. Licinius. 6. Constantinus M. 7. Constantinus II. Constans & Constantius. 8. Julianus. 9. Jovianus. 10. Valentinianus I. & Valens. 11. Gratianus & Valentinianus II. 12. Theodosius.

Diffimiles regnant & *Chlorus*, *Galeriusque*,

hic malus, ille bonus. Cessit diadema *Severo*.

Irrisor lævit Christi *Maxentius* hostis.

Plenum sævitiâ *Licini*, cognomine Magnus

te *Constantinus* fregit; post funera cujus

& *Constantinus*, *Constans*, *Constantius* orbem,

diviso imperio, moderantur. Post *Julianus*

desertor fidei succedit; sed *Jovianum* commendat pietas. Fascesque *Valentinianus* susci-

suscipit, ascito regni consorte *Valente*.

Cæsareos inter procures *Gratjanus*
habetur,

Tuque *Valentiniane* alter, *Theïdosiæ*
Magne.

II.

CHLORUS ET GALERIUS.

Quales fuerint?

Chlorus erat amicus Christianorum, at Galerius eorum hostis.

Licet prædecessorum suorum, summo furore in Christianos sævientium, vestigiis institerit; nihilo tamen minus, morbo medicinam non admittente correptus, libentissime concessit, ut homines denuo se libere Christianos profiteantur; ut ades, in quibus convenire solent, resarciant; sic tamen, ut nihil contra Romanorum disciplinam moliantur, *Euseb. l. 8. Hist. Eccl. c. 17.*

MAXI

MAXIMINUS.
FL. SEVERUS.
MAXENTIUS.
LICINIANUS.

III.

CONSTANTINUS M.

Fuit ne Christianus?

Primo Ethnicæ religioni addictus; post, cum in signo, (a) fulgidæ in cœlo crucis, vicisset Maxentium, (b) factus est Christianus.

(a) Rem ex Eusebio recensere, operæ pretium. Ita autem ille l. i. de vita Const. c. 22. & seq. Cum jam Sol ad medium cælum ascendisset, die in pomeridianum tempus paululum inclinante dixit, (Constantinus) se crucis signum, ex lucis splendore figuratum, in ipso cœlo soli imminens, manifesto oculis adspexisse, inque eo inscriptionem

nem consignatam, hæc verba complectebatur: ἐν τῷ οὖν, IN HOC VINCE. Admiratio ingens ipsum, & totum exercitum, qui eum, quopiam iter facientem comitabatur, atque adeo hujus prodigii spectator factus erat, incessit. Sed dubitatione admodum intra se distrabi, quidnam ostentum illud sibi vellet, asseruit. Atque eum diu, multumque de eo cogitantem, obpressit nox. Ibi ei dormienti, Christum Dei, cum signo in cœlo monstrato visum esse, præcepisseque, ut exemplari, ad imitationem illius signi, quod in cœlo adparuerat, fabricato, eo tanquam præsidio in præliis, cum hostibus committendis uteretur. Et hæc Eusebius ex ipso Constantino se audivisse, juramento adfirmavit. Sed de visione signi crucis, quomodo ea comparata fuerit, ac Labari (qua voce quid denotetur. v. Vossius l. 3. de vitis serm. c. 18. p. 486.) formâ, qua Constantinus deinceps loco vexilli militaris usus est, præter Eusebium, videatur, D. Dorscheus. dissert. de J. C. Majest. c. 4. §. 16. Lipsius de Crucel. 3. c. 15. & 16. Pignorius Epist. Symbol. 24. p. 88.

(b) Ma-

(b) Maxentius per tumultum à militibus Augustus adpellatus, Anno Imperii II. Severum de medio sustulit. Sed dein, à Constantino Magno, ad pontem Milvium superatus, ac in Tiberim prolapsus, *ne tam deforme prodigium hanc obitus sui relinqueret famam, quod alicujus viri fortis gladio teloque cecidisset*, ut loquitur Vulcatius Gallicanus. v. *Paul. Diac. l. 11. c. 9. Victor. de Viris Ill. c. 40. §. 2. Euseb. l. 9. c. 9.*

IV.

Quid ergò in Ecclesia prastitit?

Non tantum Basilicis, ad sacra peragenda, condendis, Imperii thesauros impendit, (a) sed etiam, ut omnes sub ejus Imperio, repudiatis Idolis, Christianam religionem amplecterentur, voluit. Insuper (b) certam precationis formam, qua exercitus omnis uteretur, & sanctiones, (c) deferiando

feriando die Dominico, præ-
scripsit,

(a) Ita Sozomenus. l. 1. H. E. c. 8,
*Quod autem ad sacra templa attinet, quæ
satis haberent laxitatis, reficiebantur: alia
alius erigebantur, latioraque non sine
splendoris accessione fiebant. Nova etiam,
ubi nulla ante fuissent, ab ipsis fundamentis
exstruebantur. Pecuniam autem ad hanc
rem ex arario regio subpeditavit Impera-
tor. His autem temporibus templorum
apud Christianos cœpit usus. Aestuanti-
bus enim hætenus persecutionum pro-
cellis, in speluncis, antris, cœmeteriis,
cryptis, sacellis subterraneis, sacra sua per-
egisse, nec iis templa fuisse, satis solide
probat Vedelius, Exercit. 4. ad Ep. Ign.
Quid? quod ipsa cœmeteria templis ori-
ginem dedisse, non vanâ conjecturâ col-
ligit Kirchmannus, antiquitatis peritissi-
mus, l. 2. c. 27. p. 309. Non possum
hic, inquit, de Christianorum cœmeteriis
silere, quæ nescio, an non & ipsa plurimis
templis originem dederint. Nam præter-
quam, quod in iis corpora suorum sepelie-
bant,*

bant, certe persecutionum tempore ibi omnes sacras ceremonias, quæ quidem in templis solent, celebratas. possem hic pluribus monstrare nisi ab Onuphrio in appendice, res hac pridem esset explicata: adde *Cassiod. l. 5. c. 3.*

(b) Habet eam *Eusebius. l. 4. c. 20. de V. C.*

(c) *Sozom. l. 1. H. E. c. 8. Euseb. l. 4. c. 18.* addatur his *Ernstius. Tr. de Sab. c. 1. §. 12. p. 21.* qui plurimas, aliorum, de Sabbatho feriendo constitutiones, adfert.

V.

Quo ergo in Statu Ecclesia his temporibus fuit?

Reddidit ei Deus, post tot acerba, tranquillitatem, quam tamen detestandâ Arii hæresi, quæ ipsum caput Christianæ religionis aggressa, rursus turbavit Diabolus.

VI. Quis

VI.

Quis erat Arius?

Presbyter Alexandrinus ex
Lybia oriundus.

v. *Hornius* Hist. Eccl. art. 3. §. 3. p.
82. Pappus Epit. p. 275.

VII.

Repressit ne eum Constantinus M.?

Maximè ; indixit enim
Concilium Oecumenicum
Nicææ.

VIII.

Quot sunt Concilia Oecumenica?

Oecumenica propriè talia,
(a) numerantur quatuor: 1.
Nicænum. 2. Constantino-
politanum. 3. Ephesinum.
4. Chalcedonense.

(a) Dicuntur Oecumenica , quod
plerique omnes Christiani orbis Episcopi,
à summa potestate convocati, conven-
runt.

rint. Inter hæc maximè omnium eminet Nicænum, quippe quo exercitum quendam Dei & martyrum, miraculis clarorum, adversus Arium obprimendum, Constantinus instruxit. v. *Theodoret. l. 1. H. E. c. 6. Conring. de Concil. §. 2. & 9. Calixtus*; de Auth. Antiquit. Eccl. §. 44. Non verò tantum Concilium hoc Constantinus M. Pontifice in consulto, indixit, sed & eidem præsedidit, & quæ constituta fuerant, edicto confirmavit, quod luculenter satis adversus Bellarminum ostendit. *D. Sagittar. discurs. de Const. M. §. 29. & seqq.*

IX.

Sunt ne alia præter hæc?

Imò adduntur adhuc tria, nempe Constantinopolitanum II. & III. ac II. Nicænum.

v. de his Conciliis *Nicolaus Rittersh. l. 2. Lect. Sacr. c. 11.* ubi de loco, tempore, & contra quos instituta sint, accuratius egit.

X. Con.

X.

*Concilium Nicanum, quo anno est
coactum?*

Anno Christi 325.20. Maj.

XI.

Cur dicitur Nicanum?

A loco Nicæa, urbe Bithy-
niæ.

XII.

Quot Patres interfuerunt?

Trecenti & octodecim
vulgo numerantur.

In his *Macarius* Hierosolymorum
Antistes, *Eustathius*, Antiochiæ ad O-
ronthem sitæ, *Alexander*, Alexandriæ
propter lacum Maream sitæ, Episcopi;
& *Athanasius* id temporis Diaconus, Ec-
clesiæ Alexandrinæ. De Fraudibus verò
Arianorum in hoc concilio, pluribus
legi potest *Vedel*, Tr. de Prud. Vet. Eccl.
I, l. c. 2. p. 58.

F

XIII.

XIII.

Fuitne Constantinus baptizatus?

Petiit baptismum An. 61.
ultimo vitæ & imperij.

XIV.

A quo est baptizatus?

Ab Eusebio, Nicomediensi
Episcopo.

Bini fuere Eusebii; alter Nicomediae, alter Caesariensis Episcopus, Historia, vitæ Const: M. & Demonstr. Evang, scriptor *πολυμαθὲς αἰσλος*, qui circa tempora Gallieni extrema, Anno Chr. 265. natus esse videtur. De eo varie inter summos Viros disputatur; *num post Synodum Nicanam, fidei, quam illa profitebatur, constanter adhaerit?* Ante Synodum illum à partibus Arianorum stetit, extra controversiæ aleam est. Utrum autem, post eam, cui tamen subscripsit, errorem deposuerit, non ita facile adfirmari potest, eo quod simulandi artifex fuerit, cumque *Socrates l. 1.*

c. 18.

C. 18. *διγλωσσον* vocet. Sed cum tantam litem componere, hujus loci non sit, poterit cupidus lector evolvere disfert. *D. Calixti*, de duabus Quæst. &c. §. 54. *D. Meisn.* Disp. de Orig. & Progr. Arian. §. 17. usque ad 29. *Bos.* Exercit. in Perioch; Fl. Jose: c. 2. §. 15.

XV.

Quid de donatione illius, Sylvestro Pontifici facta, sentiendum.

Eo loco habenda, (a) quo fabulæ Cretensiū, fatentibus id Laurentio Valla (b) Pontifici à Consiliis secretis, & Ænea Sylvio, Episcopo Senensi, dein Cardinale, tandem Pontifice.

(a) Adprime convenit huic negotio, lepida responsio Hieronymi Donati, Reip. Venetæ apud Alexandrum VI. Legati; cum enim inter sermones joco interrogaret Pontifex, quibus nam titulis Veneti maris Adriatici imperium sibi tribuerent? prudenti, quam in numera-

to habebat, responsione hunc nodum Gordium, licet non Alexandri gladio, Alexandro solvit: Ostendat, dicebat, mihi vestra sanctitas instrumentum Donationis Constantinianæ, apparebit versâ paginâ, Venetorum privilegium, atque jus in mare Adriaticum innotescet.

(b) Ejus declamationem, quam censes Tridentini inter scriptores prohibitos collocant, in e mentitâ hanc donationem, legendam exhibet syntagma, *Simonis Schardi* 7 Cui, de Jurisdict. Imperiali p. 401. Ipsum verò Donationis hujus figmentum frontispicio disputat. de Donat. Const. M. A. C. 1661. editæ, addidit *D. Hildebr.* Et, licet Constantinus M. jus tradendi habuisset, bonâ tamen fide eam accipere Sylvester non potuit, dum scivit, rem alienam fuisse.

XVI.

Cui commisit Constantinus imperium?

Tribus filiis, Constantino II. Constanti, & Constantio.

XVII.

XVII.

CONSTANTINUS II.

Fuit ne Concordia inter fratres?

Non; nam Constantinus secundus, non contentus divisione paternâ, ad fratrem Constantem in Italiam contendit; sed à copiis illius captus ac occisus est.

XVIII.

Quo animo in Ecclesiam fuit?

Bono; in primis autem Athanasio Alexandrino Episcopo favebat, quem ab exilio revocavit.

XIX.

A quo in exilium missus est Athanasius?

A Constantino M. qui Eusebii Nicomediensis Episcopi

F ;

calu-

calumniis, ad id permotus est.

Fuit alius etiam Athanasius, Anciræ Episcopus, cujus mentionem facit *Basilus* Ep. 53. Scripta autem Athanasii Alexandrini recensentur in H. E. Goth. L. 2. c. 3. s. 3. n. 18. p. 324. De omnibus, quæ extant, ita judicat *Gerhardus Mair*, Bibl. Theol. l. 1. c. 4. n. 4. p. 53. *Multa quidem, eaq; præclara ingenij & pietatis monumenta posteris reliquit, at eor notbis & suppositis scriptis contaminata, ut è tribus eorundem tomis, vix duo priores genuini reputentur.*

XX.

CONSTANS.

Num verò diu collega Constantij fuit Constans?

Non; nam imperium negligens, ab alienavit militum animos, qui Magnentium imperatorem salutârunt, à quo Constans interfectus.

XXI.

XXI

CONSTANTIUS.

Quid fratre occiso fecit Constantius?

Solus rerum potitus, gravis fuit orthodoxis, fautor Arianorum, iisq; Synodum Nicænam novam, ut convocarent, permisit. Fertur etiam urbem (a) Constantiam condidisse.

(a) Ita sentit *Severus Calvinus* ad An. C. 356. Chron. p. 522. Uberius legi potest de hac urbe *Ritter. Cosm. Metr. l. 4. p. 408. Heniz. Itin. p. 26.*

XXII.

Quis Patrum Ecclesie his temporibus vixit?

Præter Athanasium, clarus quoque fuit *Hilarius*, Pictaviensis Episcopus, Pater Latinus.

F 4

Ne

Ne quis in errorem, nominum paritate inducatur, sciendum, alium adhuc esse Hilarium, illo posteriorem, qui Augustini causam, adversus Gallos Semipelagianos, defendendam suscepit, ac deinde ad Episcopatum Arelatensem evehctus est.

XXIII.

JULIANUS.

Fuit ne & hic Christianus?

Primùm quidem, sed post à Libanio Rhetore & Maximo Philosopho seductus, Christianâ religione desertâ, Ethnicismum reduxit.

XXIV.

Quibus itaq, favebat?

Judæis, hisque templi restorationem, odio Christianorum, sed (a) frustra indulgit.

(a) Imo.

(a) Impedimento enim ijs erant flammæ globi, terræque motus impetuosus. v. *Ammianus Marcell.* l. 23. c. 1. qui in hoc & sequenti, copiosius de eo scripsit. Singularia hîc tradit *Kauwolff.* l. 3. c. 5. p. 50. cui addendus *Rittersh.* l. 1. Lect. Sacr. c. 18. Callidissimus vero, si quis alius Christianæ religionis hostis, fuit Julianus. Cum enim animadverteret pennis suis se feriri, (quod Symbolum illius, teste *Reusn. Cl.* 2. Symb. Imperat. p. 29.) si literarum studiis juvenus incumberet, artium, tyrannicarum peritus, scholas clausit. v. cit. *Rittersh.* l. c. c. 19. *Lehman Chron.* Spir. l. 2. c. 27. Aliud stratagema illius adducit ex Theodoro *Vedelius*, de prudent. Vet. Eccl. l. 1. c. 1. p. 45. qui videatur. Scripsit autem Julianus, de Vitis Cæsarum libellum, quem Petrus Cunæus ex Græco transtulit; sed continet acerbam plane piorum Principum censuram.

XXV.

Gessit ne & bella?

Antequam imperium adeptus

F 5

ptus

ptus esset, à Constantio in Galliam adversus Alemannos missus, (a) clade insigni eos fudit. Imperator autē factus, Persas aggreditur, in quo bello (b) vulneratus obiit, ultimus stirpis Constantini M.

(a) De ea ita *Sex Aurel. Victor* in *Epit. c. 43. In campis Argentoratensibus apud Gallias, cum paucis militibus, infinitas hostiorum (Alemannorum) copias delevit. Stabant acervi montium similes; fluebat cruor fluminum modo: captus rex nobilis Chnodomarius, fusi omnes optimates. Addatur *Lehmannus Chron. Spir. l. 1. c. 27.*
 (b) v. *Sozomenus l. 6, c. 1. & Socrates l. 3. Hist. c. 18.**

XXVI.

Numne Juliani temporibus aliqui Patrum fuere?

Vixit inter Græcos *Gregorius Nazianzenus, & Basilus M. Cæsarien.*

riensis in Cappadocia Episcopus, Juliano familiares, Inter profanos, *Sextus Aur. Victor.*

v. *Socrat. Hist. l. 4. c. 21.* Descriptis illorum H. E. *Goth. l. 2. c. 3. f. 3. §. 22. p. 338.* Mortuus vero demum est Gregorius Nazianzenus, temporibus Theodosii, circiter A. C. 389. & ante eum Basilius A. C. 381.

XXVII.

JOVIANUS.

Melior ne fuit Jovianus Juliano?

Non tantum bonus fuit Princeps, sed & Ecclesiæ, quam turbârat Julianus, tranquillitatem reddidit.

Videndus de eo pluribus *Socrates Hist. l. 3. c. 19. & 20. Theodericus l. 4. c. 1. & seqq.*

XXVIII.

VALENTINIANUS
&
VALENS.*Quis iis imperium tradidit?*

Salutatus ab exercitu Augustus Valentinianus, trigesima die, fratrem Valentem collegam adsumit, eique Oriente commisso, sibi Occidentem retinet.

XXIX.

Quo uterq; in Christianam fidem animo fuit?

Favebat Orthodoxis Valentinianus, sed Valens Arianis addictus erat.

XXX.

XXX.

GRATIANUS ET VALENTINIANUS. II.

Qualis fuit Gratianus?

Fuit orthodoxæ fidei omnino amantissimus, quippe qui Episcopos à Valente in exilium pulsos, revocavit.

XXXI.

Fuit ne & Valentinianus I. Orthodoxus.

Non; nam orthodoxos sedibus suis Mediolani ejicit, ac instinctu Justinæ matris, Ariana hæresi infectæ, Ambrosiū quoque, (à quo tamen biduo ante obitum baptizari voluit) obpugnavit.

XXXII.

XXXII.

Quis fuit Ambrosius?

Mediolanensis Episcopus, à
Valentiniano I. illi Ecclesiæ
datus.

Tanti hic erat Theodosio, ut eum
solum Episcopi nomine dignum censuerit,
teste Sozom. l. 1. H. E. c. 18. Qua vero
ratione ad Episcopatum pervenerit, ipse
indicat, l. 1. off. c. 1. Ego inquit, raptus
à tribunali, atq; administrationis infulis
ad sacerdotium, docere vos cœpi, quod ipse
non didici. v. Bucholz *Zerû*, p. 210. Lipsi corp.
de Mon. Pap. Part. 1. c. 15. n. 16. p. 171.
Doctor itaque Ecclesiæ factus erat, an-
tequam Baptismo in Ecclesiam rece-
ptus esset, docente Theodoreto. l. 4. c. 6.

XXXIII.

*Recense & alios Patres sub Gratiano
& Valentiniano II. illu-
stres?*

Floruere Epiphanius, Con-
stantiæ in Cypro, frater Basi-
lii

lil M. Gregorius, Nyssa in Græcia,
Episcopi, (a) Profanorum ve-
ro scriptorum his tempori-
bus princeps *Ammianus Marcel-
linus*, cui addendus *Ausonius*
Poëta.

(a) Legendus hic *B. Gerhardus*, Pa-
trol. p. 265. & seqq.

XXXIV.

THEODOSIUS MAGNUS.

*Quid de hoc Imperatore senti-
endum.*

Fuit exemplar optimi Im-
peratoris, pietatis (a) justitiæ,
disciplinæque militaris illu-
stri laude conspicuus.

(a) Tantum tamen ejus tempore A-
riani valebant, ut non ausus fuerit Im-
perator optimus, conventus publicos,
quos in ipsa urbe Constantinopolitana
instituebant, severis edictis coercere.
Nihil

Nihilominus Amphilocheus Iconii Episcopus, prudentiâ Ecclesiasticâ adprime instructus, commode Theodosii animum expugnans, eò eum adegit, ut conventus eorum tolleretur, id quod uberius recenset *Theodoretus* l. 5. cap. 15. & *Vedelius* Prol. in, de Prud. V. E. c. 2. n. 2. p. 5. Cæterum non statim solus imperio præesse cæpit Theodosius, sed à Gratiano, qui bello Gothico urgebatur, in imperii consortium adsumptus, per XIV. annos illius collega fuit.

XXXV.

Quo vero animo in Ecclesiam fuit?

Non tantum Arianos civitate ejecit, sed & Concilium II. Constantinopolitanum indixit, A. C. 381. in quo, & (a) tres sedes Patriarchales nempe Romana, Alexandrina, & Antiochena, confirmatæ.

(a) v. *Socrat.* l. 5. c. 8. B. *Calixtus* Ap. par. p. 91. & 249.

XXXVI.

XXXVI.

Ob quam causam.

Ob 'Macedonii Episcopi
Constantinopolitani hære-
fin, divinitatem Sp. S. impu-
gnantis.

Non equidem primus fuit, sed jam
ante eum *Simon Magus, Manes, Hierax*
Leopolitanus, Helcesaita Judaismum
redolentes, alijq; qui portentis opinionū,
Catholicæ de Spiritu S. doctrinæ de-
trahere conati sunt. Cum verò ab A-
rianis, à quorum partibus antea Mace-
donius stabat, sede Episcopali rursus pel-
leretur, odio eorum imbutus novum
dogma commentus est, quo de pluribus
consulendus *Socrates. l. 2. c. 35. Sozomenus*
l. 7. c. 7. Forbes. l. 1. Instr. c. 2. n. 9.

XXXVII.

Quot interfuerunt Episcopi?

Centum & quinquaginta,
in quibus principes erant Gre-
gori-

gorius Nazianzenus & Nyssenus; Cyrillus Hierosolymitanus, Amphilochius Iconiensis, & Damasus Lusitanus, Episcopus Romanus.

XXXVIII.

Concilio finito, quid Theodosius egit?

Trium horarum spatio 7 millia hominum Thessalonix interfici iussit.

(a) v. *Paulus Diaconus*. l. 12. *Theod.* l. 5. c. 17. *Sozomenus*. l. 7. c. 24. *Ruffinus* l. 2. c. 18.

XXXIX.

Nemone in eum ea propter animadvertit?

Ambrosius, communione cum Ecclesiasticâ privavit.

XL.

XL.

Quamdiu exclusus fuit ?
 Per octo menses.

XLI.

Sed quando iterum receptus ?
 Festo natalis Christi, absolutione humilimis precibus impetratâ.

Operæ pretium ex *Albassin.* Observ. 15. l. 2. nonnulla hic adferre. Ita a. ille *Quod de Theodosii Imperatoris excommunicatione & octo mensium poenitentia proditum est memoria*, ob imperatam indictamq; cedem civium *Thessalonicensium*, id me in eam sententiam adducit, ut putem, non leve de aliis supplicium esse sumtum, qui non erant Imperatores, qui cedem aliquam suapte sponte, non alieno inducti impulsu, tempore D. Ambrosii fecissent. Sane non leve supplicium, de iis, qui sponte aliquem interfecissent, sumtum esse, indicio est, elegans disciplinæ Ecclesiasticæ severitatem continens Canon, apud *Basil*

*Basil. M. Tom. 2. Can. 56. quem sacris suis
 Observ. addidit Snitzer. c. i. p. 8. ex eo sal-
 tim excommunicationis tempus adferre,
 non abs re. ὁ ἐκασίως φανεύσας, καὶ μετὰ
 τῷτο μεταμεληθεὶς, ἐικοσιν ἐτη ἀκοινῶν ἡ
 ἔσται τῷ ἁγιάσματος. Qui sua sponte in-
 terfecit, & postea pœnitentiâ ductus est,
 viginti annis, à S. cœna abstinebit. De
 œconomia vero annorum horum v. cit.
 can. l. c.*

XLII.

Habuitne filios?

Ex Placilla uxore duos su-
 scepit, Arcadium & Hono-
 rium.

XLIII.

Commisit ne iis imperium?

Utique Arcadio Orien-
 tem, Occidentem vero Ho-
 norio.

XLIV.

XLIV.

*Quis Patrum, Doctorumq, Virorum
sub eo floruit?*

Fuere Theodosii temporibus, (a) *Ruffinus* ὀρθόγραφος Hieronymi, Presbyter Aquilejensis, (b) *Aurelius Prudentius*, Poëta Hispanus, *Philastrius* Brixien-
sis, *Evagrius* Antiochenus Episcopus, & *Sulpitius Severus*.

(a) Hic, illinc, ubi Eusebii Historia desinit, suam exorditur, ac usque ad obitum Theodosii pertexit. v. *Gerb. Patrol.* p. 332. Extat illius etiam pro Origene Apologia, de qua videnda egregia, *Dallai* censura Tr. de Ufu Patrum. l. 1. c. 3. p. 17.

(b) *Vossius*. l. 2. de Lat. Hist. cap. 10.



SECUL. V.

I.

Qui sunt Seculi quinti Imperatores?

Orientis Imperatores erant
I. Arcadius

1. Arcadius. 2. Theodosius II.
 3. Martianus. 4. Leo. I. 5. Ze-
 no Mauricus. 6. Basiliscus. 7.
 Anastasius Dicorus. Occiden-
 ti vero præerant, 1. Honorius.
 2. Valentinianus III. 3. Maxi-
 mus, 4. Avitus. 5. Majoranus.
 6. Severus. 7. Anthemius, 8.
 Olybrius. 9. Glycerius. 10.
 J. Nepos. 11. Augustulus.

Orbis divisus; retinente orientis habenas
Arcadio, atque Pio *Theodosio*, cuiq; de-
 dit *Mars*

nomen; & occidentum moderatur *Hono-*
rius orbem. (an

Constanti huic soboles scelerata, *Valentini-*
Tertius, in regno successit. *Roma* tyrannos
 fuscipit, aspiciens tristi sua funera vultu.
Maximo invadit regnū, succedit *Avitus*.
 Hunc *Majoranus* sequitur. Tu sceptrum
Severe

accipis. *Anthemius* Cæsar, regnante *Leone*
 partibus Eoi datus est, susceptus *Olybro*,
Glycerius, *Juliusq;* *Nepos*, quæ pellit *Orestes*.
 Interea

Interea Zeno, & Basiliscus, cuiq; biformis
cognomē *Dicori* dederat pupilla, Orienti
præsunt. Occiduo ast tu das *Augustule*
finem.

II.

ARCADIUS. ORIENT.
HONORIUS. OCCID.

Suscepere ne filii Theodosii imperium?

Constituerat illis Pater tu-
tores, Arcadio Ruffinum, &
Honorio Stiliconem.

III.

Nulline illis fuerunt ad versarij?

Arcadij ad versarius erat
Alaricus Gothorum Rex, &
Cajanus Arrianus, Dux illorū.
Honorij verò, tutor ipsius, Sti-
lico.

IV.

Quid factum sub Honorio?

Ipsa urbs capta ab (a) Ala-
rico, A. C. 410. ac (b) Franco-
rum imperium A. C. 420. in
Pharamundo initia sumfit.

(a) Cle-

I. Arcadius. 2. Theodosius I I.
 3. Martianus. 4. Leo. I. 5. Ze-
 no Isauricus. 6. Basiliscus. 7.
 Anastasius Dicorus. Occiden-
 ti vero præerant, I. Honorius.
 2. Valentinianus III. 3. Maxi-
 mus, 4. Avitus. 5. Majoranus.
 6. Severus. 7. Anthemius, 8.
 Olybrius. 9. Glycerius. 10.
 J. Nepos. 11. Augustulus.

Orbis divisus; retinente orientis habenas
Arcadio, atque *Pio Theodosio*, cuiq; de-
 dit *Mars*

nomen; & occidium moderatur *Hono-*
rius orbem. (an

Constanti huic soboles scelerata, *Valentini-*
Tertius, in regno successit. *Roma tyrannos*
fuscepit, aspiciens tristi sua funera vultu.
Maximo invadit regnū, succedit *Avitus*.
Hunc Majoranus sequitur. Tu sceptrum
Severe

accipis. *Anthemius* Cæsar, regnante *Leone*
 partibus Eoi datus est, sussectus *Olybro*,
Glycerius, *Iuliusq; Nepos*, quæ pellit *Orestes*.

Interca

Interea Zeno, & Basiliscus, cuiq; biformis
cognomē *Dicori* dederat pupilla, Orienti
præsunt. Occiduo ast tu das *Augustule*
finem.

II.

ARCADIUS. ORIENT.
HONORIUS. OCCID.

Suscepere ne filii Theodosii imperium?

Constituerat illis Pater tu-
tores, Arcadio Ruffinum, &
Honorio Stiliconem.

III.

Nulline illis fuerunt ad versarij?

Arcadij ad versarius erat
Alaricus Gothorum Rex, &
Cajanus Arrianus, Dux illorū.
Honorij verò, tutor ipsius, Sti-
lico.

IV.

Quid factum sub Honorio?

Ipsa urbs capta ab (a) Ala-
rico, A. C. 410. ac (b) Franco-
rum imperium A. C. 420. in
Pharamundo initia sumsit.

(a) Cle-

(a) Clementem se in obpugnatione urbis, Alaricus præstitit: *milites* siquidem *Romam ingressi*, eo iubente eam *spoliant tantum*; non autem, ut solent gentes, *ignem supponunt*, nec *locis sanctorum in aliquo penitus injuriam irrogari patiuntur*; sunt verba *Jornand.* de rebus Gothicis. p. 110. addendus *Isidor. Chron. Goth. Peregrinus Biblioth. Hisp. Tom. I. c. 7. p. 149. Socrates, l. 7. c. 10.*

(b) De origine Francicæ gentis parum veritati consona tradit *Joh. à Leides Carmel: Chron. Belg. l. 1. c. 7.* Dum enim eos, à Capitano eorum Franco, Hectoris Trojani filio, sub Valentiniano demum, Francos dictos putat, *Historiæ Romanæ & Germanicæ*, in eo parum peritus esse videtur. Rectius sentit *Lehmannus Chron. Spir. l. 2. c. 42. Hottomannus Franc. Gall. c. 5. p. 52. Burgold. disc. 5. p. 174 Pacif. à Lap. disc. 4 p. 88. seqq.* qui à *Libertate*, cujus populus hic studiosissim⁹ erat, Francos, *liberos*, *die freyen* / nominatos esse tradunt. Coeterum, licet Francorum nomen *Cic.* jam temporibus innotuisse *Pacif. à Lapide l. c.* doceat, Regem ta-

men,

men, primum omnium habuere Pharamundum; is enim solenni ritu, consilio Parentis Marcomiri (quem *Hornius* Orb. Imp. p. III. primum Regem fuisse, nescio quo fundamento nixus, vult;) Rex creatus, regnum administrare cœpit. v. *Illustris Conring.* de Orig. Juris Germ. c. 7. p. 18. *Emmius* l. 5. Rerum Chron. p. 186. Propagatum autem est hoc regnum in tribus familiis, nempe *Mero-veorum*, *Carolidarum*, & *Capetinorum*, de quibus satis prolixè egit *Spenerus* Synop. Rerum Gall. Period. 3. & seqq.

V.

Quoties capta est Roma?

A temporibus Honorii, usque ad tempora Caroli M. quatuor vicibus capta est. Primum sub Honorio, ab Alarico; dein imperante Martiano, à Genferico Vandalorum Rege; post ab Odoacro. Tandem tempore Justiniani, à Totila.

G

VI. *Qui*

VI.

*Quinam sub his fratribus docti Viri
vixerunt?*

Vidit hæc ætas *Johannem Chrysostomum*, (a) instinctu Eudoxiæ ab Arcadio, in exilium pulsum, Patrem Græcum; *Augustinum* (b) Hipponensem in Africa Episcopum, validissimum Manichæorum hostem, Pelagianorumque maleum; & (c) *Hieronymum* Stridonensem Dalmatam.

(a) Magna inter eum, & Sisinnium, Novatianorum Episcopum, contentio exorta, quæ non facile componi potuisset, nisi modestiâ oppidò prudenti, Sisinnius, ea propter a *Sozomeno* l. 8. Hist. Eccl. c. 1, laudatus, Chrysostomi, æquo rigidioris ac natura vehementioris, animum expugnasset, v. *Vedel. de Prud.* V. E. Prol. c. 3. n. 4. p. 13 qui & l. 1. c. 1. n. 6. p. 49. quomodo Chrysostomus à Theophilo

philo labefactatus sit, accuratius ostendit. Quæ verò de educatione, vitæ consuetudine, & ordinatione, insignis hujus Ecclesiæ Doctoris scitu necessaria, ea peti possunt ex *Sozomeni*. l. 1. c. 2. & *Gerh. Patrol.* p. 340. Addatur & *Lipstorp. Form. Monarch. Pap.* part. 1, c. 16. p. 189. qui causas exilii, nimiumque illius fervorem, in scenam producit.

(b) Primum ipse quidem Manichæus, dein verò scripturæ, ac insuper, Ecclesiæ illius ætatis autoritate per motus, castra infamis hujus sectæ deseruit. v. *H. Eccl. Goth.* l. 2. c. 3. f. 4. n. 9. p. 373. Hunc autem Pelagianorum hostem, in suas partes, omnibus modis pertrahere conatus est. *Jansenius Iprensis Episcopus*, strenuus gratiæ irresistibilis adsertor, huicq; fini opus magnæ molis, suam & Dominicanorum sententiam continens, adornavit, (quod Anno Christi 1640. Lutetiæ Parisiorum prodiit.) eique AUGUSTINI nomen præscripsit; qui liber, quomodo à Molinæ adseclis exceptus sit, more suo, h. e. accuratissime exposuit, Admodum *Rev. D. Beer* in *Dial.*

Tr. de Infall. Eccl. adstruëto. p. 187. seqq.

(c) Elegantissimam plane observationem, insignis Philologi Helmitadiensis, Cl. Sauberti, quam de Hieronymo, dissert. de Pasch. c. 1. §. 3. inseruit, hic adponere, non abs re. Ita autem ille. *Hieronymus cum Origine solus in Ebraea lingua versatus, ipse Ægyptum Judæam, atque Syriam peragravit, harumque regionum linguas addiscens, ut litterarum & vocum stridores expressius ederet, & ynnōis Ebraicè dissereret, dentes anteriores limâ sibi deminui curavit.* v. de Hieronymo etiam Vossius. l. 2. de Hist. Lat. s. II.

VII.

THEODOSIUS. II. OR.

Qualis fuit in imperio?

Optimus & religiosissimus
Imperator,

VIII.

Curamne etiam Ecclesie gessit?

Imo ; convocavit enim
Con-

Concilium Oecumenicum III. Anno Christi 431. Ephesi.

IX.

Contra quem?

Contra Nestorium, Germanicia Syriae oppido oriundum, Episcopum Constantinopolitanum, quem damnatum, Oasim oppidum in Lybiae desertis, deportari iussit.

Negavit hic, *idiomata humana natura*, posse filio Dei verè tribui, ut, propter unionem, cum carne, filius Dei vere dici possit, natus, passus & mortuus: Licet alii errorem ipsius aliter proponant. Videndus omnino hic D. Wagner. in annot. ad Orat. de Sibyllis. p. 16. Totam verò Nestorii, & Concilii hujus Historiam, sufficientissimè tradidit, sæpius, nunquam tamen satis laudatus D. Calixtus Tr. de Persona Christi. p. 23. H. E. Goth. l. 2. c. 3. §. 4. n. 16. p. 382.

G 3

X. Qui-

X.

*Quinam Patrum concilio huic
præfuere?*

*Cyrillus Alexandrinus
Græcus, (a) Celestinus Roma-
nus, Juvenalis Hierosolymi-
tanus, Episcopi.*

(a) Hujus adversus Nestorium
(quem ab errore, Epistolis ad eum scri-
ptis, avocare voluit) anathematismos
â Synodo hac tertia adprobatos, adfer
Forbes. l. 2. c. 6.

XI.

Qui præter hos vixere?

*Floruit Vincentius, (a) mo-
nasterii Lerinensis presbyter
Severus Sulpitius, Theodoretus, Cy-
ri in Syria Episcopus (b) Sozo-
menus & Socrates, Historiæ Ec-
clesiasticæ scriptores Græci.*

(a) Quid de eo sentiendum, discus-
sit, Vir Ecclesiasticæ Antiquitatis peritis-
simus

simus, D. Hildebrand in Diatr. Theol. de genuinis veræ Antiquit. notis, §. 2. Cui succenturiamus Calixtū in procem. ad illius commonitorium, tertio post Ephesinum Concilium anno scriptum, p. 20.

(b) v. Vossius de Hist. Græc. l. 2. c. 20. p. 259.

XII.

Annon vero alia adhuc est Synodus Ephesina?

Est utique; sed vocata *λησεικη*, quia Eutychiani, in eam vim adhibuere Orthodoxis.

v. Forb. Hist. Theol. l. 2. c. 9. n. 4.

XIII.

Gessit ne & bella Theodosius?

Suscepit quidem arma adversus (a) Attilam Hunnorum Regem, sed tandem de concilianda pace, cum eo per Legatum Priscum egit.

(a) Genus suum eum à Nimrodo

deducere velle, ex titulo, quo superbiisse creditur, constat, v. *Ruperti* Observ. ad Bes. p. 30. de quo tamen titulo quid sentiendum, ostendit *Schmidel* dissert. de Gente Hung. c. 3. n. 6. *Hornius* dissert. Hist. Pol. 21. §. 12. p. 196. Coeterum, duo plane quæ ad memoriam insignia, temporibus Theodosii addenda, quorum unum tristissima Illa Ecclesiarum Christianarum sub Persico, Imperio viventium, imprudenti Zelo Audæ Episcopi, excitata persecutio, quam pluribus recensent, *Socr.* l. 7. c. 8. *Theodoret.* l. 5. c. 38. Alterum verò, est codex Theodosianus, Christianorum Principum, à Constantino M. usq; ad Theodosium II. constitutiones continens.

XIV.

VALENTINIANUS III. OCCID.

Quid factum sub eo?

Italia vastata ab Attila, qui etiam Romam delere voluit.

XV. Num

XV.

Num factum?

Non, sed mitigatus est à Leone Pontifice.

Argentoratum tamen, antea Argentina, Silberthal dicta, ab eo excisum. v. *Lehm. Chron. Spir.* l. 1. c. 31. p. 50. Post Valentiniani vero temporapleraq; occidentalis imperii, à Germanis sunt occupata, ita ut Romanum nomen in iis terris penitus fere oblivione sepultum sit. v. *Pacif. à Lap.* ad Monzamb. disc. 6. p. 168.

XVI.

MARTIANUS. OR.

Quomodo pervenit ad imperium?

Ope Pulcheriæ, sororis Theodosii.

XVII.

Quid fecit in imperio?

Convocavit IV. Concilium Oecumenicum Chalcedonense,

G 5

donense, Anno Christi 451.
contra Eutychen, monachum
Constantinopolitanum.

Quæ Eutychis hæresis sit, tradit *Severinus Boëthius*. l. de duab. nat. c. 4. *Eva-*
grinus. l. 2. Hist. Eccl. c. 4. Tribus autem
erroribus cum contineatur, eos verbis
D. Cellarii referemus. Primus itaque,
Christum ex duabus naturis, sed non in
duabus naturis esse, cum naturarum alte-
ra in alteram sit conversa, & quasi spissata.
2. *Divinitatem esse natam passam, cruci-*
fixam, sepultam, mortuam. 3. *Corpus Chri-*
sti nobis ὁμοιωτόν non extitisse. Ita ille.
dissert. de Union. Person. §. 6. Omnem
verò Eutychis, hæresisque illius histo-
riam compendio proposuit B. *Calixtus*
in Progr. Tr. de Persona Christi inser-
to, p. 17. seqq. sed prolixius, *Theodorus*
Althusius, tractatu insigni de Historia
Eutychiana A. C. 1659. Lipsiæ edito.

XVIII.

Quid porro factum?

**Æqualitas in Ecclesiasticis
nego-**

negotiis, inter Constantinopolitanum & Romanum Episcopum, est introducta.

Confirmavit enim Constantinopolitanum canonem canon hujus concilii, quem vide in dissert. de Primatu Romani Pontif. *Calixti*. §. 34. & apud *Drejer*. de Controv. cum Pontif. disp. 13. p. 315. addatur *Lipstorp*. Form. Monarch. Pap. part. 2. c. 21. n. 11. & seqq.

XIX.

Quot interfuerunt concilio
Episcopi?

Convenêre ad hanc generalem Synodum, ex orbe universo sexcenti circiter & triginta Episcopi, eique *Martianus* ipse cum *Pulcheria* conjugè interfuit.

Epistolam *Leonis*, contra *Eutychis* hæresin, in hoc concilio lectam & approbatam adducit *Forbes*. Instr. Hist. Theol. l. 2. c. 11.

XX.

*Fueruntne Valentiniani in Occidente
successores, legitimi impe-
ratores?*

Non; nam morte Valenti-
niani penitus subversum est
Occidentis imperium, fortu-
næque lusu, ad varios dela-
tum, usq; tandem terminum
fatalem in Augustulo invenit.

XXI.

LEO. I. THRAX.
ORI.

Quis eum ad imperium evexit?

Senatus Constantinopoli-
tanus.

XXII.

Quid factum sub eo?

Constantinopolis tota fere
conflagravit.

XXIII.

XXIII.

ZENO ISAU-
RICUS. ORI.

Quid fecit hic?

Theodorico Ostro Gotho-
rum Regi Italiam concedit.

XXIV.

Quomodo mortuus?

Vivus sepulcro, jussu uxo-
ris inclusus, inibi vitam finiit.

XXV.

BASILISCUS. ORI.

*Quid illo imperante memoria
dignum contigit?*

Eo imperante Bibliotheca
Constantinopolitana, in qua
centum millia librorum, (a)
incendio periit.

(a) Homeri Ilias & Odyssea, Draco-
nis intestino, centum & viginti pedes

G 7

lon-

longo, aureis literis inscripta, pars quoque splendidissimæ hujus Bibliothecæ fuit. Licet verò immortalis ingenii sit memoria, libris tamen certissima mors vel ignis *Piccart. Decad. 7. Observ. c. 10.* vel alia quævis infelicitas, pluribus id ostendente *Conringio de Bibl. August. p. 16.* Cæterum literas Basilisci Henoticas exhibet *Evagrius l. 3. c. 4.* quas eruditâ disput. illustravit *Bebelius Anno Christi 1666,*

XXVI.

ANASTASIUS
DICORUS. OR.

Quid in imperio egit?

Gessit per duces suos bella
contra Longinum, Zenonis
Imperatoris fratrem, & Ca-
badem Persarum Regem.

IV.

Anne Ecclesie defensor fuit?

Non, sed Eutychanis im-
pendiò favebat.

Syn-

Syngraphâ, priusquam ab Euphemio Patriarcha Constantinopolitano coronaretur, fidem dedit, se decreta concilii Chalcedonensis servaturum : neque enim aliter in coronationem illius Euphemius consentire volebat, nisi scriptâ confessione, ea, quæ Chalcedonensis Synodus de fide constituisset, ad probasset. Enimvero cum pulso Euphemio, Macedonius, hujus nominis secundus succederet, ut Syngrapham redderet, ab illo Anastasius efflagitavit; ast is eam restituere Imperatori noluit; quare non tantum in exilium ab eo ejectus, sed & illius tandem jussu trucidatus est, quæ tamen impietas illi non sic abiit, siquidem anno 27. imperii fulmine cœlo tactus periit Anno Christi 518. v. *Evangrius* l. 3. *Buch.* in *Ind.* p. 256. *Cuspinian.* p. 169. *Hist. Eccl. Goth.* l. 2. c. 3. s. 5. p. 410.

XXVIII.

AUGUSTULUS.

*Fuitne hic ultimus Occidentis
Imperator?*

Omnino, barbaris enim &
pere-

peregrinis imperium rapien-
tibus, cum illo occidentis
regnum deletum.

XXIX.

A quo turbatus est regno?

Ab Odoacro Herulorum
Rege, è Rugia insula Oceani
oriundo.

XXX.

*Qui verò post tempora Ephesini
concilii precipui clari scrip-
tores fuerunt?*

Floruère sub Valentiniano
III. Johannes Cassianus Scytha,
Presbyter Mafsiliensis, &
Prosper Aquitanicus. Sub Ana-
stasio Gennadius, eique *σὺν χροῖ*,
Salvianus, Mafsilienses Pres-
byteri.

SECUL.

SEcul. VI.

I.

*Qua est Series Imperatorum
hujus seculi?*

Imperio occidentali subla-
to, successio Orientalium Im-
peratorum, Occidente exclu-
sorum, adhuc duravit. Fuere
itaque hujus Seculi. 1. Justi-
nus I. Thrax. 2. Justinia-
nus. 3. Justinus II. 4. Ti-
berius II. 5. Mauritius Cap-
padox.

Italiæ penes est Gothos jam gloriâ
regni,

& Longobardos. Orientis frena ca-
pessit

pertæsus stabuli Justinus. Justinianus
relligionis amans, regni fundamina
leges

colli-

colligit, & reddit *Justino* sceptrum se-
cundo.

Alter Tiberius felix. Sed tristitia passus
Mauritius, tandem cum natis ense
peremptus.

II.

Quale fuit hoc Seculum?

Non tantum eruditionem
omnem in occidente Gotho-
rum, Francorum, aliorum-
que arma paulatim persum-
dedere, sed & Ecclesiam, tot
Barbarorum devastaciones
misere deformarunt.

III.

*Quale vero regnum post Augustulum
in Italia exortum?*

Regnum Odoacri. Hic
enim

enim primus se Italiae Regem dixit.

Desiit imperium Occidentale anno V. C. 1229. à temporibus Augusti, 517. ab incarnatione Christi 475. v. *Bucholtz. indic. p. 249. Jordan. p. 59. Diac. l. 6.*

IV.

Quis post Odoacrum praeſuit Italia?

Theodoricus (a) Ostrogothorum Rex Arrianus, qui Severinum Boëthium, (b) & socerum ejus Symmachum, interemit.

(a) Hunc Græci Theuderichum vocant. Aliquoties congressus est cum Odoacro, eumque Ravennæ inclusum per triennium obsedit. Tandem pace cum eo facta, ac ad convivium vocatum, cum filiis, per sicarios interfecit. Plura, ad vitam & res gestas hujus regis pertinentia, subpeditabit disert. *Boecleri, de Theodo-*

Theodorico, Anno Christi 1661. edita.
(b) v. Gerhard, Patrol. p. 463.

V.

Qua poena secuta?

Piscis capite (quod Symmachi putabat esse,) in mensa adposito, perterrefactus, extinctus est.

Rem integram ita recenset Procopius. I. I. Goth. *Symmachus, & Boëthius ejus gener, nobilissima stirpe orti Senatores & consulatum adepti erant; ambo sapientie studiis exerciti, ambo juris observantes, supra quam dici posset, erant; multis civium, multis & externis prompti solari inopiam, fama insignes, inde sibi acerbissimorum hominum invidiam peperere. His calumniam in illos appetitarum rerum novarum struentibus, fidem habens Theoderichus, vitam utrique ademit, bona redegit in fiscum. Non multis diebus post coenanti regi appositum à ministris est piscis magni caput: id Theodericho caput visum occisi nuper esse Symmachi, dentibusque in labrum*

labrum inferius impressis, sævumque & horrendum ipsi intuens, minas ipsi intente. Portentoso visu exterritus, ingentique percussus frigore, cursu cubiculum petiit; jussitque insterni sibi multis vestibus, quievit. Post in Symmachum ac Boëthium quod peccaverat, deflevit, poenitentiaque & doloris, magnitudine, non multo post obiit. Hactenus Procopius, v. & Bucholzærum: Ind. p. 261,

VI.

JUSTINUS THRAX. OR.

Quomodo hic ad imperium pervenit?

Hic primo subulcus, deinde bubulcus; post minister lignarii, rursus miles, tandem imperator.

VII.

Fuitne amicus Ecclesiæ?

Utique: Synodum enim
Constan-

Constantinopolitanam convocavit, fideque Chalcedonensi confirmata, in Severum Episcopum Antiochenum, quod eam convitiis proscinderet, graviter animadverti vult.

Flaviano Orthodoxo Episcopo, ab Imperatore Anastasio, & adversariis Synodi Chalcedonensis in exilium ejecto, successit Severus, teste *Evagrio*. l. 3. c. 33. & *Niceph. Callisto*. l. 16. c. 29. *Adversus eum*, tres Synodi, nempe una sub Patriarcha Johanne Constantinopolitano, rogatu Clericorum & Monachorum Antiochia; altero sub Epiphania, tertia sub Menna, congregata sunt. Tandem metuens, ne lingua exsecta, impietatis poenas daret, fuga salutem quaesivit.

VIII.

JUSTINIANUS. I. OR.

Quis ei Imperium commisit?

Justinus successorem eum designa-

designavit. Cum itaque decessisset, consensu Senatus & exercitus, imperio admotus est.

IX.

Qua re memoriam sui posteritati commendavit?

Arte & Marte. Non enim tantum (a) jus Romanum per (b) Tribonianum, aliosque viros juris peritiâ excellentes, ex Gregoriano, Hermogeniano, & Theodosiano codice in unum redegit, sed & tria gravissima bella, per (c) Narsetem & (d) Belisarium gessit.

(a) Consulendus hîc omnino D. Conringius. de Orig. Juris Germ. c. 35. p. 238. seqq. Boxhorn. Hist. Univers. p. 376. seqq.

(b) Ad-

(b) Adversarios, per quam multos merito suo expertus est Atheus & nimis ad rem attentus, Tribonianus, quorum alii ignorantiam, alii vero audaciam, in Veterum JCTorum sententiis pervertendis minime ferendam, ei exprobrant. v. Vir magni nominis *B. Richter* Orat. de arcanis aulis Justinian. Epistolico operi, præfixa. p. 57. 58. *Pacius* in meth. Juris. l. 2. p. 25. & Magni *Conringii* judicio, l. c. p. 236. prudentissimus, longeque jurium omnium doctissimus *Hottomanus*, in Anti-tribon. c. 9.

(c) De eo ita *Paulus VVarnefrid* de Gestis Long. l. 2. c. 3. *Narses* prius chartularius (Cedrenus, cubicularium nominat, Ναροῦς ὁ Κεβικκλάριος) fuit, dein propter virtutum merita, patriciatus honorem (quem à Constantino M. institutum Justinianus. Inst. l. 1. Tit. 12. *Summam dignitatem* vocat) honorem promeruit.

(d) Quæ ad notitiam rerum Belisarii pertinent, ea inveniuntur in *Hub. Giphani* Tr. de Justiniano Imperatore, industria *Cl. Arnoldi* edito, ubi etiam sufficienter

cienter Fabula, de cœca illius mendicitate, explosa.

X.

Quæ sunt illa?

Perficum, Vandalicum, &
(a) Gothicum.

(a) Improbatur Gothicum bellum Justiniani, Onuphrius Panvinius. l. 4. c. 4. quem loquentem introducit *Strauch.* dissert. de Exarchatu, §. 17. ubi insimul elegans ea de re judicium, his verbis, addit. *Adeo difficile est, è principatu laudem acquirere, cum pax ignaviam taxandi principis, bella crudelitatem ejus detestandi, diversissime affectis censoribus, occasionem subpeditent; sed excelsus animus & recti conscius sibi, despicit calumnias quas evitare non potest.* Enimvero ansam inter alia, ut adversus Imperatorem nostrum insurgeret, ex in quoque sumsit, cui multi Procopii insunt, Alemannus; cujus tamen perfrixtæ frontis audaciam satis retudit *Thomas Rivius* J. C. Regis Angliæ Advocatus, in eleganti Imperatoris Justiniani adversus Alemannum

H

defen-

defensione, quam Anno Christi 1654. rursus edidit *Joh. Eichelius* J. C. Helmstadiensis, qui insuper in animadversionibus ad Procopii Historiam arcanam, famæ Justinianæ egregium se vindicem præstitit.

XI.

*Numne & Ecclesie curam
gessit?*

Veræ & Apostolicæ fidei studiosus, Concilium Constantinopolitanum II. indixit Anno Christi 551.

XII.

Contra quos?

Contra Origenis, Evagrii & Didymi scripta.

XIII.

*Quid verò factum in occidentem
sub Justiniano?*

Totilas variam fortunam expertus, Romam capit, ac va-
stat.

stat. Tandem verò à Narsete victus, qui universam Italiam ad Reip. jura reduxit.

v. *Paul. Diac.* l. 7. *Jonst. Polyhist.* l. 3. p. 668. *Gottofredus Hist. antiq.* l. 4. p. 414.

XIV.

JUSTINUS. II. OR.

Sub eo quid contigit?

Coepit sub eo Exarchatus, regnumque in Italia Longobardicum, sua primordia Narseti debens.

v. *supra* p. 43. *Sigonius*, l. 1. de regno Ital. p. 4.

XV.

TIBERIUS II. ORI.

Fuitne laude dignus?

Omnisavaritiæ causas procul habens, insigni liberalita-

H 2

te, &

te, & amore famam sibi comparavit, Mauritiumque generum, successorem regni constituit.

XVI.

MAURITIUS. ORI.

Qualis fuit Imperator?

Licet & virtute & bellica laude clarus fuerit, imperiumque bene gesserit, eum tamen avaritia immisericordem fecit: quo ipso se suosque, Imperatorum omnium infelicitissimus, in extremam miseriam præcipitavit.

XVII.

Adversus quos immisericors fuit?

In captivos milites, pro quibus singulis, cum dimidium num-

nummi solvere Cagano Avarum Regi noluisse, tot milium sanguine, & manus hostis, & conscientiam suam imbuuit.

XVIII.

Impune ne id fecit?

Non, sed justo judicio Dei, cum suis à Phocatrucidatus est.

v. *Paulus Diac.* l. 17. *Niceph.* l. 18. *Evagr.* l. 5. & 6. His verò temporibus Mauricii, illud insuper addendum, quod duo, nempe *Johannes Constantinopolitanus* & *Gregorius M. Romanus*, Episcopi, de titulo *Oecumenici* inter se disceptarint. Cum enim Constantinopolis, Constantini M. beneficio, veteri Romæ antecelleret, Johannes quoque Episcopus illius, Romano cedere indignum ratus, titulo *Oecumenici* usus est. Enimverò, rei novitate permoti Pelagius II. ejusque successor Gregorius M. & ad Cæsarem Mauritiū, & ad ipsum Jo-

H 3

hannem

hannem literas dedere, quibus, *Ecclesiam Oecumenici nomen non ferre posse*, ostendebant. Sed frustra, quam diu vixit Imperator, Gregorius fuit. Etsi vero facile Oecumenici titulus eum sensum gignat, quem Gregorius sibi impugnam dum jure sumsit, non tamen eandem mentem Johanni fuisse, putant *D. Drejer. disp. 14. Controv. cum Pontif. p. 322. D. Kortholt Pöhlswarkes Papstthum. c. 3. §. 4.*

XIX.

Nullisne, ob irruptiones Barbarorum in Italiam, præclaris scriptoribus illustre est hoc seculum?

Habuit sane adhuc aliquos, quos inter præcipui in Oriente *Leontius*, Byzantinus Monachus, *Evagrius* Scholasticus, *Sozomeni* continuator, & *Johannes* Episcopus Constantinopolitanus, *Jejunator*, ob miram abstinentiam dictus. Occi-

Occidentis verò scriptores
 fuere, *Fulgentius Afer, Venantius
 Fortunatus, Severinus Boëthius,
 M. Aurelius Cassiodorus*, duo Gre-
 gorii, alter *Turonensis*, alter Epi-
 scoporum Romanorum, &
 quidem proborum, fere ulti-
 mus, *Magnus* dictus. His ad-
 dendus sub Justiniano *For-
 nandes*.

— ❧ — ❧ — ? — ❧ — ? — ❧ — ❧ —
 SECUL. VII.

I.

*Quis est ordo Imperatorum Secu-
 li Septimi?*

1. Phocas. 2. Heraclius.
 3. Constantinus IV. 4. Hera-
 cleonas. 5. Constans II. 6.
 Constantinus V. Pogonatus.
 7. Justinianus II. Rhinotme-
 tus

H 4

tus. In Italia vero rerum summæ præerant Exarchi.

Italia *Exarchos* veneratur; sanguine,
Phoca

sceptra madent. Muhamet regnum
tibi turbat *Heracli*.

Jam *Constantinus quartus*, pro fraudenovercæ
extinctus. Sed *Heracleonas* in flore

juventæ
occubuit rursus. Rapiunt ornamenta,

secundus,
urbis Romanæ, *Constans*. Felicibus

armis
victus Arabs *Constantini Quinti*. At

malus hæres
filius imperii fuit alter *Justinianus*.

II.

PHOCAS.

Quis ei commisit imperium?

Postquam Mauritius cum
uxore & liberis à Phoca trucidatus esset, illum milites in
cly-

clypeum sublatum Imperatorem salutavêre.

Hunc Monarchiæ papalis, qualis tempore Lutheri, & hodie est, fundatorem fuisse, ex Historicis probari non posse, pluribus ostendit *Kortholt*. l. c. ut ut illud extra controversiam sit, eo ipso, quo Bonifacio III. Pontifici Romano concessum, ut sedes Apostolica caput esset ac diceretur omnium Ecclesiarum, fundamenta Sacræ tyrannidis esse jacta; siquidem ex hoc tempore, Pontifices se Oecumenicos & Universales deinceps dixerunt. Secretarii Desiderii Longobardorum Regis, Pauli Diaconi hæc ea de verba sunt, l. 4. de Gestis Longob. c. 37. *Phocas, rogante Papa Bonifacio, statuit, sedem Romanæ & Apostolicæ Ecclesiæ caput esse omnium Ecclesiarum, quia Ecclesia Constantinopolitana, primam se omnium Ecclesiarum scribebat.* Paria habet *Augustus Thuanus Hist. l. 67. Phocas, inquit, Bonifacio III. insignes Episcopi Universalis titulos, quos nuper Gregorius*
H s in 7e-

*in Johanne Constantinopolitano improba-
verat, prolixè attribuit.*

III.

*Quis fuit Tyranni Phoca
vite exitus?*

OCTAVO imperii anno, à
conjuratis quibusdam Hera-
cleona & Heraclio, obpressus,
pudendis exsectis in arco ca-
mino crematus est.

IV.

HERACLIUS.

*Anne verò Phoca interfecto Hera-
clius imperium accepit?*

Utique milites enim accla-
mante populo, Cæsaremeum
declaraverunt.

V.

Bene ne illud administravit?

Lente quidem, quæ PHO-
CAS

cas neglexerat, restituit: eum tamen incestuosa, cum Martina fratris filia, nuptiæ infelicem reddidêre.

VI.

Cum quo bella gessit?

Cum Cosroë Persarum Rege, quo victo pacem Romanis restituit.

Abstulerant Persæ lignum crucis Christi: sed cum rursus ab Heraclio in hoc bello illis eriperetur, illo Hierosolymitanum templum exornavit, ac insuper in hujus divini beneficii victoriarumque memoriâ, Festo exaltationis crucis quotannis celebrando 14. Sept. sacrum esse voluit. *Bucholtz in ind. p. 278. Hist. Eccl. Goth. l. 2. c. 3. S. 6. p. 439.*

VII.

Fuit ne orthodoxa religioni addictus?

Antequam Athanasius Ja-

H 6

cobi-

cobitarum Patriarcha (a) Monothelitarum hæresi Eutychianismi propagine animum ejus imbueret, orthodoxus conciliorum Oecumenicorum fuit defensor; post verò in partes horum descendens, palam hæreticam doctrinam (b) promulgari passus est.

(a) Cœpit ab Anno Christi 628. hæresis hæc inclarescere, quæ tamen rursus cum promotoribus suis, A. C. 649. in Concilii Lateranensis Romani Synodica confessione, damnata.

(b) Et hæc est illa *ἐκθεσις*, sive expositio fidei, doctrinam monothelitarum continens, quæ A. C. 639. publicam lucem aspexit, de qua vid. *D. Strauch*, in *Dissert. Hist. Theol. de Monothelitis*. §. 20. *Forbes*. *Instr. Hist.-Theol.* l. 5, c. 1. Addatur *Hist. Eccl. Goth.* l. 2. c. 3. §. 6. P. 439.

VIII.

Quid præterea circa tempora Heraclii contigit?

Muhamed, (a) genere Arabs sese exserit, ac de nova religione excogitanda consilia luscipit, quam orbi Christiano obtruderet.

(a) Natus ille Christianorum Satanas circa Annum Christi 570. juxta *Calv.* imperium tenente Justino juniore, patre Abdalla, matre Emena sive Amena, durisque admodum initiis adolescentiæ usus, morte domini sui, (cui hætenus à servitiis fuerat, cujusque uxorem magnis opibus circumfluentem in uxorem duxerat) tandem ad illud fastigium potentia pervenit, ut populares illius Arabes, ab Heraclio, ob denegata stipendia deficientes, ducem sibi eum eligerent. De vita autem ejus, plura qui desiderat, adeat *Hornbek* summam *Controvers.* l. 3. *Forbes.* Instr. l. 4. *Venerab. Dilherrum.* Hæret. Conf.

Confes. Aug. M S. *Leunclavius*, Hist. Musulm. *Elmacinus*, Hist. Sarac. l. i. c. 1. *Hott*, Hist. Orient. l. i. c. 6.

IX.

*Cujus ope novam religionem
confinxit?*

Ope Sergii, Monachi Nestoriani, & Baira Jacobita.

X.

Num est Alcorani author?

Non quidem ipse Muhammed, sed comes ejus Abubec-
cer.

Et hic Alcoranum in ordinem, ex schedis Muhamedis redigit. v. pluribus de Alcorano *Pfeifer*, dissert. Phil. 4. Continentur verò in Alcorano Muhamedismi dogmata, & religio, quam rectissime *Christiana religionis, & fabularum Judaicarum quandam saturam*, vocare licet. Hunc librum tanti æstimant, ut nemini Christianorum vel Judæorum, nec ipsis quidem Muhamedanis immundis & illotis,

illotis, fas sit eum attingere. *Qua de causa, ne imprudenter peccent, inquit Erpenius, in nox, ad Surat. Josephi, corio ejus extrinsecus, majusculis litteris inscribere solent, NE TANGAT EUM NISI MUNDUS.* Interea de Religione Muhamedana plura legenda occurrunt in disert. de Relig. Ethnica &c. D. Kortholt, p. 31. & apud Holm. brevis Confid. Theol. Muham. quibus addendi Authores superius citati

HERACLEONAS. CONSTANS,

XI.

CONSTANTINUS IV. POGONATUS.

Cur dicitur Pogonatus?

A πώγων barba; quia imberbis in Siciliam abiit, barbatus rediit.

XII

XII.

Fuitne bonus Imperator?

Optimus ac Orthodoxæ fidei amantissimus ; unde Synodum Constantinopolitanam III. Oecumenicam VI. Anno Christi 681. indixit, in qua Sergius, ejusque successor Pyrrhus damnatus.

Non tantum in hoc concilio, sed & Anno Christi 649. in concilio Lateranensi, Præsidente Martino, Romano Pontifice, Episcopi 105. & A. C. 680. sub Agathone in alio Concilio Rom; Episcopi 120. hæresin Monothelitarum damnarunt. Ea verò hora, qua Constantinus ab Episcopis 170. (quanquam alii, ut Sigbertus, Cedrenus, & Otto Frisingensis, 289. adfuisse scribant) in Concilio Constantinopolitano congregatis, pravam Monothelitarum doctrinam damnari voluit, *tanta araneorum tela in medio populi ceciderunt, ut omnes mirarentur;*
ac per

ac per hoc significatum est, quod sordes hæretica pravitatis depulsa sint, sunt verba Pauli Diaconi. l. 8. apud Dion. Gottofredum. l. 4. Hist. Antiq. p. 462. Interea edictum ejus, de fide Catholica, & damnatione Hæreseos Monothelitarum, ut & Honorii Papæ Romani, legi potest, apud Goldast. Const. Imper. tom. 3. p. 642.

XIII.

Anne etiam bella gessit?

Imo gravissima cum Saracenis, quorum classis igne Græco, à Callinico facta, combusta, ac Saracenorum 30000. submersa perierunt.

XIV.

JUSTINIANUS II.

Quis fuit?

Pogonati Imperatoris filius, patris in imperio successor, ac ultimus stirpis Heraclii, Rhinotmetus

notmetus dictus, à πῖν nasus,
& τέμνω seco, quod truncatis
esset naribus.

XV.

Qualis fuit in imperio?

Pessimus & foederum
ruptor.

XVI.

Cum quibus ei foedus erat?

Cum Saracenis & Bulgaris.

XVII.

Numne impune id fecit?

Minime; siquidem Sarace-
ni invocato Deo, Tabulis in-
duciarum de hasta suspensis,
victoriam obtinent.

Ita longe antequam Hetruscus ille
Politicus lucem aspexit, insignis perfidiae
exempla vidit, & admiratus est orbis.
Nempe, qui honestum utili metiri consue-
vère, iis nihil facilius, quam fidem datam
solvere.

Solvere. Tali ingenio fuit Mahometes II. qui *prestare fidem, Mercatorum esse, non Principum*, dixit. Verum enim verò, quemadmodum omnia accuratius Principi, prius quam fide se hosti obstringat, sunt ponderanda; ita, à fide, juramenti religione semel data ac roborata, nunquam recedat. Semper enim divinam justitiam vindicem experti ii, quibus solenne, cum Philippo Macedonum Rege, jurejurando publico, velut moneta uti. Sensit id magno suo cum malo hic Justinianus, cui ex asse conforme exemplum Uladislai Hungariz Regis, quod Bonfinius. Dec. 3. l. 6. Hist. Scanderb. l. 2. Paulus Jovius. l. 2. Callim. de clade Varn. Christ. Matth. Theatr. Hist. p. 669. Berneggerus Observ. Hist. Pol. 24. p. 256. commemorant. His adde Dissert. Felov. de fide data à Principe, &c. p. 169.

XVIII.

An verò plane nullus fuit scriptorum clarorum, qui hoc seculum illustravit?

Etsi non leves calamitates
seculi

seculum hoc adflixerint, habuit tamen nonnullos, inter quos Principes (a) *Isidorus Hispalensis*, stirpis Gothicae, qui temporibus Heraclii Hispaniam illustravit, & (b) *Theophylactus Simocattus*.

(a) v. *Vossius*. l. 2. c. 25. *Gerhardus* Patrol. p. 483. *Mair* Biblioth. l. 1. c. 7. §. 6. p. 71. *Peregr. Bibl. Hisp.* Tom. 2. p. 215.

(b) *Vossius* de Script. Græcis l. 2. c. 23.

*****?*****

SECVL. VIII.

I.

*Qui sunt Seculi Octavi
Imperatores?*

Habuerunt initia hujus Seculi adhuc Justinianum Rhinotmetum, sed eo sublato
1. est Philippicus Bardanes.
2. Arte-

2. Artemius mutato nomine
 Anastasius dictus, 3. Theo-
 dosius. 4. Leo Isaurus. 5.
 Constantinus Copronymus.
 6. Leo Porphyrogenneta.
 7. Constantinus VII. cum
 matre Irene. Innotuere etiam
 in hoc seculo Iconomachi &
 Iconolatæ.

Quæ fortuna dedit tibi regna *Philip-*
pice, rursus
 poscit *Anastasius*. *Theodosius* sponte
 relinquit

Tertius imperium. *Leo* post succes-
 sit *Isaurus*.

Filius hunc sequitur *Copronymus*.
 Huic *Leo quartus*,

& *Constantinus sextus* successit. *Irene*,
 gnato interfecto, tres annos sola gu-
 bernat.

II. PHI-

II.

PHILIPPICUS
BARDANES.

Num legitime consecutus est imperium?

Invasit imperium Anno Christi 711. postquam Justinianum interfecisset. Id autem negligenter, dissipatis illius opibus, administravit. Quare jussu Artemii, qui ei à secretis consiliis erat, oculis privatus ac imperio motus est.

III.

Quid autem porro fecit?

Sextam Synodum abrogavit, primusque (a) imagines templis ejecit.

(a) Eo ipso verò odium populi adversus
fuit

sus se excitavit, quod testatur *Paulus Diacon. Hist. Long. l. 6. statuit Populus Romanus, ne heretici Imperatoris nomen, aut chartas, aut figuram solitam susciperent. Unde nec ejus effigies in Ecclesiam introducta est, nec nomen ad Missarum solennia prolatum.*

ANASTASIUS. THEODOSIUS.

VI.

LEO ISAUROS.

*Quomodo ille ad imperium per-
venit?*

Postquam Theodosius Anastasium monasterio incluserat, post paulo & ipse Leoni III. imperium relinquens, suum inter Monachos nomen dedit.

V. Finis

V.

Fuitne Iconomachus?

Utique cultum enim religiosum imaginum plane aboleri iussit, unde sequuta solennis ab Imperatore defectio.

A Iustini Martyris tempore, usque ad Lactantium Christianos Imaginibus & simulacris caruisse, ex historiâ & testimoniis scriptorum illius temporis probari potest. Quod enim de Imagine Christi, ab ipso Christo linteo impresso, & Regi Abgaro misso, tradunt Pontificii, id si non fabula, certe à veritate plane alienum videtur. Seculo tamen quarto, ante Concilium Oecumenicum Nicænum, paulatim imaginibus, sed pictis, saltim in populi usum, Ecclesiæ exornabantur. Enimverò cum exinde abusus quendam, Synodus Elibertina metueret, eas templis exesse voluit. Iniquior illis fuit Seculo VI. Serenus, Malsiliensis in Gallia Episcopus; siquidem eas non tantum ferre noluit, sed & insuper confregit,

fregit, obquem fervorem, altera vice eum reprehendit Gregorius M. Episcopus Romanus. v. l. 7. Ep. 109. & l. 9. Ep. 9. Ast cum Seculo VII. & VIII. nimius imaginum cultus in superstitionem & idololatriam deflecteret, malo huic medicinam, Sereni vestigia premens, Leo Isaurus edicto publico parare voluit; cumque in eo Germanum Patriarcham sibi resistantem animadvertisset, eum honore suo exuit. Acerrimos autem deinde adversarios expertus est, Gregorium nempe II. & III. Pontifices, quorum hic, cum Imperatorem ab Iconomachia frustra dehortaretur, plane anathemate illum percussit, ac vectigalia Romana, quæ hæcenus Imperatori Constantinopolitano pendebantur, inhibuit. Cæterum copiosius Historiam Imaginum tradit D. Johannes Hennichius Diss. de cultu Creat. q. 7. p. 29. seqq. D. Dreier. Dissert. contra Pontif. 30. & 31.

VI.

*Quid dignum memoratu habet
Isauri imperium?*

Illud, quod orientis lumen

I

(a) Damasco

(a) Damascenus, primus (b) Theologiam in disciplinæ ordinem redegerit.

(a) Nonnulli eum ad Theodosii tempora referebant, sed rectius sentit eum *Vossio*. l. 2. de script. Græcis. c. 24. *Gerhardus* Patrol. p. 497. qui eum Leonis III. temporibus vixisse, probant.

(b) *Calixtus* Appar. Theol. p. 127.

VII.

Florere ne præter Damascenum alii Viri præclari?

Floruit his temporibus in Occidente Venerabilis (a) Beda Presbyter Anglus, Damasceno σύγχρονος, & Bonifacius, (b) primus Moguntinus totiusq; Germaniæ Episcopus.

(a) v. *Vossius* de Hist. Lat. l. 2. c. 28.

(b) *Vinfridus*, priusquam Gregorius Papa nomen ei Bonifacii tribuerat, dictus est. Testis *Albertus Stadenfis* ad Annum

Annum Christi 755. *Primus omnium, qui Australes Germania partes idolorum cultui deditas, ad cognitionem doctrina ac Christianae Religionis adduxit, Vinifridus erat, natione Anglus, verus Christi Philosophus, cui postea cognomentum ex virtute erat Bonifacius.* v. *Voss. de script. Lat. l. c. c. 29.* Illud verò hic monendum, cum Bonifacius primus totius Germaniae Episcopus dicitur, non eum esse sensum, ac si illius demum operâ doctrina Evangelii inibi innotuerit; (siquidem jam ante tempora hæc, gentes quædam Germaniæ nomen Christo dedere) sed quod, quicquid residui erat Paganismi, restauratione & propagatione Christiana fidei, evertere voluerit, licet non exigua pars Germaniæ Cimmeriis nihilominus tenebris circumsepta permanferit. Consultendus hic *Conringius Exercit. de Constit. Episc. §. 3. seqq.* Hoc insuper Bonifacii laudibus accedit, quod post S. Cunibertum alter fuerit Archi-Cancellarius, & quidem Pipini Regis Francorum, teste *Malinkrot. Tr. de Archi-Canc. p. 7.* Plura Bonifacii gesta tradit *Aventinus.*

l. 3. Annal. Bojor. & *Serarius* l. 1. *Moguntinarum*.

VIII.

Quid porro temporibus hujus Imperatoris contigit?

Carolus Martellus Major domus, (a) Caroli M. avus, Princeps Francorum salutatur.

(a) Fuit maximus ex *majoribus domus*, quorum officium omnem potestatem regiam, præter titulum & coronam, complectebatur. De iis ita *Eginhardus* in vita Caroli M. *Opes & potentia regni penes Palatii præfectos, qui Majores domus dicebantur, & ad quos summa imperii pertinebat, tenebantur; neque regi aliud relinquebatur, quam ut regio tantum nomine contextus, crine profuso, barba submissa solio resideret, ac speciem dominantis effingeret, &c.* Paria habent *Annales Francorum* à P. Pithæo editi. *Reges quidem dicebantur, sed potestas Regis tota apud Majorem domus habebatur, excepto, quod*

quod Charta & privilegia, Regis nomine scribebantur, & in Martis campum, qui Rex dicebatur, plaustro bobus trahentibus vectus, atque in loco eminenti sedens, semel in anno à populis visus, publica dona solenniter sibi oblata accipiebat, stante coràm Majore domus, & qua deinceps eo anno agenda essent, populis annuntiante. Sicque Rege domum redeunte, cætera regni negotia Major domus administrabat. Hactenus Annales. Inde non tantum ea quæ ad Antiquitates Francicæ gentis pertinent, sed & quam arctis limitibus Regum iis temporibus, constricta potestas fuerit, satis patent. addatur Hornius. Orb. Imp. p. 116. Plura de Majoribus Domus legi possunt apud Boxborn. Hist. Un. p. 457.

IX.

CONSTANTINUS COPRONYMUS.

Cur ita dictus?

Quia ventri excrementis baptismi aquam polluit, κόπρος

I 3

ster-

stercus, & ὄνομα nomen, hoc
ei cognomen dedit.

X.

Quid factum sub eo?

Metuens sibi ab Aistulpho
Longobardorum Rege Ste-
phanus II. Copronymum
rogat, ut suis copiis parte
Romani imperii, quæ non
dum Longobardos Domino
agnosceret, succurreret. Cum
verò illius auxilia impetrare
haud posset (a), ad Pipinum
(b) Caroli Martelli filium
Francorum Regem confu-
giens, per ipsum conservari
ac defendi voluit.

(a) Causas denegati auxilii has ac-
fert *Lipstorp. Form. Mon Pap. c. 26. n.*
p. 125. vel quod nulla spes esset, ut Constantinus

tin.

tinus jura imperii, quæ in Italia residua erant, à Longobardis invasa, defenderet; vel quia sub idem tempus, Asia cum Saracenis vehementer conflabatatur; vel quia pestifera lues Constantinopoli graviter & horribiliter debacchata est; vel quia Imperator non erat propensus Romano Pontifici, quod antea, se sperto, à Franciæ Principibus, auxilium petierat.

(b) Qua occasione, Pipinus Franciæ regnum acquisiverit, vel ea propter scitu necessarium, quod Pontificii nimium quantum sibi hîc blandiantur, ac si regna in solidum, per ipsos stare, cadere possent. Nempe, cum voluptatum illecebris irretiti Francorum Reges, imperii curam abjicerent, Pipinus, qui ex favore Francici populi fasces sibi promiserat, Childericum, ultimum Merovæorum, vitâ haud ex dignitate Regis actâ exosum reddere statibus, tentavit. Ea re studia Procerum magis magisque in Pipinum accensa, secum quidem illi regnum decrevêre, sed juramenti religione, qua devincti Childerico tenebantur, impediti, quâ viâ rem aggrederentur, non ita fa-

cile invenissent, nisi apud Pontificem solvendum jurisjurandi nexum, Pipinus (cui enim defunt callida consilia, qui imperii cupidate trahitur?) ostendisset. Statim itaq; Legatos miserunt ad Zachariam, qui, ut loquitur Sigonius. l. 3. de R. J. p. 74. *regnum Chilperico, ut parum idoneo, abrogavit, & Francis Sacramenti religione solutis, ut Pipinum Regem substituerent, Author fuit. Quo decreto accepto Franci convenerunt, ac Chilperico abdicato, Pipinum Regem consentientibus omnium voluntatibus designarunt, eumque Sueffione, per Bonifacium Moguntinum Archiepiscopum, consecrarunt. Chilpericus regno pulsus, in monasterium est conjectus. Atque sic familiâ Merovæorum in Childerico clausa, altera Carolidarum celebrior priore in Pipino exorta est. Utrum verò ex argumento facti Pontificii firmiter deducere queant jus se habere mutandi regna, nemo Francorum id temporis facile concessisset, nec hodie Galli, nec quisquam alius nisi juris omnis ignarus, admittet. Videantur interea Arniseus de Translat. Imperii c. 7. n. 4.*

p. 195. *Lehman*. Chron. Spir. l. 3. c. 22.
 p. 127. *Hottom*, in Franco Gall. c. 16.
Marsilius Patav de transl. 1. c. 6.

XI.

*Annuir ne precibus Stephani
 Pipinus?*

Utique ; sed tandem à Pon-
 tifice circumventus , Exar-
 chatum illi Ravennatensem,
 cum Pentapoli, contradicente
 licet Constantino Orient. Im-
 peratore, donat.

Copiose satis quæ in hanc rem faciunt,
 omnia exponit *Lehm*, l. c. c. 24. p. 231.

XII.

*Ergonè sublatus jam erat
 Exarchatus?*

Omnino sublatus erat, ab
 Aistulpho Longobardorum
 Rege, ex quo annos 185. du-
 raverat.

Legendus hîc *Sigonius* l. 3. de R. I p. 75.

XIII.

Quid amplius factum?

Carolus M. Desiderium Longobardarum Regem ultimum (a), regno exuit, Pipinique Parentis donationem confirmat,

(a) Præclare adeo eo ipso de sede B. Petri meritus est Carolus M. ut ab Hadriano Pontifice, Patritius dignitatem, cum jam ante esset Franciæ ac Germaniæ Rex, obtinuerit. Rem ita refert *Marfil. Patav. de Translat. Imperii. c. 8. Hadrianus beneficiis temporalibus Principis allectus, 153. Episcoporum & Abbatum Romæ concilium congregavit: ibique cum universa Synodo, glorioso Principi Carolo, Regi Franciæ, jus & potestatem tribuit elegendi Romanum Pontificem, & sedem Apostolicam ordinandi, dignitatem quoque patritiatus eidem concessit, qua olim quasi pater Principum videbatur. Paria habet Sigb. ad Anno 773. & ipsa Bulla Hadriani I.*

ni I. apud Goldastum Constit. Imp. Tom. I. p. 1. Quid verò nomen *Patritius* in Carolo M. significarit, omnium optime explicat Conringius, Dissert. de Imp. Rom. Germ. §. 27. Fuit, inquit, quidem *Patritii* nomen non nisi dignitatis titulus, à Constantino M. institutus, teste Zosimo l. 2. qua de re plura. l. 12. Cod. Just. tit. 3. l. d. In Carolo tamen videtur hoc nomine ipsa *Exarchalis* potestas significata. Addatur & Kipping. in animadvers. contra Aubri. p. 168.

LEO IV.

XIV.

CONSTANTIN. VII. ET IRENE.

*Bene inter filium & matrem
convenit?*

Intestinâ fraude regnum sibi vindicans Irene, perfidiæ crudelitatem addit, filiumque excoecari curat. Illo tandem

I 6

quin-

quinquiennio post extincto
ipsa summæ rei præfuit

XV.

*Stetit ne à partibus Iconomachorum
Constantinus?*

Non, sed potius pristinæ
restituere dignitati imagines
cogitans, concilium, sed falso
Oecumenicum dictum, VII.
Niceæ instituit, cui CCCLXVII.
Patres interfuere.

Constantini, & Irenes, ad Hadrianum
Papam Epistolam, qua eum de concilio
celebrando certiores reddidere, exhibet
Goldastus Tom. 3. Const. Imper. p. 651.

XVI.

*Quid, cum sola imperat Irene,
egit?*

Firmandæ suæ potentiae
remedium, callido consilio
in conjugio filii, & filiae Caro-
li M.

li M. quærit ; sed (a) dein re
altius ponderata , aliam uxo-
rem filio obtrudit.

(a) Causam , cur mentem mutarit ,
hanc reddit *Zonaras* Tom. 3. p. 88. *Ea*
affinitate omissa ex metu, & imperii cupi-
ditate, ne filii opes Francorum necessitudine
augerentur, ex Oriente puellam accersivit.

XVII.

Habuitne Carolum M. sibi
faventem?

Pacem ab ipso per Legatos
petit & obtinuit , eamque
ipse Imperator in uxorem
duxisset, nisi Ætius has nupti-
as impedivisset.

Qui accuratius Historiam Constanti-
ni & Irenes nosse cupit, eam optime à
Zonara traditam Tom. 3. l. c. inveniet.

SECUL.

SECUL. IX.

I.

*Qui sunt Seculi hujus
Imperatores?*

Decrescente Orientalium
Imperatorum potentiâ, rur-
sus Occidens caput exerere
coepit. Hujus itaque Impe-
ratores, fuere. 1. Carolus M.
2. Ludovicus Pius 3. Lotha-
rius I. 4. Ludovicus II. 5.
Carolus II. Calvus. 6. Carolus
III. Craesus. 7. Arnulphus.

*Carolus antiquis Francorum regibus
ortus*

*sceptra gerit, virtus dedit huic cogno-
mina Magni.*

*Magna, Patris magni, soboles Ludo-
vicus habenas*

*suscipit, & post hunc Lotharius. Huius
Monachorum*

claustrum

claustra placent, *Alter Ludovicus*
 sceptraparentis
 tractat; sed periit per toxica phar-
 maca *Calvus*.

Carolus aut *Craesus* regno spoliatur;
 & illud
 suscipit *Arnolphus*, fuerat, qui vermi-
 bus esca.

Sed Græci restant, *Irene* en regna
 orientis
 tractat. *Nicephorus*, *Michael*, *Leo*
 cepit honores
 imperii *Armenius*, *Balbus*, *Leo* san-
 guine vitam
 claudit, & hinc sumit sibi sceptrum
Theophilus hæres.

Filius huic *Michael Savus* successit,
 & illum
Basilus Macedo excepit. Post quem
Leo, dictus
Philosophus, graviter Saracenum pu-
 gnat in hostem.

II.

Quos Parentes habuit Carolus M.?

Parens ejus fuit Pipinus Rex Francorum, mater Bertha, Heraclii Imperat. filia.

Quis locus nativitatis Caroli M. res solido destituitur fundamento. De eo sane constat ex *Brouvero* in *Antiquitatibus Fuldensibus*, quod *terram circa flumen Unstrut*, conceptionis suæ terram Carolus M. agnoscat. v. *Rupertus* in *Besoldum* p. 597. & *Lipstorp.* form. Monarch. Pap. part. 2. c. 30. p. 175. Ast quod & ibi vitalem aspexerit lucem, temere nemo facile adseret. *Cuspinianus* in vita Carol. M. *Ingelheimium* nativitat. locum putat, eumque plurimi magno numero sequuntur. Interim, qui omnium optime diversa sentientes conciliari queant, ostendit *Sagittarius*, in diss. de Carolo M. memb. 2. §. 4. cujus mens brevibus hæc; *ante bellum Bojari- cum, conceptio Caroli M. facta in confiniis circa flumen Unstrud.* Bello inchoato
natus

*natus est Carolus M. Carlsburgi juxta
Aventinum. Confecto bello Ingelheimii e-
ducatus creditur.*

III.

A quo educatus est?

A Petro Pisano, & Albino Alcuino: quorum ille lingua-
rum peritia; hic verò elo-
quentiæ præceptis siderumq;
scientia animum ejus imbuunt.

IV.

Quando factus est Imperator?

Occupata armis (a) Italia,
& urbe Roma, destructo
Longobardorum Regno, à
Leone III. Pontifice, die na-
talis Christi. Anno 800. con-
sensu P. R. in æde D. Petri,
Imperator (b) & Augustus
renunciatus est.

(a) Diversa enim esse, Italiæ & Ro-
manum

manum imperium luculenter ostendit illud, quod Romani in provincias Italix sibi ereptas, ante Carolum M. nullum jus habuerint v. *Conring. Tr. de Germ. Imp. Rom. c. 4. §. 6. Burgold. part. 1. disc. 4. p. 167. Instr. Pacis.*

(b) Antequam Imperatorius, Carolo M. titulus est collatus, non tantum Franciæ Rex erat, sed & obtinebat pleraque occidentalis imperii, exceptis urbe Roma, Exarchatu Ravennatensi, iisque quæ Pipinus & Carolus Longobardis ereptis, Pontifici donârant. Unde non immerito quæritur, *quid ergo titulo Imperatoris consecutus sit?* Satisfaciet verò hic rursus Summus *Conringius* dissert. de Rom. Imperat. §. 28. *Per Imperatorium titulum, inquit, illi (nempe Carolo M.) collatum jus omne in urbem, R. Pontificem, Exarchatum Ravenna, & alia oppida quadam extra Longobardici regni fines posita, quæ fuerunt Cesarum usque ad solennem illam rebellionem, qua Gregorio II. Papâ, superstites imperii Romani reliquia, à Leone Isauro, & sequentis Constantinopolitanis Cesaribus defecerunt. Addatur*
Paci.

Pacificus à Lapide ad Monzam. p. 204. & c. 7. jam ante cit. Tr. de Imperio Germ. ubi prolixius deducitur *hereditarium dominium titulo Imperat. in Carolum M. collatum*. Huic tamen sententiæ, non levibus rationum momentis obstatibus, se assentiri non posse, fatetur *Nicolaus Mart. Prof. Kil. in Libertate Aquilæ triumph. c. 3. §. 7. p. 49. seqq.* Sed hæc disceptare jam hujus non est fori.

V.

Cum quibus bella gessit?

Plurima, quorum omnium tamen, quod 32. duravit annis, gravissimum Saxonicum, cum (a) Wittechindo Saxonum Rege, aliisque illius subditis, quem victum, ut Christo (b) nomen daret, coëgit.

(a) Jam equidem Maximiani temporibus, Saxones innotuerunt, celebritate tamen nominis, dum demum, cum victoribus Caroli M. armis, cum Rege suo Wittichin-

Wittichindo, Saxonica domus conditore, ad Christianam fidem conversi sunt, inclaruere. Illi autem, qui Wittechindum ab Anno Christi 629. præcessere, sunt sequentes; *Bertholdus, Sighardus, Dietericus*, cui tres filii, *Edelhard, Barthold & Vernekind*. Maximus stirpis *Edelhard*, parente mortuo, regnum suscepit, qui, & antequam ipse diem obisset suum, fratrem natu minimum *Vernekindum*, Saxoniae regem dedit. Is verò *Wernekindus*, primus, qui ducis titulo imperium tractavit, fuisse traditur. Uxor illi erat *Cunigunda*, quæ eum unius filia, & duorum filiorum *Vettekind & Brunonis* parentem fecerat. Hinc cum & fato functus esset, fasces *Wittekindus* accepit, qui jam Ducis, jam Regis titulo, apud scriptores, clarus. Regem eum fuisse, testimonio suo *Reinerus Reineccius* Comment. de Saxon. p. 15. confirmat his verbis. *Vendico igitur imperatoribus istis uti potestatem, ita & nomen regium. Estque hinc, quod Cosmodromion, non modo VVidekindum Magnum, verum etiam Edelhardum, Reges*
nunch-

nuncupat. Addatur Chron. Montis-Sereni. p. 26. & 45.

(b) In hoc bello Saxonico, (cujus causas ex Politicis rationibus ostendit *Pacif. à Lap. ad Monzamb. disc. §. p. 119.*) Anno Christi 772. destructum etiam *Irminsula* est idolum, fani *Eresbergi*, cujus demolitione totum triduum, magnâ operâ exercitus, est consumptum. Quid ibi memoratu dignum acciderit, recenset *Meibomius* c. 7. Tr. de *Irminsula Sax.* p. 43. Cæterum de finito hoc bello, ita *Eginhardus*. p. 101. *Ea conditione à Rege (Carolo M.) proposita, & à Saxonibus suscepta, tractum per tot annos bellum, constat esse finitum, ut abjecto Daemonum cultu, & relictis patriis ceremoniis, Christianæ religionis sacramenta pertiperent, & Francis adunati, unus cum eis populus efficerentur.* Ipse *Wittekindus* non procul ab urbe *Padeborn* baptizatus, à *Carolo M.* titulum Ducis *Saxonix*, & Principis imperii accepit.

VI.

Quid in Ecclesiasticis præstitit?

Inter alia in Concilio (a)

Francor.

Francofurtenſi, Anno Chriſti 794. antequam Imperator factus eſſet, Imaginum cultus eſt ſublatus; Pericopæque Evangelicæ (b), Patrum Homiliis, juiſu illius, à Paulo Warnefrido ſunt illuſtratæ.

(a) Non tantum in hac Synodo, cultus imaginum ſuperſtitioſus & idolatri- cus ſublatus eſt, ſed & inſuper de contro- verſia inter Felicem Urgelitanum, il- liusque aſſeclam Elipandum Toletanum, Episcopos, & Adrianum I Pontificem orta, actum eſt; quam quidem cauſam accuratius excuſſit, triga Theologorum, *D. Calixtus*, Programmæ tr. de Perſ. Chriſti, addito. p. 96. *D. Johannes To- bias Major*, diſſert. de Filiatione Chriſti, ut Hominis. *D. Dörſchhaus* in collat. ad Concil. Francofurd. Ipſam autem Ca- roli Conſtitutionem, contra Felicem & Elipandum, exhibet *Goldaſtus* Tom. 1. Conſt. Imperial, p. 2. & reſcriptum de non adorandis imaginibus Tom. 2. p. 2.

(b) Ab

(b) Ab aliis, ipsa Pericoparum Evangelicarum, quibus hodie utimur; distributio, *Warnefrido* adsignatur, & in his etiam est *Sixtinus ab Amama*, qui ea propter acerbe in *Warnefridum* invehitur. Verba ejus adferre, operæ pretium. Ita autem in Orat. de Barbarie, Anti-Barb. præmissa. Anno Christi DCCCVIII. *Paulus Warnefridus Caroli M. jussu textus Dominicales ex Epistolis & Evangeliiis excerpfit, judicio adeo nullo, ut eorum quidam, nec caput, nec caudam habeant. Namque instar imperiti lanionis securi sua anatomica, non in ipsas articulorum juncturas, sed in ipsa ossa, prout imperita manus ferebatur, impacta, divulsit ea, quæ separari neutiquam permittebat textus. Et p. p. Ipsis ministris mollem pigritiæ lectum hoc compendio adornavit Satanas, multosque è populo in eam traxit sententiam, istis fragmentis universam scripturam contineri. Iniquior hæc censura, quæ in Warnefrido, aliorum industriæ, nigrum theta præfigit. Si enim verum, quod Crojus observat. Sacr. & Hist. part. 1. c. 4. & 6. docet, jam ævum Apostolicum,*

cum, Novum foedus in certas pericopas distinctum, vidisse, quarum quædam certis diebus solennes fuere, teste *Augustino* Serm. 2. in die Pentec. utique non primus earum author *Warnefridus*, nec ea propter etiam culpandus. Primum autem eum non fuisse, vel ex eo verisimile adparet, quod & *Masæus Marsiliensis* Anno Christi 441. operi huic manum admoverit. Quid? quod & Seculo VI. *Gregorii M.* temporibus illa distributio Evangeliorum obtinuerit. Veritati ergo conveniens magis illorum opinio, qui *Pericoparum Evangelicarum distributionem antiquiorem esse autumant, quam ut ad Caroli M. tempora referenda sit*, ac insuper primum *Postillatorem VVarnefridum constituunt*. v. Exc. *Hildebrand.* disert. de Veterum Concion. c. 3. §. 26.

VII.

*Qua porro scitu digna sunt
Caroli M. gesta?*

Inter alia *Æternam illius
memoriam commendat &
illud,*

illud, quod ab eo λείψανα id est reliquiæ (a) nostris Imperatoribus fuerunt relictæ.

(a) In bulla, quam Martinus V. Secul. XV. sub Sigismundo Pontifex Romanus, inclutæ Reip. Noribergensi concessit, hæc numerantur 1. *pars vivificæ crucis*, 2. *lancea*. 3. *Clavarum Christi unus*. 4. *Particula præsepis*. 5. *Brachium S. Anne*. 6. *Particula quedam catenarum S. Petri & Pauli*. 7. *Tunica Johannis Evangelistæ*. 8. *Dens Johannis Baptistæ*. Et hæc, ut Noribergæ perpetuo, venerabiliter conserventur, ipse Pontifex, qui falli & fallere non vult, statuit.

VIII.

*Vixeruntne & Viri Clari sub
Carolo M.?*

Præter alios florûere, (a) *Eginhardus*, omnium Germaniæ Historicorum vetustissimus, *Alcuinus* Anglus, non *Bedæ*, sed *Egberti Archiepiscopi*

copi Eboracensis discipulus,
 Caroli M. Præceptor pri-
 mum, dein ei à Consiliis
 Sanctioribus, *Paulus Diaconus*,
Paulus Warnesfrid, *Desiderii*
Longobardorum Regis Can-
cellarius, *Paulinus Aquilejensis*
Episcopus, & *Usuardus Mona-*
chus coenobii Fuldensis. In
 Oriente verò celebris fuit
Theodorus Studita & *Nizephorus*
Constantinopolitanus.

(a) Audit plerisque Caroli gener.
 Sed *Boëclerus Hist. Sec. 9. p. 5.* Baronium
 ad Annum Christi 805 fabulæ huic, quam
 & *Lipsius l. 2. Mon. Pol. c. 12. n. 12. p. 174.*
 addidit, larvam detraxisse putat. Ipsa
 sane *Eginhardi* verba, quid veri adversæ
 opinioni insit, satis ostendunt. *Nullam*
inquit, filiarum cuiquam aut suorum aut
externorum nuptum dare voluit, sed omnes
usque ad obitum suum, in domo sua reti-
nit: dicens se earum contubernio carere
non

non posse. v. & *Malinkrot.* de Archicanc. p. II. Pluribus de Eginhardo agit *Vossius* l. 2. de Hist. Lat. c. 33. Coeterum vitam Caroli M. ab Eginhardo scriptam, suæ de Carolo M. Historiæ, addidit *Franzius*, quæ Anno 1644. Argentinx publicam lucem adspexit.

IX.

Anne & fantor studiorum fuit?

Cum magnificeret artes liberales, consilio Alcuini, suis impensis publicum literarum mercatum Lutetiæ Parisiorum Anno Christi 791. instituit.

Quibus studiis Schola Parisiensis crevit, latius deducit *Conringius* disert. 1. de Antiquit Acad. p. 44. & 74, seqq.

X.

Quando obiit?

Rebus omnibus ex senten-
K 2 tia

tia compositis, obiit (a) Aquisgrani, An. ætatis LXXII. A.C. 814. cum Rex (b) Francorum fuisset XLVII. Italiæ XLII. Imperator XIV. annis.

(a) Maxime in deliciis urbs hæc Carolo, cujus gladium & librum Evangeliorum a servat, fuit; unde factum, ut & in ea magnifico sumtu palatium exstruxerit, eamque primariam Teutonici regni sedem constituerit. Ipsam Imperatoris constitutionem Goldastus Tom. 2. Const. Imper. p. 8. refert, in qua, cum de ipsius urbis nomine nonnulla scitu digna recenseantur, ea hic transcribere, pretium operæ. Verba itaque Caroli hæc sunt. *Nostis qualiter ad locum, qui AQUIS, ab aquarum calidarum aptatione traxit vocabulum, solito more venandi causa egressus, sed perplexione silvarum, errore quoque viarum, à sociis sequestratus veni, terras calidorum fontium, & palatia inibi reperi, quæ quondam GRANUS, unus de Roma-*

Romanis Principibus, frater Neronis & Agrippa, à principio construxerat, quæ longa vetustate deserta, ac demolita fructibus quoque ac vepribus occupata, nunc renovari, pede equi nostri, in quo sedi, inter saltus, rivis aquarum calidarum perceptis & repertis. Sub finem fere hujus Constitutionis, hæc leguntur. Letetur igitur, & exultet, ineffabili gaudio Aquisgranum, caput civitatum, venerabilis clerus, cum devotissimo populo, quod in diademate Regni aliis Principibus & gloriosis locis speciosissimo ornamento distinctis in capite coronæ positum, quasi pralucidarum gemmarum splendore corruscat, & illo singulari & corporali gaudet Patrono, qui Christianæ fidei illustrationes & legis, qua unusquisque vivere debeat, Romanum decorat imperium. Hoc est enim mutatio dextera Excelsi, quod pro Grano fratre Neronis, fundatorem habet sanctissimum Carolum, pro pagano & scelesto, Imperatorem Catholicum. Præter Aquisgranense verò palatium, cum & alibi, nempe Ingelhemii, Neomagiæ & Moguntiæ ad Rhenum, aliqua sibi Carolus M. extruxerit, neu-

trum tamen horum, nisi solum Neomagenſe, proximum dignitate Aquisgranenſi fuit. De palatio autem Spirenſi videndus *Lehm.* Chron. l. 3, c. 33. p. 25.

(b) Sub Carolo M. regnum Franciæ florentiſſimum fuit, ſed ab obitu ejus minimum quantum, ob crebras diviſiones decrevit. v. *Hornius* Orb. Imp. p. 12. Unum adhuc temporibus Caroli M. addendum, illud nempe, quod A. C. 804. Canonizatio Pontificia, ἀποθεώσεως Ethnica, à *Herodiano* l. 4. *Kirchm.* de fun. Rom. l. 4. c. 13. & 14. *Blondo* l. 2. Romæ triumph. *Savilio* in Tacitum. p. 56. *Mafen.* Pal. Styl. Rom. l. 4. c. 2. quantum ſatis eſt deſcriptæ, proles, originem ſuam ſumſerit. Siquidem Leo II Imperatoris ipſius rogatu, *Sucbertus* in Catalogo Sanctorum, ſolenni ritu addidit.

XI.

LUDOVICUS PIUS

Quis ſucceſſit Carolo M.?

Filius Ludovicus Pius.

De electione Ludovici ita loquitur

Eginhardus

Eginhardus, Extremo vitæ tempore, cum jam morbo & senectute premeretur Carolus M. evocatum ad se Ludovicum Aquitaniæ Regem, qui solus filiorum Hildegardis superat, congregatis, solenniter, de toto regno Francorum primoribus, cunctorum consilio, consortem sibi totius Regni, & imperialis nominis heredem constituit, impositoque capiti ejus diademate, Imperatorum & Augustum jussit adpellari. Nihil ex his de Electorum Origine extorqueri potest. Unde adparet quam falsus sit *Magister Jordanus*, qui in Chronico suo, apud *Simon Schard*, Electorum originem, ab ipso Carolo M. arcessere non dubitavit.

XII.

Felixne ejus fuit imperium?

Non, nam à filiis regno turbatus; sed tamen ei restitutus est.

XIII.

Qui verò fuere filii Ludovico?

Fuit trium filiorum, ex Her-

K 4 min-

mingarde, filia Ingrami, ducis Saxoniae, parens, nempe, Lotharii, Ludovici; & Pipini. Ex altera verò conjugē Juditha, filia Welfonis, primi comitis Altorfensis in Suevia, unum filium Carolum sustulit.

Fratres hi Francorum regnum, quod Germaniae, Franciae, Italiae regnum, Romanque complectebatur, inter se partiti, Francicam eo ipso potentiam possum dedere v. *Burgold.* ad Instr. Pacis, disc. 5. part. 1. p. 176. *Lehmann Chron.* Spir. l. 2. c. 46. p. 199. Ex hac autem divisione originem porro traxit regnum Germaniae. Hujus primus Rex Ludovicus, alter Pii filius, (quo de videndus *Matth. Theatr.* p. 846.) cujus quanta fuerit potentia & Libertas, docet *Trithemius* Abbas Spanhemensis, & Würzburgensis, in annalibus Francorum, cujus verba digna sunt, quæ huc adferantur. Ita autem ille; *Regnum Francorum*
Ger-

Germania, perpetuo per se habet proprium Regem, nulli penitus mortalium, ne quidem Romano imperio subiectum, sed pristina consuetudine Francorum liberrimum. Regnum quoque Francorum Gallorum, à nostro divisum, simili modo regem, uti constitutio sonat, proprium habet liberum, qui non minus quam Rex Germaniæ liber sit, & nulli omnino subiectus. Manifestum enim est, quod Franci ab origine semper fuerunt liberrimi, & neque Romanis, neque alteri alicui certe unquam servierint, aut extiterint subiecti. Quin potius, ipsi destruxerunt Romanorum imperium, sibiq; fecere subiectum. Hæc Trithemius, addatur Conring. de fin. Imp. c. 3.

XIV.

Qua causa, quod filii adversus eum insurrexerint?

Præcipua erat, quod nimio in Lotharium coeterosque filios affectu abreptus, cum biennio præfuisset, illum confortem imperii adsumserit, reliquis vero regna dedisset.

R,

Nempe

Nempe, non bene cum socio regna
 Venusque manent, quod suo malo sensit
 tandem optimus Imperator: *divisa enim
 Imperatoria auctoritate in duos, animi si-
 mul civium ac populorum distracti sunt,*
 inquit, *Bæcl. Sec. 9. p. 53. adde Lehmann*
*Chron. Spir. l. 3. c. 35. p. 252. Quam ve-
 rò omnes, qui filiis Authores fuere, ut
 regno summum per scelus parentem
 exuerent, facti poenituerit, recenset Kipp.*
l. 9. Hist. Univ, c. 1. dist. 2.

XV.

*Cum ergò neglexerit interesse imperii Lu-
 dovicus, anne illud in rebus Eccle-
 siasticis observavit?*

Accuratè, ne quid Ecclesia
 detrimenti caperet, illum at-
 tendisse, indicio est, quod (a)
 sacrum ordinem, in ordinem
 redegerit, Synodumque A.
 C. 825. Parisiis congregarit, in
 qua conclusum, memoriæ
 causa imagines habendas esse.

(a) Ex.

(a) Extat ea de re Epistola illius, ad Arnonem, Saltzburgensem Archiepiscopum, apud Goldastum, Constit. Imper. Tom. I, p. 12, de qua & Cuspin. p. 230. audire non absre. *Animum ad Sacerdotalem fastum corrigendum adjecit, condito Codice de ordine & ritu Ecclesiastico vivendi: quem per omnia sua regna jussit circumferri. In quo clericis ac sacerdotibus coccinei coloris vestes preciosa ac sericea interdicebantur, ne purpurati, neve bracteati, gemmisque annulisque redimiti muliebri more (ut nunc fit) incederent. Quod tam hodie esset necessarium, quam utile, cum tanto luxu sacerdotes incedant, ut vix annui census unius magni sacerdotii, in vestium abusum satis sit, atque ideo Sex septemque ac plura habere sacerdotia sit pernecesse. v. & Conringius, de Orig. J. G., c. 15.*

XVI.

Recense & Viros temporibus Ludovici celebres?

Claruit Rabanus Maurus
K 6 Ab-

Abbas primùm Fuldensis, deinde sub Lothario Archiepiscopus Moguntinus, qui scripturam universam commentariis illustravit, *Walafrid Strabo*, glossæ ordinariæ ex Patrum scriptis collectæ author: *Nithardus*, Bertha Caroli M. filia natus, & *Amalaricus* Trevirensis Episcopus, celebris rituum Ecclesiasticorum scriptor.

XVII.

LOTHARIUS.

Quis successit Ludovico?

Lotharius filius, A. C. 840. qui in tres filios Ludovicum, Lotharium, & Carolum regnum Franciorum divisit.

Gothofredus, Presbyter Viterbiensis, qui sub Conrado III. & Friderico I. vixit. de hac divisione hæc commentatur.

Lotha-

Lotharius Imperator, tribus filiis suis, regnum, quod cum contigerat, partitur. Ludovico Italiam, cum nomine Imperatoris, Lothario Lotharingiam, Carolo provinciam tradens. Ipse vero, ordinatis omnibus, in Prumiensi monasterio, decimo Sexto sui imperii anno, post mortem Patris, Monachus efficitur. Notanter dein sequentia sed dextre intelligenda, addit. Vide, ad quantum defectum Romanum imperium devenerit, scilicet, ut in tres partes, diviso regno Francorum tertia partis, tertia pars esset ejus imperium. Sed ut historia horum temporum melius intelligi possit, Ludovici, quorum crebra in hoc Seculo mentio, distinguendi. Primus ergo horum est filius Caroli M. paterni imperii successor, de quo supra q. 11. actum. Huic ejusdem nominis quoque filius, sed non Imperator, verum primus saltem Germanici regni Rex, quo de videnda Observ. ad q. 13. Ludovico Germanico Regi, qui temporibus Imperatoris Caroli Calvi diem obiit suum, rursus tres erant filii, Carolomannus, Ludovicus, & Carolus Crassus. Ex his me-

dius Rex Thuringiæ fuit, qui cum fratre Carolomanno decedens, fratrem Carolum Crasum Imperatorem, regnorumque omnium hæredem habuit. Porro Lothario quoque tres erant filii, Ludovicus, Lotharius & Carolus, quorum illi, stirpis maximo, regnum parentis celsit, ac Imperator factus, Ludovicus I. in ordine Imperatorum est. His ita Constitutis, accuratius & res Ludovicorum, Germanici nempe Regis, & Ludovici I. ejusque fratris, inter se distingui poterunt, quastamen confusas esse, conqueritur Cuspinianus.

XVIII.

Fuitne felix ejus imperium?

Suo jumento malum sibi attraxit, dum adversus fratres suos Ludovicum & Carolum, bellum gerit, à quibus tamen alterâ vice victus.

XIX.

XIX.

Diune imperio præsuit?

Postquam annis 15. præsuisset, sex ante obitum diebus, distributa filiis hæreditate, in (a) Prumiense monasterium, à se fundatum, discessit.

(a) De hoc monasterio ita scribit *Cuspin.* in *Lothar.* p. 240. *Est id cœnobium in Lotharingia, ordinis S. Benedicti, quod aliis Præliacum dicitur: unde erat Abbas ille Regino, qui annales ex fide sine verborum lenocinio scripsit. Cœterum de Lothario, qui Lotharingæ, antea Austrasiæ dictæ, teste Reginone, & Cluverio l. 3. introd. Geogr. c. 9. nomen dedisse dicitur, (quanquam filio illius id adsignet Petavius l. 8. c. 10. Rat. temp. p. 494.) ita judicat Sigonius, l. 5. de Regno Italiæ p. 124. Hic eam vite varietatem attulit, ut meliorne an deterior fuerit, dijudicari non possit, nisi quod mortis honestas, omnem delere vitæ turpitudinem potuit. Sub ejus impe-*

imperio Pontificiam sedem Johannem, sexum virilem mentientem sceminam, occupasse, plurimis in quibus & *D. Calixtus*. Tr. de Conj. Cler. p. 338. seqq. certum videtur, Negat tamen omnem historiam *Baronius*, cui & vir Doctissimus *David Blondellus*, (in quo refutando oleum & operam *Samuelem Marsium* perdidisse, Anonymus apud *Curcell.* dissert. de quat. quæst. judicat p. 435.) accedit. Falso verò & frustra id negari, insigni authorum catalogo evincere conatur Historia Johannis VIII. quæ Anno hujus Seculi LXII. Helmstadii prodiit & *Dietericus Hist. Pont.* p. 154.

XX.

LUDOVICUS II.

*Eni demortuo Lothario obtigit
imperium?*

Filio illius Ludovico II. ex
Hermingarde primogenito.

XXI.

XXI.

Quid gestum ab eo?

Saraceni Italiam, (quam cum (a) Imperatorio nomine hæreditate acceperat,) invadentes ab eo expulsi.

(a) v. hic *Lehmannus* Chron. 1. 2. c. 46.

XXII.

C A R O L U S
CALVUS.

Quis fuit?

Fuit filius Imperatoris Ludovici I. Pii, Ludovici Germaniæ Regis frater.

XXIII.

*Qua ratione ad imperium
pervenit?*

Artibus Johannis VIII. Pontificis, Romæ consecratus est

est Imperator, dein ab optimatibus electus est in Regem Italiæ.

Diminuta quidem, est paulatim per Johannem VIII. successio imperialis dignitatis, quicquid tamen & sic Pontifex facere potuit, non solus, sed cum consensu S. P. Q. R. præstitit. Docent id ipsum ipsius Papæ verba, *Baronii annalibus* inserta ad Annum 877. quæ hæc sunt. *Elegimus merito, & adprobavimus unà, cum annisu, & voto omnium fratrum & eo Episcoporum nostrorum, atque aliorum S. R. Ecclesie ministrorum, amplique Senatus totiusque Romani Populi, gentisque togata, & secundum priscam consuetudinem, solenniter ad Imperii Romani sceptrum proveximus, &c.* Licet verò Calvus à Papa Romam sit evocatus, eum tamen muneribus in suas partes pertraxit, fidente id *Reginone*, cujus verba recitat *Conringius* de fin. Imp. Germ. c. 9. p. 78. ipse *Sigonius* l. 5. de regno Ital. hoc non diffitetur, quem loquentem in hoc negotio audire res ipsa exigit. *Calvus*, inquit, *domesti-*

domesticis nullis detrimentis, à proposito suo dimotus, maturato itinere in Italiam venerat; atque Italicis plerisque in ditionem acceptis, Legatos ad Pontificem cum muneribus eximiis miserat, per quos si corona donaretur, se Ecclesiam in perpetuum, à quibuscunque hostium injuriis defensurum, & Romanam ditionem, penitus remissurum ostenderat. Itaque Johannes, ut Romanos repudiavit, sic Calvum, ut Romam ad Coronam accipiendam contendere, invitavit, & cum XVI. Kal. Jan. urbem iniisset, solemni civitatis occursum exceptus, die Domini Natali, in basilica Vaticana, ante confessionem de more Augustum consecravit, sanctissimo ante jurejurando devinctum, se adversus inimicos Ecclesie, perpetuo Pontifici pro viribus affuturum. Quo facto Carolus multa, eaque pretiosa S. Petro donavit. Hinc titulus Imperatoris Augusti posthac sincerum Pontificis beneficium esse, annique imperii à consecratione Pontificia repeti cœpti.

XXIV.

Quid fecit?

Inhiabat parti Ludovici
Germani,

Germanici, eique Italiam,
Galliamque Narbonensem
præripuit, (a) Bosonem,
Richildis uxoris suæ fratrem,
ibi Regem constituens.

(a) v. *Conring.* de fin. Imp. Germ.
c. 12. p. 156. *Bæcl.* sec. 9. p. 167.

XXV.

Numdiu obtinuit imperium?

Non; nam tertio imperii
anno, nuncio adventantis
Carolomanni exercitus per-
territus, in morbum incidit,
venenatâque potione, quam
ei Sedechias Judæus, quo me-
dico usus est, dederat, extin-
ctus est.

XXVI.

*Quid alias circa tempora hæc
contigit?*

Godſcalci (a) de prædesti-
natione

natione errores, in Synodis Moguntina & Carisiacensi damnati.

(a) Fuit Godscalcus Monachus monasterii Orbei Ecclesiæ Rhemensis, cuius dogma ex Hincmaro recitat *Strauch*, dissert. de Prædestinat. §. 21. Non tantum verò, à Hincmaro & Rabano damnatus, sed & insuper virgis cæsus ac in carcerem conjectus est, in quo annos plusquam viginti detentus, diem obiit suum. Plura si quis de Historia illius desiderat, consulat *Vossium* Hist. Pelag. I. ultimo, & *Jacobum Usserium* Armachanum in Hybernia Episcopum, Tr. quem de Godscalco edidit.

XXVII.

C A R O L U S
CRASSUS.

*Quem successorem habuit Carolus
Calvus?*

Carolus Crassus, Ludovici

vici Germanici Regis filium, in quo rursus tria Germaniæ regna coaluerunt.

Constituunt nonnulli successorem Ludovicum III. Balbum dictum. Enimverò quia neglecto Crasso, à solo Pontifice Johanne VII. in Gallia coronatus est, nec unquam regnum Italiæ obtinuit, hinc etiam Imperatoribus non annumerandus. Fatetur id *Petavius* l. 8. Rat. temp. part. 1. c. 10. *Falluntur*, inquit, *qui Ludovicum Balbum Calvi filium Imperatoribus accensent. Errori causam dedit, quod à Johanne Papa, 7. Idus Sept. coronatus dicitur A. C. 878. sed Regia fuit hæc, non Imperatoria corona.*

XXVIII.

Qua fortuna usus est?

Ob animi corporisque valetudinem à proceribus depositus, in summa paupertate vitam transigit.

XXIX.

XXIX.

ARNOLPHUS.

*Quid factum est in Italia, ex quo
Carolus Crassus motus est
imperio?*

Itali (a) ob varias turbas, imperium detulêre Arnolpho Carinthiæ Duci, cui tandem Formosus Pontifex Romanus, Romæ coronam Imperatoriam imposuit.

(a) Hactenus hæreditario jure à Carolo M. usque ad Arnulphum, Carolomanni filium, cum optimatium tamen consensu, succedere sibi invicem in imperio Franco-Romano Imperatores; Sed cum extinctâ Carolinâ in Germania familia, Vido Franciæ, Berengarius Italiæ regnum sibi despondere haud dubitassent, discordiis tandem inter eos enatis, ille adversus hunc Rex creatus, ac Italiæ simul Cæsareaque dignitas Francis erepta ad Peregrinos pervenit. v. *Burg.* ad Instr. Pac.

Pac. disc. 9. §. 3. p. 235. Quid verò de his temporibus Italiæ sentiat Sigonius, hæc ejus verba l. 6. de regno Ital. p. 139. satis ostendunt: *seipsum inquit prorsus una cum Ecclesia perdiderunt, ea tempora in Remp. inferentes, quibus, nulla alia tetriora, ac fœdiora fuisse, vel principum nequitia, vel populorum insania, in tota antiquitate reperiuntur.*

XXX.

Quid gestum ab eo?

A Formoso Pontifice, cui Sergiani multa mala intulerant, ex Germania vocatus, (a) lepusculi ductu urbem Romam, Sergio expulso, complicibusque illius interemtis, capit.

(a) Ita nempe, cœleste illud numen, per causas medias varie nexas, sed nos sæpius latentes, omnia temperans suaviter, prudenter, utiliter, levisima nonnunquam, magnarum rerum occasiones
esse

esse vult. Historiam ipsam hic adscribere, non ingratum fore autumo. Eam his verbis Sigonius l. 6. de R. I. p. 143. ad A. C. 896. recenset. *Dum urbs variis frustra perrumpendi conatibus sumtis obsidebatur, oblata est egregia, prater opinionem ipsius occupanda, fortuna. Lepusculus forte inaudito ante exercitus clamore perterritus, ad urbem fugit, eumque militaris quasi ludi causa, militum manus avide insequi cœpit. Quod ubi stationes videre Romanae; re ignota, universis se peti viribus arbitrata, metu repente de muris se proiecērunt. Hac re conspecta, Germani locum sibi datum aggredienda urbis rati, subito sarcinas muris admovent, eisque ad justam altitudinem coacervatis, extemplo alii muros conscenderunt, alii portam ariete perfregerunt; atque urbem defensorum inanem aggressi, ut Transiberini sese dederent, effecerunt. Haecenus Sigonius. Simile quid refert ex Urspergensis Camerarius. part. 1. Op. subcis. p. 367. Berneggerus q. 150. in Tac. & Antonius Bonfinius. Dec. l. 2. de Hunnis, quibus cervæ vestigia, in Europam perveniendi, oc-*
L casio

casio fuere. His addendum in signe illud
(quod nemo unus sine ingenti admiratione legit,) exemplum, Gontrani Regis
Burgundiæ, apud *M. Claudium Paradisum* Symb. Heroic p. 233.

XXXI.

*Cum quibus amplius bellum
gessit?*

Cum Normannis, quos,
prior ab illis victus, rursus su-
peravit; eaque clades eos ad
Christianam fidem ample-
ctendam coëgit.

XXXII.

Resense & alia quadam?

Ratisbonam Arnolphus re-
staurando ampliavit. Hun-
garique (a) in Germania his
temporibus innotuere; ac in-
super initium (b) Ducatus
Burgundiæ sumsit.

(a) Hunnos Scythicos populos, Hun-
garis

garis originem dedisse, una plerisque Historicorum mens. Ex quo verò in Europam, Pannonia occupata, imperioque novo constituto, penetrarunt, Hungarorum nomine eos adpellatos, verò non ab simile videtur. Res eorum usque ad Carolum M. tenebris involuta, Arnolphi temporibus, qui eorum auxilio adjunctus Moraviae Regem Zuentebaldum superavit, teste *Crantzio* l. 3. Sax. c. 2. p. 176. magis magisque in notitiam pervenire, Germaniaque deinceps, tamdiu hostes eos sensit, donec ab Henrico Aucupe, filioque ejus Ottone repressi, intra Pannoniam se continuerunt. v. *Emmius* Rerum Chron. l. 5. p. 200. *Hornius* Orb. Imp. Period. 3. Regni Hungariae p. 73. & dissert. Pol. Hist. 21. de Hunnis.

(b) v. *Bexhorn*. H. V. p. 503.

XX XIII.

Qua morte obiit Arnulphus?

Vermes (a) ex capite illius enati, finem illi vitae maturarunt;

runt; atque sic cum illo Germanici regni reverentia concidit.

(a) Ita sentit *Cranz*. l. c. alii Paralyfi, alii verò Phtiriasi consumtum dicunt. v. *Jonstthonius* Polyh. part. 4. l. I. p. 95. Rursus alii à Vidonis uxore, venenato poculo extinctum putant. *Latus* Comp. Hist. Un. p. 220. *Lehm*, l. 3. c. 48. p. 263.


XXXIV.

*Sed quinam à temporibus Lotharii
usque ad finem Seculi hujus Cla-
ri Viri vixerunt?*

Floruere his temporibus præcipue *Hincmarus* Archiepiscopus Rhemenfis, *Paschasius* Radbertus, Abbas Corbejenfis, *Ado* Viennensis Archiepiscopus, *Johannes Erigena* Scotus, graphiis à discipulis confossus, & *Regino*, sub Arnolpho ad Abbatiam Prumiensem evectus.

In

In Oriente verò celebris est
Simeon Metaphrastes.



SEcul. X.

I.

*Qui sunt Imperatores
Seculi X.*

Seculum hoc inopia scrip-
torum obſcurum fere, ſe-
quentes habuit Imperatores.

1. Ludovicus II. 2. Conra-
dus I. 3. Henricus Auceps.
4. Otto M. 5. Otto II. 6.
Otto III.

Germanis proceres concedunt ſcep-
tra. Potitus

his eſt *Conradus primus*, qui reppulit
Hunnos.

Auceps Henricus, primus tornamina
ludos

L 3

haſta-

hastarum illustres, Germano sanguine natis

commendat, regnat. Patri fuit æmulus Otto

Magnus, Pannonios pellens. Post *Otho Secundus*,

Tertius imperium teneris suscepit annis.

Ast orientis *Alexander* quoque sceptrum capessit.

Dein *Constantinus*, *Romanus*, *Nicephorusque*,

Zimisca hos sequitur. Sed *Basilius* dedit alter,

Ti *Constantino* fratri moderamina regni.

II,

LUDOVICUS III.

Quis est hic Ludovicus?

Filius Arnulphi, postremus in Germania stemmatis Carolini.

III.

III.

A quibus est electus?

A Proceribus Germaniæ
(a) Forchemii congregatis,
eumque nondum esset matu-
rus imperio, regio Francorum
sanguine natus Hatto Mo-
guntinus, (à quo coronatus)
& Otto Saxo, præcipuam
Reip. curam gessere.

(a) De hac electione hæc in *Annalibus
Fuldensibus* leguntur. Anno 800. defuncto
Arnulpho, Proceres & Optimates ad
Forcheim congregati in unum, *Ludovicum*
filium præfati Principis, quem ex legitimo
matrimonio susceperat, Regem super se cre-
ant, & coronatum Regisque ornamentis
inductum, in fastigio regni sublimant. Ex
his sole meridiano clarius, *Ludovicum*
titulo Imperatoris, quem à temporibus
Caroli M. nemo nisi à Pontifice conse-
cratus, usurpare ausus est, caruisse, so-
lamque Regem *Germania* dictum fuisse.

v. pluribus *Simon Schard*, de more ungen-
di approbandique Cæsares, apud *Golda-*
stum Pol. Imp. part. 4. p. 317. Cum enim
Imperatorium nomen Regno Italiæ ni-
teretur, ita ut qui regno illi præessent,
iidem fere & Imperatores dicerentur, &
vero Ludovicus Italiæ, (aliis Principibus
illius imperium sibi vindicantibus) non
imperaret, hinc etiam Rex tantummo-
do Germaniæ vocatus. Plane huic etiam
sententiæ accedit *Rupertus* ad *Besoldum*.
p. 642.

IV.

*Cum juvenis adhuc fuerit suntne
quadam ejus res gestæ?*

Tres anti-cæsares, nempe
Ludovicum, Berengarium,
& Lambertum, sibi cum ob-
positos habuisset, Hungaro-
rum quoque irruptio mul-
tum ei negotii faceffit. Tan-
dem auro pacem redimens,
Germaniam à sævitia hosti-
um liberavit.

V. CON.

V.

CONRADUS I.

*Quis post obitum Ludovici factus
est imperii particeps?*

Conradus I. Franconiæ
dux, ab Ottone Saxonæ Du-
ce, assentiente Hattone Mo-
guntino Archiepiscopo, Im-
perator denominatus est.

Quæ ratio hujus electionis fuerit, ex
Wutichindo Corbejensi Monacho, col-
ligere est, cujus I. annal. hæc verba sunt.
Regi Lothovvico non erat filius, omnis-
que populus Francorum atque Saxonum
quarebat Ottoni diadema imponere regni.
Ipsè verò quasi jam gravior recusabat im-
perii onus; ejus tamen consultu, Conradus
quondam Dux Francorum ungitur in re-
gem, penes Ottonem tamen summum sem-
per & ubique vigeat imperium. Gra-
vem & tanto duci, qualis Otto erat, Ora-
tionem, qua imperii molem prudenter
excuteus, in humeros Conradi devolvit,

L 5 .

vide

vide apud *Cussp.* p. 292. Cœterum cum non nisi certâ lege ac pactione interveniente Conradus imperium acceperit, exinde originem capitulationis deducere simile verò videtur. v. *Carpzov.* de Lege Regia Germ. c. 1. l. 8. n. 40. seqq. *Arum.* Tom. 4. disc. 4. Alii tamen ad Caroli M. ætatem, ut *Limn.* l. 1. c. 12. n. 14. seqq. *Reinking.* l. 1. d. S. R. & Eccl. Cl. 3. c. 9. n. 2. alii ad Ludovici Arnolphi filii, alii ad Henrici IV. imperium, incunabula illius referunt. Cui in hoc sententiarum divortio accedendum, non liquet.

VI.

*Nulline hostes adversus cursum
exorti?*

Plures equidem, nempe Arnoldus Bavarix, Burcardus Suevix, Gisselbergus Lotharingix Duces, Comes Frankonix Eberhardus, & potentissimus Saxonix Dux Henricus; quos
tamen

tamen omnes, uno Bavaro excepto, non vi, sed prudentia singulari, sibi amicos reddidit.

VII.

Quem autem successorem sibi voluit?

Virtutem in hoste magnificiens, Henricum Principibus imperii, ut fasces ei deferrent, (a) commendat, id quod & ipsi sibi dictum putârunt.

(a) Verba ipsius Conradi, recitat *Luitprandus*, Ticinensis Ecclesiæ primum Levita, postmodum Diaconus, tandem Episcopus Cremonensis, apud *Conring.* disert. de Septem Viris §. 18. videatur & *Lehmannus Chron. Spir.* l. 3. c. 51.

VIII.

HENRICUS
AUCEPS.

L 6

Ec

*Ex qua familia natus erat
Henricus?*

Ex familia Saxonum & stirpe Wittichindi Magni, patre Ottone Saxoniae Duce. Unde translatum est in eo imperium ad Saxones.

IX.

Cur dictus est Auceps?

Quod in aucupio fuerit deprehensus, cum ipsi dignitas imperatoria deferretur.

X.

A quibus, & ubi electus est?

A Ducibus, Principibus & Episcopis Germaniae, Fridslariae.

Destinârat equidem eum successorem regni Conradus, Procerum tamen dein consensus accedebat. Audiendus *Cran-
tzius* l. 3. Sax. c. 4. p. 180. *Congregati
Princi-*

*Principes Francie Orientalis, Thuringia
& Saxonia in Frislariam, elegerunt con-
corditer eundem Henricum: quanquam
dispositio de regno non tam erat in arbitrio
eligentium, quam in ordinatione deceden-
tis; Nam abinde Carolo M. pater filio reli-
quit imperium, nisi quod aliquoties propter
ignaviam succedentis, se interposuerint
Principes ordinationi. Tum verò etsi Con-
radus decessor, de Henrico successore ordi-
nasset, ex abundanti tamen, hunc fecere
conventum, ut omnium voluntate regna-
ret. At non placet Henricus, certissi-
mo Petri Apostolorum Principis suc-
cessori, ideo quod sola Electione Ger-
manorum Principum contentus, coro-
nationem Pontificiam neglexerit. Unde
& multis scriptorum, Henrico Aucupe
omisso, Henricus II. Seculi XI. Impe-
rator, primus Henricorum est. Causam
ejus rei si petas, chorda semper audies
oberrare eadem, nempe eos non esse Im-
peratores, qui non à Romano Pontifice essent
coronati. Enimverò Helenæ huic dudum
masculæ colorem detraxit Crantzius l. c.
Dicant igitur, inquit, si ideo Imperator non*

est, quia à Papa consecratus non est; quis consecravit Augustum & omnes ab eo Augustos usque ad Carolum M.? nisi ille per quem Reges regnant & potentes iusta decernunt, &c. Adde Rupertum in Besoldum p. 646. Burgoldens. disc. 9. §. 13. p. 248. Nimirum recte Nicolaus Cusanus Cardinalis l. 3. de Concordia Cath. c. 4. p. 361. apud Sim. Schard. ait, *unctio & diadema nihil præstant imperiali potestati.* Ex quo enim Imperator electus est, Majestatem atque imperii jura consequitur id quod latius ostendit Carpzov. de L. R. c. 2. §. 9. Et licet nonnulli, v. g. Ludovicus I. à Stephano, Carolus II. à Johanne VIII. Otto I. à Johanne XII. consecrationem acceperint, id tamen partim ex urbanitate, partim ex quadam assentatione erga Papam, partim aliâ ex causâ à Principibus atque Imperatoribus, Papali aliqua ope indigentibus, est profectum.

XI.

Gessitne bella?

Cum Danis, Slavibus, & Hungaris

garis, hosque ad Martisburgum ingenti clade concidit. Danos vero ut & Bohemos, ad Christianam fidem adēgit.

XII.

Quid porro memoriā dignum in ejus tempora incidit?

Ilud, quod rursus nonnulli (a) Marchionatus constituti, (b) urbiumque numerus, in Germania, creverit.

(a) Marchionum non solum dignitas, sed & officium in Germania Caroli M. & seqq. Imperatorum temporibus initia sumsit. Unde verò illud nomen derivetur, non omnibus una eademque mens. Qui toto cœlo à veritate distant, Marchionum nomen, à quodam Trojano Marchione deducunt. Alii Marcomirum, aut Marcomannos hanc iis appellationem dedisse, autumant. Rem acui illi tetigere, qui à voce *Marca*, limites vel fines, vel totum aliquam imperium terminant.

terminantem provinciam, denotante, Marchionum nomen descendere adfirmant. v. *Vossius* de vitiis Serm. l. 2. c. 12. p. 250. *Carpzov.* de L. R. c. 3. f. 13, n. 29. Cum itaque ob crebras hostium in imperii limites excursiones, publica salus custodiam, ne ulterius penetrarent, efflagitaret; hinc Marchiones, id est, duces limitanei à Carolo M. constituti (subjugatis Longobardis, Saxonibus aliisque finitimis populis,) ex præcipuis nobilitatis viris. Unde sub Henrico etiam Marchionatus Misniæ, Austriæ, Brandenburgicus, ac Sleswicensis orti. v. *Hornius* Orb. Imp. p. 7.

(b) Quod neque à nato Servatore usque ad Seculum V. in Germania magna, neque Caroli M. ætate, in Saxonia urbes fuerint, satis nervose ostendit *Conring.* in dissert. de Urbibus Germanicis. Sequioribus autem temporibus paulatim vicorum, quos habitavêre, melior cœpit esse conditio, usque dum Principes & populi non amplius & his contenti, urbibus exstruendis operam dedêre. Si quisquam alius laudem ea re in Saxonia promere-

promeretur, certe est Henricus, quo de
 ex veterum monumentis *Nicolaus Myler*
 ab *Ehrenbach* / magni nominis *JCTus*
 in *Archol. Ord. Imp. c. 17. n. 3. p. 157.*
 ita loquitur. *Henricus Auceps, vulgo der*
Hinfler dictus, oppida in Germania, hinc
inde noviter condere, & munire incipit,
translatoque nono quoque viro, ex agro, &
pagis, in prædicta oppida, tertiam quoque
partem, omnium frugum illorum, in adi-
bus à se extructis, reservare jussit, ut in bel-
lo nihil alicui rerum deficeret, omniaque
rebus, & viris plena adesent. Legendus
 hic quoque *VVidekindus Corbej.* apud
Conring. l. c. §. 82. Discrimen exinde
 enatum, civium & plebis rusticæ, *der*
Burger und Bauren / quorum hi à co-
 lendo vom *Bauen* / *Bauren* dicti. Illi
 vero *Burger* à *Burgo*, id est, munimen-
 to five loco munito.

XIII.

Adjunxit ne & alias urbes imperio
ereptas, Germania regno?

Avulla erat ab imperio Lo-
tharingia,

tharingia, eamque illi Rex Galliae Carolus Simplex reddidit, quo majus ab illo auxilium impetraret.

Nauclerum hic audire adprime necessarium. His autem ille verbis hanc restitutionem Lotharingiae narrat Generat. 31. p. 137. *Cum regnum ex omni parte confusum civilibus bellis & externis colligere pararet, movit in Lotharingiam seu Galliam Belgicam. Ibi Rex Galliae obvius apud Bunnam oppidum, Henrico I. confederatus, Regnum Lotharingiae, & quicquid inter Mosam fluvium ac Rhenum est, reddidit anno Domini 924. Sic Henricus Lotharingiam cum tota Tentonia, Burgundiae comitatu, & Arclatensium regno, Romano univit imperio v. Conring. de finibus. c. 6. & 8. Diet. in Henr. Auc. §. 7. p. 32. Dithmarus. p. 13. l. 1. Qua verò ratione hodie ad imperium pertineat videlicet Joh. Andr. Gerh. in Aquila Senesc. §. 24. Cæterum illud rebus Henrici addendum, quod nempe A. C. 930. nomen comitum*

tum Nassoviæ inclauverit, Lanceamque, ex clavis crucis Christi factam, quæ Noribergæ adservatur, tanquam imperii pignus consecrârit, ac insuper ludos equestres, qui Torneamenta vocantur, instituerit.

XIV.

OTTO MAGNUS.

*Habuitne filium Henricus, qui ei
successit?*

Utique Ottonem Magnum, Principem pium, justum, clementem, sub quo, cum maxima Germanici imperii fuerit potentia, (a) imperatorio nomine, ipsum quoque in urbem Romam imperium, ei fuit concessum.

(a) Integrum c. 10. aurei de Germ. Imperio tractatus, huic negotio solide excutiendo, destinavit *Conringius*, cui adde §. 48. & 49. dissert. de Imperatore Rom-Germ.

XV.

XV.

*Numne & ille electus est
à Principibus?*

Vivo quidem Parente Rex designatus est; illo verò decedente, Principes & populus Francorum atque Saxonum, eum sibi Regem ac Dominum elegere.

Ne quis de veritate hujus electionis dubitet, Testem sisto, judicio Possevini, scriptorem sincerissimum *Dithmarum*, ex Monacho Magdeburgensi, præpositum Walbecensem, ac tandem Episcopum Mersburgensem, qui quinque Saxonorum Imperatorum, nempe duorum Henricorum, triumque Ottonum, res gestas libris 8. complexus est. Ita autem loquitur l. 2. p. 17. *Omnes Reipublicæ Principes, magnum reginæ Mechtilidis mœrorem lenire cupientes, Ottonem filium ejus, patris sui decreto ac petitione, uno ore in Regem sibi & Dominum elegerunt, elevatis dextris conclamantes, Vivat & valeat Rex victor*

viſtor in æternum. Excipiebat electionem ſolennis coronatio Aquisgranenſis A. C. 936. ab Hildeberto Archiepiſcopo Moguntina peracta, quam uberrime deſcribit *Wittich. l. 2. & Lehmannus Chron. Spir. l. 5. c. 3.*

XVI.

Cum quibus bella geſſit?

Cum Duce Baviaræ, Sueviæ, Hungaris, Bohemis, Heraldq; Danorum rege, quem, Chriſtianam fidem ut ſuſciperet, adegit.

Hæc tamen omnia ad ea ſaltim tempora pertinent, quibus, nondum adſumto nomine Imperatorio, Germaniæ Rex audit. Illud enim demum A. C. 962. ei obtigit, cum Italiam ingreſſus, à Johanne XII. in lubrica adhuc vernanti-que ætate Pontifice, ei Romani imperii corona eſſet impoſita. Hunc tamen juvenem, graviſſimorum ſclerum, quæ *Hiſt. Eccl. Goth. l. 2. c. 4. ſ. 2. n. 6. p. 535.* ordine recenſet, reum, poſt paulo Imperator

perator Episcopatu pellit, subrogato Leone VIII. qui omne jus eligendi Pontificis Imperatori concessit. v. *Sigonius* l. 7. de R. It. p. 168. Pontificem ergo Imperatoriæ potestati subiectum fuisse, quis amplius dubitet? v. *Theodorus Niem* de Investitura Episcopatum Regum Teutonicorum, apud *Simon Schard.* de Jurisd. Imper. p. 249. *Conring.* de finibus, c. 10.

XVII.

Qua nam porro præclara de eo recensetur?

Inter plurima maxima laude digna, & illud, quod (a) Magdeburgensem urbem, in qua sepultus, excolens, Archiepiscopatum inibi fundavit; neque verò hunc tantum, sed & Brandeburgensem, Havelburgensem, Misnensem, Cizensem instituit.

(a) Consulendi hic *Crantzius* l. 3. Sax.

Sax. c. 24. & l. 4. c. 17. *Dithmarus* l. 2. p. 28. Et si verò & ea propter vere dicendus sit Magnus Otto, quod Episcopatum novorum constitutione Ecclesiæ salutem quæ si verit, limites tamen in eo liberalitatis excessisse putatur, quod nimia largitione, de sacris ordinibus bene mereri voluerit. Jam enim sub altera Francorum familia, crebris donationibus, illis crevit & ambitio, & majora concupiscendi cupiditas, quæ deinceps incrementa sumsit, cum Saxonicae familiæ Imperatores, vestigiis antecessorum insisterent. Præprimis autem munificentia suâ effecit, ut Episcopi hodie nonnulli præter Ecclesiasticam, etiam secularem obtineant dignitatem. Nam cum Brunoni Archiepiscopo Coloniensi ducatum Lotharingia, deinde filio V Vilhelmo Archiepiscopo Moguntino Hassiam & Thuringiam. donasset, Spiram Nemetum Episcopo loci subdidisset, inde factum ut jam duplicem sustineant personam, Principis secularis & Ecclesiastici, verba sunt Ludolphi Hagonis disert. de statu Reg. Germ. c. 1. §. 5. Cui jungatur & *Malinkrot* de Archicancell.

Cancell. p. 28. Coeterum incidit in tempora Ottonis, Poloniæ ad Christianam Ecclesiam accessus; Miezislaus enim postquam satis Christianam fidem imbibisset, sacro baptismatis lavacro A. C. 965. in Ecclesiam receptus est. *Sub eo hic mos inolevit, inquit Johannes Theodorus Sprengerus, Poloniæ Nov-antiquæ. §. I. p. 4. ut Poloni equestris ordinis in templis, dum sacerdos apud altare pronunciat, quod Evangelium prædicaturus sit, gladios mediotenus stringerent, quasi pro defensione fidei mortem potius oppetendam, quam ab agnita veritate recedendum indicare velint; choro autem respondente, gloria Tibi Domine, rursus reconderent.*

XVIII.

OTTO II.

Quis est successor Ottonis?

Filius ejus Otto II. qui patre superstite Aquisgrani Rex est declaratus; sed illo defuncto

functo, denuo à Regni proce-
ribus confirmatus est.

XIX.

*Quid dignum observatu in ejus
imperio occurrit?*

Illud, quod adverso Marte,
cum Saracenis pugnans, ac in
fuga à Piratis captus, linguæ
Græcæ beneficio, cujus peri-
tus, evaserit.

XX.

*Anne & beneficus in Pontifi-
cem fuit?*

Johanni XII. donationem
à Ludovico Pio, Seculo IX.
factam, confirmavit, & ad
verbum repetiit.

Ast qualis hæc erat confirmatio? non
alia sane quam quod sibi Otto reserva-
ret omnem potestatem & juris dictio-
nem Politicam; ita enim, apud *Baro-*
nium, Tom. 10. A.C. 962. in diplomate,

M

inquit,

Cancell. p. 28. Cœterum incidit in tempora Ottonis, Poloniæ ad Christianam Ecclesiam accessus; Mieziſlaus enim postquam satis Christianam fidem imbibisset, sacro baptismatis lavacro A. C. 965. in Ecclesiam receptus est. *Sub eo hic mos inolevit, inquit Johannes Theodorus Sprengerus, Poloniæ Nov-antiquæ. §. I. p. 4. ut Poloni equestris ordinis in templis, dum sacerdos apud altare pronunciat, quod Evangelium prædicaturus sit, gladios mediotenus stringerent, quasi pro defensione fidei mortem potius oppetendam, quam ab agnita veritate recedendum indicare velint; choro autem respondente, gloria Tibi Domine, rursus reconderent.*

XVIII.

OTTO II.

Quis est successor Ottonis?

Filius ejus Otto II. qui patre superstite Aquisgrani Rex est declaratus; sed illo defuncto

functo, denuo à Regni proce-
ribus confirmatus est.

XIX.

*Quid dignum observatu in ejus
imperio occurrit?*

Illud, quod adverso Marte,
cum Saracenis pugnans, ac in
fuga à Piratis captus, linguæ
Græcæ beneficio, cujus peri-
tus, evaserit.

XX.

*Anne & beneficus in Pontifi-
cem fuit?*

Johanni XII. donationem
à Ludovico Pio, Seculo IX.
factam, confirmavit, & ad
verbum repetiit.

Ast qualis hæc erat confirmatio? non
alia sane quam quod sibi Otto reserva-
ret omnem potestatem & juris dictio-
nem Politicam; ita enim, apud *Baro-*
hium, Tom. 10. A.C. 962. in diplomate,

M

inquit,

*inquit, salvâ, super eosdem Ducatus nostra
in omnibus dominatione, & illorum ad no-
stram partem & filii nostri subjectionem.*

XXI.

OTTO III.

*Quem successorem imperii
habuit?*

Filium Ottonem III. qui
vix undecim annos natus,
à proceribus Germaniæ, Ve-
ronæ electus est A. C. 983.

XXII.

A quibus ergo educatus est?

Primum à (a) Gilberto, de-
inde à (b) Willigiso Rheda-
rii filio, quem Otto II. ad
Episcopatum Moguntinen-
sem evexit.

(a) Non solum Ottonis, sed & Rober-
ti Galliæ Regis Præceptor fuit, à quo
primo Episcopatu Rhemenfi præposi-
tus,

us, post vacante sede Pontificia, Gregorius V. susceptus est. Variis verò variorum censuris fama ejus subjacet. Plurimi Pontificii scriptores, in quibus *Benno*, *Platina*, *Joh. Stella* alii, Magum eum fuisse perhibent. Ex nostratibus autem huic sententiæ, *Flavius Illyricus*, *Philippus Mornaus*, *Reusnerus*, *Wolffius*, *Magdeburgenses*, accedunt. Enimverò alii meliora de eo sentientes, eum hoc crimine liberare omnibus modis annuntur, causam geminam, cur Magiâ maculam illius famæ inusserint, adferentes, quarum una, quod à partibus Imperat. steterit; altera, quod, cum Mathematicarum artium peritissimus fuerit, ea effecerit, quæ harum rerum parum gnari, humana opera haud perfici posse putârunt. v. pluribus *Boxhorn. H. V. p. 573. Lehman. Chron. Spir. l. 5. c. 15.*

(b) Natus fuit in pago Schöningen, conditionisque pristinae, postquam ad hunc dignitatis gradum ascendisset; memor, rotâ (quæ in hunc usque diem in insignibus Archiepiscopatus Moguntini permanfit) undique depicta, illam sub-

M 2

inde

inde sibi in memoriam revocavit ; addita hac inscriptione, *V Villigis, V Villigis recole unde veneris.* Dresserus Millenarii VI. part. 2. p. 62. primum eum Septemvirum imperii ex Moguntina diœcesi, putat. Ast cum fundamentum, quo nititur, oppidò incertum sit, sua etiam sponte corruit illud, quod huic superstructum.

XXIII.

Quidnam de eo memoratu dignum?

Illud quod adulterinum Pontificem Johannem, oculis & vita privarit, suffecto in ejus locum Gregorio, adulteriique convictam uxorem, Mariam, ad Mutinam vivam cremari jussit.

Solenne permultis VII. Electorum originem ab Ottonis hujus & Gregorii V. Pontificis temporibus arcessere, id quod ipsum & Moguntinus in Elect. Caroli V. apud Sabinum p. 5. adfirmat.

Enim-

Enimverò hoc non satis certum esse, contra *Cervoldum* acerrimum sententiæ hujus defenforem, ostendunt Viri harum rerum peritissimi, *D. Strauch.* disp. Exoter. 2. §. 1. p. 43. *D. Conring.* de Septemv. sv. Elect. Germ. §. 23. *Carpzov.* de Lege Regia. c. 10. s. 5. *Godofredus de Jena,* de Elect. Imperat. dissert. 1. Th. 5. p. 33. *Rupertus* ad Besl. p. 651. *Dierrich.* in Otton. III. p. 105. *Burgold,* ad Instr. Pacis. disc. 19. p. 320. *Lehmann.* l. 5. c. 17.

XXIV.

Quis vita Ottonis finis?

Artibus Crescentii viduæ, quæ Imperatricem se fore speravit, extinctus est. Cum cum ipse sua se excidisse animadverteret, chirotecas veneno tinctas, Imperatori misit, quarum usu paulatim consumtus, ex vita ista discessit.

M;

XXV.

XXV.

*Dedit ne aliquos viros doctos
hoc Seculum?*

Paucissimos; divitiis enim cum inhiarent monachi, luxuriam & desidiam studiis anteferebant. Hinc præter *Leonem* sapientem Orientis Imperatorem, *Rudolphum* monachum Flaviacensem, *Luitprandum* Ticinensem Diaconum, *Odonem* Cluniacensem, *Dithmarum* & *Windichindum*, nullos admodum claros in hoc Seculo deprehendes.

Et *Baronius*, & *Genebrarum* & alii hujus, ob Pontificum vitam, perversitatem accusarunt. *Bellarminus* in Chronol. sua ita de eo loquitur: *vide seculum infelix, in quo nulli scriptores illustres, nulla concilia, Pontifices parum solliciti de Rep. (& cur non de Ecclesia?)*

SECUL.

SEcul. XI.

I.

Qui sunt Seculi hujus Imperatores?

1. Henricus II. claudus, si-
 ve Sanctus etiam dictus. 2.
 Conradus Salicus. 3. Henri-
 cus III. 4. Henricus IV. De
 cœtero, Seculum fuit turbis
 undique refertum.

Nulla fuit soboles *Henrico* ex conju-
 ge castâ,

post quem *Suevorum* primus suscepit
 honores

Imperii *Saliquus Conradus. Tertius*
Heinrich

Pontificum rixas componit. Nomi-
 ne *Quartus*

Henricus dignâ superavit clade Ru-
 dolphum.

Hos oriens coluit te *Argyrum*, post
Michaelem,

Paphlago, cui nomen. Successerat
 huic *Calephatus*

M 4

qui

qui regno pulsus. *Constantinum Mo-*
nomachum

fulcipit Eous. Sed jam *Theodora*,
sororis

est regni confors. *Michael Strati-*
ticus, Isaac

Comnenus, Ducas, Romanus, Para-
pinacjus.

Tuque *Botoniates, Alexi* hæc secula
claudis.

II.

HENRICUS II.

Ad quem delatum est post obitum
Ottonis imperium?

Ad (a) Bavaros in Henri-
coSaxonicae originis, (b) Hun-
garorum Apostolo.

(a) Hujus electioni omnes regni
proceres interfuisse, refert *Frisingensis*.
l. 6. his verbis. Anno ab incarnatione
Domini M l. mortuo sine herede Otto-
ne III. Henricus, patre *Hezilone*, natione
Noricus, ejusdemque gentis dux, ab omni-
bus

bus regni proceribus electus, LXXXV II. ab Augusto creatur. Verum enim verò non statim ab obitu Ottonis III. princeps Imperatoriæ dignitatis factus est Henricus; siquidem & Ekardus Marchio Saxonix, & Hermannus, Principum imperii favorem aucupabantur; ast cum nihil adversus eum valerent, rerum summa, illi tandem qui sanguine junctus erat Ottoni, commissa, ac à Willigiso Episcopo confirmatus est v. Dithm. l. 5.

(b) Cur Hungarorum Apostolus dicatur, liquidius ostendit Cuspinianus, p. 326. Gisela, inquit, soror Henrici Regis erat ea tempestate omnium formosissima, cujus pulchritudinem omnes Principes valde admirati sunt ea tempestate. Hanc sibi uxorem expetivit Hungarorum Rex, specie illius captus: quam per nuncios & pictores (non ergo hic modus matrimonia ineundi novus) excellentissimam esse cognovit. Quæ Regem Hungarorum matricum aspernata, nisi abjecto idololatriæ cultu lavacro baptismi ablueretur, & Christum cum universis suis subditis confiteretur.

M s

teretur.

teretur. *Accepit conditionem Rex, & Stephanus est novo nomine dictus, ut potiretur hujus venustissima puella matrimonio; simulque universum Hungarorum regnum fidem Christi assumpsit.* v. præterea Sigbertus, ad A. C. 1010. *Otto Frising. Chron. l. 6. Lupoldus de Babenberg, de Germanorum Principum Zelo. c. 2. Tritheimius Chron. Hirsg. Crantz in Sax, l. 4. c. 29. Emmius l. 5. Chron. p. 200.*

III.

Fuitne bonus Imperator?

Optimus sane, non saltim ob pacis, sed & religionis disciplinæque Ecclesiasticæ studium, quam sartam tectam observari serio mandavit.

v. *Lehm. l. 5. c. 16.*

IV.

Quid præter alia, memoria dignum ab eo factum?

Illud, quod (a) Episcopa-
tum

tum Bambergensem fundarit, in qua dein Ecclesia sepultus est.

(a) Fuit antea comitatus, qui, decedente illius Domino sine mascula prole, ad imperium rediit, quare in honorem S. Petri & Pauli & Georgii Martyris, comitatu in Episcopatum mutato, primum Episcopum Eberhardum constituit, templumq; splendidum à se exstructum, per Benedictum VIII. consecrari, eique pro confirmatione exinde 100. marcas argenti cum equo albo phaltrato quotannis persolvi vult. *Autóms de consecratione hac hæc narrat Dithmarus. l. 6. Peracta in civitate Babenbergensi Ecclesia majore cum natalitius Regis dies esset, & 35. jam inciperet annus, 11. Non Maji omnis primatus ad dedicationem istius ante ibidem congregatur, & sponsa hac Christi, per manus Johannis, Patriarchæ de Aquileja, & aliorum plusquam XX. Episcoporum dedicatur. Pluribus hoc negotium exposuit Dietericus in Henrico II. §. 8. p. 68. & seqq. Hornius addit in*

orbe Pol. p. 10. Episcopatus, amplissimos comitatus, & in Carinthia insignem Ducatum subjectos esse; ac insuper Henricum constituisse, ut quatuor seculares Electores Rex Bohemiæ tanquam Archipincerna, Comes Palatinus tanquam Archidapifer, Saxo tanquam Archimarshallus, Brandenburgicus, tanquam Archi-Camerarius, feuda sua ab hoc Episcopo peterent. Enimverò de his longe rectius sentit *Burgoldensis*, Instr. Pac. part. I. disc. 29. §. 5. p. 324.

V.

Vixit ne in conjugio?

Duxerat in uxorem Cunegundam, filiam Sigfridi Comitis Palatini Rheni, quâ cum postquam plurimis annis, sine bile, sine crimine, sine macula & querela vixisset, fato proximus, Virginem eam parentibus reddidisse, traditur.

Ita

Ita nihil novi fuit illis seculis, sequioribus temporibus figmentis illudere, ac fumos mundo venditare. Non satis erat, ad cœlum usque laudibus matrimonium Henrici evehere, (ut ita facilius ad castitatem perpetuam, licet nonnunquam animus esset corruptus, fœmineus Sexus alliceretur,) nisi & miraculis fabulæ fides quæreretur. Hinc Cunigundam vomeribus ardentibus insistentem, sed illæsam, in scenam ea tempestate produxerunt illi, qui otio talia fingendi abundabant. Audiendus hic omnino est, *Dietericus*, dextre de hac re in Henrico II. p. 59. judicans. *Nimum boni*, ait, *videntur, qui hoc ἀγάπην conjugium credunt, & ad imitationem perfectæ virtutis extollunt. Certe quantum inquirendo aut cogitando comperire possumus, Imperatori & Imperatrici injuriam faciunt, qui tam absouam inter conjugatos castitatem comminiscuntur, & inde ἀζύγες sive sejuges efficiunt. Speraverat equidem ex conjugio suo sobolem Henricus, eamque quæsiuit; sed cum ei nulla ejus acquirendæ spes esset, (quo de ipse in Francofurdensi*

Synodo conquestus est) qui ergo in thoro, naturæ vim intulisse credendus est?

VI.

CONRADUS II. SALICUS.

Quis sequitur Henricum?

Ex Franconica familia, ei Conradus Salicus Ottonis M. abnepos successit.

VII.

A quibus est electus?

A Principibus Secularibus & Ecclesiasticis, intra Moguntiam & Wormatiam congregatis.

Vippono, Henrici Tertii Sacellanus, qui fide magna vitam Conradi scripsit, cum in aula ejus vixisset, modum hujus electionis ita recenset. *Consedere Principes, populus frequentissimus astabat.*

Archi-

Archi-Episcopus Moguntinensis, cuius sententia ante alios accipienda fuit, rogatus à populo, quid sibi videretur, abundanti corde, hilari voce laudavit & elegit majoris ætatis Canonem, (hoc enim nomen, antequam Rex creatus, obtinuit, teste Theodorico Engelshusio Canonico Hildesienfi, p. 42.) suum in Dominum & Regem, & Rectorem, & defensorem patriæ. Hanc sententiam cæteri Archiepiscopi & reliqui sacrorum ordinum Viri, indubitanter sequebantur. Tunc singuli de singulis regnis eadem verba electionis sæpissime repetebant. Fit clamor populi, omnes unanimiter in Regis electione Principibus consentiebant, ipsum cunctis dominantibus nihil hesitando proposuerunt. V Vimpflingius in Epit. Rerum Germ. c. 24. trium annorum interregnum, Cuspinianus biennium, priusquam inter se, de novo Rege eligendo convenirent, intercessisse, putant. At ipse Henricus Principibus ac Episcopis ad se vocatis, Conradum commendavit. Conradum, inquit, apud Sigon. l. 8. de regno Ital. p. 192. Franconia Ducem virum Consilio manique promptum eligit.

eligite. jungatur Crantzius l. 4. Sax. c. 35. Hocque ejus consilium Abbonisque, (Monachus Hamerslebiensis, in Compendio, apud Maderum in Antiquitat. Brunsvicens. p. 141. Aribonem vocat) Moguntini, nonnullis licet dissentientibus, sequentes, regnum Conrado confirmarunt, eo quidem anno quo Henricus decessit, nempe A. C. 1024. licet Anno demum 1027. Romæ Augustus adpellatus sit.

VIII.

Cur dictus est Salicus?

Ideo quod ex antiquis Francis, (a) Salæ accolis, originem trahat.

(a) Ita sentit *Camerarius* part. 3. op. subc. c. 64. qui fusius de Saliis legeque Salica, foeminas à successione regni Francici excludente, agit, cui jungendus *Conringius*. Tr. de Orig. Juris Germ. c. 7. per totum.

IX.

Qua ejus sunt res gesta?

Romæ coronatus, Hungariam

riam bello petit ac vastat, Poloniam cum Rege Miezislao imperio subjicit, (a) Burgundiaque regnum in Rudolfo, cum intra 144. annos decem Reges habuisset, deficiens, in eo rursus imperio Germaniæ adjungitur. Insuper (b) Spiram ampliorem, splendidissimoque templo augustiorem reddidit, voluitque ut esset commune Imperatorum Germanorum Mausolæum.

(a) Hæreditate illud illi obtigit, siquidem Rudolphus Rex, neglecto Odone affine, Conradum ejusque filium Henricum regni hæredes testamento esse jussit. Atque sic Burgundia, Helvetiam, Sabaudiam, Burgundiam utramque, & magnam Galliæ Lugdunensis partem complectens, juris Germanici esse cepit, v. *D. Strauch. JCTus Exercit. Exot. I. §. 2. p. 2.* & sub regni Arelatensis

tensis nomine, ad Caroli I V. usque tempora ei adhæsit.

(b) v. *Lehman. Chron. Spir. l. 5. c. 19*

X.

HENRICUS III. NIGER.

Quis fuit?

Filius Conradi, magni ingenii indolisque puer.

XI.

Quomodo ad imperium pervenit?

Pater cum, undecim annos natus, Aquisgrani, consentientibus Principibus & populo, in Regem inungi voluit.

XII.

Quid fecit in imperio?

Fuit Majestatis Imperatoriae adversus Pontifices acerrimus

rimus defensor ; siquidem
tres Pontifices , Benedictum
IX. Sylvestrum III. & Gr-
gorium VI. de sede conten-
dentes loco movit , (a) Cle-
mente in locum illorum suf-
fecto.

(a) Id vero nominis sibi sumsit, cum
Papalem dignitatem ab Imperatore ac-
cepisset ; prius enim Suidger dictus Epis-
copatus Bambergensi præfuit. *Monachus*
Hammerslebiensis in Compend. Imperat.
ab Henrico Aucupe, usque ad Henri-
cum V. ita ait. *Henricus Rex Anno 1046.*
Romam pergens , tres Papas deposuit , &
Suidigerum secundum Babenbergensem
Episcopum, Papam constituit , à quo ipse &
conjuges regum, imperiali benedictione sub-
limantur.

XIII.

Quid circa tempora Henrici III.
porro contigit ?

Exortus est Berengarius,
natio-

natione Turonensis, Ecclesiæ Andegavenſis Diaconus, qui veritatem corporis Christi eiusque sanguinis, in cœna evertens, aliquoties damnatus, tandem dogma suum abjurare coactus est.

Σύγχρονος & ei fuit *Lantfrancus*, Archiepiscopus Cantauriensis. Accidit verò, ut de rebus ad Dialecticam pertinentibus inter se disceptarent; ubi cum palmam porrigere Lantfranco Berengarius cogeretur, ægre id ferens, alia via os populi mereri adgressus est. Itaque temerario plane ausu, ambitione calcaria addente, tremendum illud mysterium involat, seculisque anterioribus (non obstante eo, quod & *Scotum Erigenam* & *Berthramum* Monachum, sibi antecessores habuerit) ignotum dogma, in Gallia A. C. 1051. publice profitetur, nempe, ut *Platina* narrat, in Sacramento Eucharistia & Calicis, non esse verum corpus Christi

*Christi integrumque sanguinem, nisi, ut in signo, figura mysteriove. Paucissimi erant, qui in sententiam hanc descendebant, & non nisi ii, quos Berengarius annua stipe in suas partes protraxerat. Nihilominus in vulgus abiit dogmatis hujus novitas. Cum delatum esset ad Leonem IX. Pontificem, in concilio (in quo Adelmannus Brixienſis Episcopus, Epistolam ad se à Berengario scriptam, publice legit) sententia Berengarii damnata. Leoni successit Victor, qui rursus in Gallia Celtica Synodum congregavit, in qua Berengarius errorem suum ejuravit. Sed cum & defuncto Victore, antiquum obtineret, Nicolaus Romæ in concilio eò cum adegit, ut suis manibus librum suum, præsentibus 113. Episcopis igni traderet. Nihilominus ad vomitum rediit, eique tandem Lantfrancus librum de veritate corporis Domini obposuit, qui una cum Guidmundi Episcopi Averſani tribus libris ejusdem sententiæ, extant in Bibliotheca Patrum. v. *Hist. Eccl Goth.* l. 2. c. 4. f. 3. p. 564. *Hornejus de vera & Reali corporis Christi præsentia* §. 39.*

D. Mil-

*D. Müller. Quæst. Select. Semicenturia
altera, q. 25. §. 3. p. 138.*

XIV.

HENRICUS IV.

*Quem successorem habuit
Henricus III.*

Filium Henricum Quartum, inconstantis fortunæ miserandum exemplar, qui quadrimulus Aquisgrani coronatus est, ejusque imperium, Seculi sui obprobrium Hildebrandus, omnibus modis pessum dedit.

XV.

*Quis interea curam regni
suscepit?*

Mater illius Agnes, quæ per quinquennium imperium filii optime administravit.

XVI.

XVI.

Quid in ejus imperium incidit?

Pontifices (a) Monarchiam, in temporalibus etiam, absolutam erigunt, operam commodante (b) Hildebrando, qui Gregorius VII. dein dictus est.

(a) Non tantum antecessores Henrici, sed & ipse vindex adhuc acerrimus jurium suorum fuit. Cum enim Romani inconsulto Henrico, Hildebrandum in Pontificiam sedem eveherent, id ipsum ægre ferens Imperator, per Legatos, Pontifici id exprobrat: Is verò ea se lege illi excusat, quod nimirum præter mentem Pontificiæ sedi admotus sit; ejus tamen confirmationem se à Cæsare & petere & expectare. Tandem Imperator eum in Pontificatu, inquit *Platina* p. 175. confirmavit, ut tum Imperatorum mos erat. Sed quàm omnia versa! Ille qui sedis confirmatione Pontificem sibi

sibi devincit, ab eo post regno exiit.
Hinc enata illa Monarchia & potestas in
temporalibus Pontificia, nunquam ex
scripturis & genuina antiquitate demon-
stranda. v. pluribus *Calixti* Apparatus
de statu rerum in Ecclesia Occid.

(b) Orbis ille terrarum Titio, (quem
Georgius Dounamus Episcopus Drensi
in Anglia l. 3. de Antich. c. 2. §. 4. *Helle-
brand* vocat, quique artium Dæmonia-
carum studiis imbutus erat, testibus
Bennone illico ævo, qui tribus libris vitam
Hildebrandi complexus est, *Mariam*
Scoto, l. 3. Chron. *Trithemio*, in monast
Hirsgau. *Aventino*, l. 5. Annal. Boj. *Onu-
phrio Panvinio*, in vita Greg. VII
Carolo Sigonio l. 9. de Regno Ital. ad ann
1080. *Abbate Ursbergensi* in Chron.
tantum facinus adgressus est, ad quod
universus orbis obstupescit. Præter
omne enim jus in Henricum sæviens,
ultimam manum mysterio iniquitatis
quod hætenus lentogradu ad summum
fastigium processit, addidit, telamque
quam Bonifacius III. Gregorius II
Stephanus III. Paschalis I. Hadrianus III

Johan

Johannes XII. Stephanus IX. exorsi, pertexuit. Hinc illi execrandi XXVII. Dictatus, digni Baronio visi, ut in omnibus angiportis legantur, (quos vide apud *Calixtum*. disp. de Primatu Rom. Pontif. §. 4.) in quibus inter alia Hildebrandinæ Monarchiæ, sive rectius Tyrannidis, dogmata, & hoc, *quod Pontifici liceat Imperatores deponere*, continetur.

XVII.

Restitit ne Imperator Pontifici?

Non potuit resistere; siquidem in odium adductus erat apud Saxones, Pontifici faventes, qui Henrico, à Gregorio excommunicato, juxta cum Moguntino & Coloniensi Episcopo, Sueviæ Duci Rudolpho, adhærebant.

Quatuor hujus odii causas, non minus prolixè, quam accurate, adfert *Lehman*. Chron. Spir. c. 27.

XVIII.

Factusne Rudolphus Imperator?

Electus utique (a) Forchemiæ : sed Franci & Rhenani perfidiam Episcoporum, & coëterorum detestantes, Duce (b) Bullioneo, copias conscribunt, quibus Imperator Henricus Rudolpho occurrens, fatali (c) proelio eum apud Martisburgum superavit.

(a) Morabatur supplex Pontifici factus in Italia Imperator, eique viæ, in angustiis Alpium, à militum præsidiis erant interclusæ. Hinc interea Pontifex Germaniæ Principibus mandat, ut si vellent, alium Imperatorem eligant; id quod & factum. Germaniæ namque Principes Forchemiæ Rudolphum Sueviæ Ducem, sed non consentientem, in Imperatorem elegerunt, cui Papa Imperialem coronam, cum hac inscriptione transmisit

Petra

Petra dedit Petro, Petrus diadema
Rudolpho.

Abdicationis verba, quibus Gregorius
adversus Henricum usus est, recitat *Sigo-*
nus. l. 9. de R. I. p. 226.

(b) Fuit hic etiam Dux expeditio-
nis, pro recuperanda terra sancta, adver-
sus Turcas, qui, postquam A. C. 1099.
15. Juli, eâ horâ, qua Servator & salus
mundi, morte sua omnia consummanda
consummavit, Hierosolimam quarta
vice, ab excidio illius sub Vespasiano
(anno enim Ch. 129. Hadrianus quic-
quid illius super fuit, penitus delevit. A.
C. 615. sub Heraclio in Persarum, A. C.
636. in Saracenorum potestatem perve-
nit) vi expugnasset, Dux Hierosolymi-
tanus creatus est. Fusius describunt hanc
Expeditionem *Hornius*. Orb. Imp. p. 15.
& seqq. *Sigonius*. l. 9. R. I. p. 234. 235.
Matth. Theat. p. 912.

(c) *Helmodus*, Friderici I. coævus,
Presbyter in Buzoen territorii Lubecen-
sis vico, ita Rudolphum, qui dextram in
hoc proelio amiserat, adversam suam
fortunam lugentem, Pontificesque ac-
culantem

cusantem introducit. l. i. c. 29. Chron. Slav. *Videtur manum dextram meam de vulnere sanciam. Hac ego juravi Domino Henrico, ut non nocerem ei, nec insidiarer gloriæ ejus. Sed jussio Apostolica Pontificumque petitio me ad id deduxit, ut juramenti honorem mihi indebitum usurparem. Quis igitur finis nos exceperit, videtur, quia in manu, unde juramenta violavi, mortale hoc vulnus accepi. Viderint ergo ii, qui nos ad hoc instigaverunt, qualiter nos duxerint, ne forte deducti simus in præcipitium æternæ damnationis. Et hoc dicens, cum gravi molestia diem clausit extremum.* Hæc Helmodus.

XIX.

Quid porro contigit?

Insidias struebat Imperatori Gregorius, quæ tamen irritæ fuere. Post verò Paschalis, Gregorii & Urbani successor, filium adversus patrem excitat, à quo imperio exutus

tus, regalibus ornamentis (a) per vim detractis, in exilium abiit, in quo & paulo post moerore animi confectus, in summa (b) paupertate Leodii decessit, ac per quinquennium, jussu Pontificis, insepultus permansit.

(a) Animadvertens Pontifex, cum complicibus, quorum animus Henrici odio flagrabat, haud ita commode illum deponi posse, non tantum in scelere filii, causæ suæ præsidium quæsiuere, sed & insuper nundinationem, in conferendis dignitatibus Ecclesiasticis, Imperatorem exercuisse, criminabantur. Cum verò, ut se Simonix convincerent, per omnia sacra & Moguntinum & Coloniensem rogaret, (v. *Conring. de Episcop. Germ. §. 51. ubi, quomodo Episcopos Simonix cum accusantes, redarguat, ex Helmoldo refert.*) illi tandem veritatis conscientixque testimonio adacti, ingenue quidem falsi sunt, *nihil hujus rei gratia illum*
N 3 *exegisse*

exegisse aut accepisse. Sed cum nemo à Henrici partibus stetisset, vim tandē passus est, quam propulsare non potuit. Cedro digna sunt verba, quibus, postquam eum purpura, cœterisque insignibus Moguntinus, aliique spoliârunt, eos affatus est. Videat Deus, inquit, quam inique adversus me agatis. Ego quidem luo peccata adolescentie mea, nempe ignominiam patiens nulli ante Regum illatam: neque vos tamen noxia ex pertes estis, qui contra Regem vestrum insurrexistis, & sacramentum fefellistis quod semel jurastis. Ulciscatur vos Deus, quemadmodum ultus est eum, qui prodidit Christum Dominum suum. v. & Lehm. Chr. l. 5. c. 39.

(b) De miserrimo illius, cum jam regno motus esset, statu, hæc narrat *Theoderus Engelhusius* in vita Henrici. p. 55. apud *Maderum* Tr. de Antiquit. Brunsvicens. Cæsar, dixit Episcopo Spirensi. Ecce destitutus regno, nihil mihi melius est, quam Deo servire. Da mihi præbendam apud Spiram; scio enim litteras, & adhuc possum choro subservire, & virgini Mariae, cujus ingens templum decoravi.

ravi. Ad quem ille, *per matrem Domini*, inquit, *non faciam*. Tunc Rex suspirans ait: *misereatur tui Deus*. Indequē ad tantam pervenit paupertatem, quod ocreas exponens pro pane, cum præter gladium nihil haberet, illum filio misit, dicens, *se plus sibi reliquisset, plus sibi misisset*.

XX.

*Est quinam doctorum virorum sub
his tribus Henricis & Con-
rado fuerunt?*

Cum longe major in eo felicitas hujus, quam superioris Seculi fuerit, inter Principes numerantur, in Oriente, *Theophylactus* Archiepiscopus Bulgarorum, & *Oecumenius*. In Occidente verò, non tantum tres fuere *Anselmi*, quorum unus Episcopus *Lucensis*, alter *Laudanensis* glossæ interlinearis in scripturam author; tertius, fama eruditionis prioribus

ribus major, *Cantaurensis*; sed & profani scriptores plurimi. In his potissimum *Berno Abbas Augiensis, Hermannus, ex membriscōtractis Contractus dictus, Lanfrancus, Lambertus Schafnaburgensis, monachus Hirsfeldensis, Marianus Scotus, & Hugo Floriacensis monachus.* His addendus R. *Salomon Jarchi.*

*****?*****

SECUL. XII.

I.

Quot sunt hujus Seculi Imperatores?

Septem, quorum hic ordo
 1. *Henricus V.* 2. *Lotharius Saxo.* 3. *Conradus III.* 4. *Fridericus Barbarossa.* 5. *Henricus VI.* 6. *Philippus.* 7. *Otto IV.*

Henricus Quintus, proh! perfidus
 arma capessit

adversus patrem. Post hunc *Lotharius alter* (*Saxo,*

Saxo, rebellantes urbes compescit,
& illi

Tertius in regno *Conrad* successit.

Avitis

sedibus ejecit *Guelphos* primus *Fri-*
dericus.

Henricus Sextus Calabrum de gente
triumphos

rettulit, & clausit tandem sua fata
veneno.

Ast illo extincto suscepit sceptrum
Philippus.

Quartum Pontificis fulmen turbavit
Ottonem.

Tertius & quartus, quintus, sextusque
Orienti

Comneni præsunt. *Isaac* post *Angelus*
instat.

II.

HENRICUS V.

Cui commissum est imperium ab obitu
Henrici IV.

Filio ejus *Henrico V.* qui
patre adhuc superstite Impe-
N s rator

rator factus, sanctissimo jurejurando se obstrinxit, se nolle (a) regnum affectare. Sed hæc omnia insuper habens, nihilominus adversus Patrem arma corripit.

(a) Audiatur modo *Albertus Crans* in vita *Henrici V.* dolose contra Patrem suum confœderatus, imperium patre captivo adeptus est; & oppidum *Nürnberg* obsedit, & funditus destruxit. v. etiam *Christianus Matth. Theatr. Hist.* p. 909. *Franck. Chron. Germ.* p. 111. fac. b.

III.

Anne & ille Pontificum Tyrannidem est expertus?

Primò quidem Paschalem in ordinem redegit; sed dein multis calamitatibus fractus, non tam Pontificum, quam Principum plerorumque in
impe-

imperio pertinaciâ, in postulata Calixti consentire co-actus fuit.

IV.

Quæ verò fuere illa?

Nempe ut traderet (a) jura, quæ à Carolo M. Imperatores in Episcopos habebant. Quæ traditio ingens fuit (b) Imperatoriæ Majestatis diminutio.

(a) Paschalis, qui adversus patrem filium concitavit, eo tempore Pontificiæ sedis clavum tenebat. Cum itaque se egregiam, in eo hætenus Henrico V. præstitisse operam putabat, in eam quoque spem adducebatur, fore, ut omnibus juribus imperator lubens cederet, quæ in investitura Pontificum ei competerent. Hujus ergo Synodum Trecensem convocat, vestigiisque Gregorii VII. insistens, omnia decreta de constituendis à Pontifice Episcopis, Abbatibus, aliis,

facta tecta haberi vult. Imperator non sine detrimento imperii id fieri posse animadvertens, Ratisbonæ in comitiis Principibus rem dijudicandam committit. Post Italiam ingreditur, Pontificemque trimestri captivitate eo adigit, ut rursus potestate constituendorum Episcoporum concessa, pacta jurejurando firmârit. Altero statim anno post, irrita omnia Pontifex faciens, anathematis fulmen in Imperatorem vibrat. Calixto antecessoris anathema renovante, Principibusque ab Henrico deficientibus, tandem in comitiis Wormatiensibus A. C. 1122. jus investituræ Imperator Pontifici concessit.

(b) Judicium *Conringii*, quem sæpius hucusque audivimus, rursus, & hic adferre, non erit ingratum. Ita verò in disput. de Constit. Episcop. § 55. loquitur, *Uti Imperatores magnam suæ potestatis fecerunt jacturam, tot comitatibus & ducatibus imperii, vel pure hereditariis factis, vel in feudum hereditarium datis; ita non minor hac jactura fuit jure constituendorum Episcoporum abdicato. videatur elegantissimus*

gantissimus Tr. *Meibomii*, de jure investituræ Episcop. in opusculis Hist. p. 456. ubi ad amussim ostenditur, quod illud Pontifices per summam injuriam Imperatoribus extorserint.

V.

LOTHARIUS II.

Qua ratione hic imperium est consecutus?

Auxilio Germaniæ Episcoporum præcipuorum & Legati Pontificii. Adversarius verò sv. æmulus illi erat Conradus Franconiæ Dux, qui tamen Lothario cedere coactus est, illo ab Innocentio (a) coronam imperialem accipiente.

(a) Et Papa æmulum habebat Anam. Lotharius itaque Leodii Innocentium conveniens, illi se auxilio adfuturum pollicetur, modo & in vicem Im-

N 7

perato-

peratoriam coronam obtinere posset. Promisit eam Innocentius, eamque tandem in Laterano, cum in basilica Vaticana, Anacleto eam præsiidiis munitam tenente, fieri non posset, Lothario imposuit. v. *Vimphil. Epit. Rerum Germ.* c. 30. p. 26. Frustra verò in repetenda ab Innocentio Episcopali investitura, fuit Lotharius, latius id ostendente Sigonio. L. XI. de Regno Ital. p. 264.

VI.

Numquid dignum memoria ejus imperium commendat?

Illud, quod Monialibus ex cœnobio Luthern ejectis, ordinis Benedictini monachos introduxerit, ac Rönigs Luther adpellârit.

Haftenus, suasu Imperii jus Romanum, quo ante adventum Longobardorum Italia semper usa erat, Lotharium reduxisse pervulgata sententia erat; cum ejus rei, nec vola nec vestigium in veterum monumentis, optima fide dignis extet

extet, hinc commentis annumerandam
esse, solide *Conringius*. tr. de Origine Ju-
ris Germ. c. 21. 22. demonstrat.

VII.

CONRADUS III.

Ex qua familia fuit?

Ex familia Suevica. Fuit
enim Franconiæ & Sueviæ
Dux, primusque hujus fami-
liæ Imperator.

VIII.

Quem habuit adversarium?

Henricum Superbum Saxo-
niæ Bavarixq; Ducem, quem
proscripsit: nihilominus ta-
men eo defuncto, Guelpho
ignominiam fratri illatam
vindicturus, (a) difficillimi
quidem belli fax & tuba est,
sed Winsbergæ inclusus, ela-
bitur.

bitur, ac tandem Imperatori reconciliatur.

(a) Funestæ factionis nomina Gibellinorum & Guelphorum ex hoc bello enata, nonnullis videtur; quanquam alii ad alia tempora id referant. Pauci verò qui Guelphi, qui Gibellini dicti sint ita habendum. Cæsariani dicti sunt Gibellini; hostes verò Conradi, cum Pontifice facientes Guelphi. v. *Horn. orb. Imp. p. 15.*

IX.

*Quâ re memoriam sui posteritati
commendavit?*

Hactenus per quadraginta fere annos Noribergam desolatam, (a) restaurando ampliorem reddidit, temploque ac plurimis ædificiis exornavit. Insuper (b) suasu Eugenii III. Papæ, & S. Bernhardi Clarevallensis, expeditionem in terram sanctam suscepit.

(a) Ele-

(a) Eleganter rem omnem, sed breviter complectitur, Germaniæ antiquitatum peritissimus, *David Chytraus* part. 2. Chron. Sax. p. 312. Hanc veterem, inquit urbem, Henrico IV. Imp. fidam, Henricus V. patri rebellis, post aliquot obpugnationes captam diripuit, ac solo aquavit, sic ut 40. fere annos vasta & desolata jaceret. Donec Conradus III. Imp. Anno 1139. (quo etiam cœnobium Heilsbrunn, à Dominis in Heidek & Ottone, Episcopo Bambergensi fundatum est) restaurare urbem, & ambitu, ædificiis ac templis augere, ac ipse eam cum Imperatrice incolere cepit. Is Scottorum vetus cœnobium, in S. Aegidii honorem. ex ruderibus excitatum, Benedictinis attribuit, eoque templo Noribergæ habitans precipue usus est.

(b) v. *VVimphling*. de rebus Germ. c. 31.

X.

FRIDERICUS I.
BARBAROSSA.

Cur

Cur dictus est Barbarossa?

A barba rubra, quanquam
& alii eum Ænobarbum vo-
cent.

XI.

*Anne successorem eum sibi voluit
esse Conradus?*

Neglecto filio, Principibus
imperii eum ob singulares
virtutes commendavit Con-
radus: cum itaque fatis con-
cessisset, uno ore omnium (a)
Aquisgrani Imperator salu-
tatus est.

(a) De hac electione ita loquitur Ot-
to Frisingensis. l. 2. de Frid. gestis. Anno
ab incarnatione Domini MCLII. dece-
dente ab hac luce vernali tempore Bamber-
ga piissimo Rege Conrado, III Nonas Mai,
in oppido Francfurt de tam immensa trans-
alpini regni latitudine, universum, (mi-
rum dictu) Principum robur, non sine
quibus.

quibusdam ex Italia Baronibus, tanquam in unum corpus coaduniri potuit; ubi cum de eligendo Principe primates consultarent, (nam id juris Romani imperii apex, videlicet, non per sanguinis propagationem descendere, sed per Principum electionem Reges creare, sibi tanquam ex singulari vindicet prerogativa) tandem ab omnibus Fridericus Dux Suevorum in regno sublimatur.

XII.

Quid gessit?

Mediolanensem urbem, cujus cives insidias capiti & vitæ Friderici, per quendam emissarium, stultitiam simulantem, struxerant, funditus evertit.

XIII.

Hostes ne habuit Pontifex?

Hadrianus quartus (a) Mediolanenses ad defectionem solli-

sollicitat ; Post Alexander cum Anathemate percutit, cum quo tamen rursus in gratiam rediit.

(a) Semel cum robur sumsisset Tyrannis Pontificia, æstus anathemate ferendi, nec apud Hildebrandinos successores deferbuit. Hinc & Paschalis II, Hadrianus IV, Alexander III, Innocentius III, Gregorius IX, Innocentius IV, Bonifacius VIII, Johannes XXII, Benedictus XII, Clemens VI, Julius II, Clemens VII, Paulus III, Pius V, Sixtus V, Clemens VIII, Paulus IV, & V, fulminibus suis terrorem, permultis & Imperatoribus & Regibus aliisque incutere ausi sunt. Acerrime verò Fridericus cum Hadriano IV, contendit, sit ne feudum Pontificis Romanum imperium? cumque impotenti cupiditate aliena invadendi flagrans Hadrianus, Epistolâ quadam Imperatorem adhortaretur, ut ne amplius rem in controversiam adduceret, ne latum tamen unguem eicedere voluit. Late hanc causam pertractavit

D. Meis-

D. Meisner. Dissert. de jure Pontif. circa Elect. Imperat. §. 21. & seqq. videatur & Lehmann. l. 5. c. 67. p. 540.

XIV.

Quibus nam rebus praeclare gestis, memoriam sui posteritati commendavit.

Augustam Vindelicorum (a) liberis imperii civitatibus adscribit. Lubecam (b) privilegiis ornat, (c) expeditionemque Hierosolymitanam cum Philippo Augusto Francorum, & Richardo I. Anglorum, Regibus suscepit, sed infelici successu; siquidem Seleucia subito obiit.

(a) v. *Faber* in hist. Suev. l. 1. *Knipschild. Tr. de Civ. Imperii*, l. 3. c. 3.

(b) Sub Conrado III. urbs hæc ædificata, varias fortunæ vices experta usque dum imperii urbs facta est. v. *Myler. in Archol*, c. 19. §. 3. p. 175.

(c) v. *Her-*

(c) v. *Hornius* Orb. Imp. p. 22. *Vimphling*. Epit. rerum Germ. c. 32. *Theodorus* de Niem, apud *Sim. Schard.* p. 279. Quid verò de vulgari adserto, quod Pontifex collum Imperatoris calcaverit, sentiendum, non una omnium Virorum summorum mens. Potior illorum sententia videtur, qui id factum esse inficiantur. v. *Burgold.* ad Instr. Pacis. P. I. disc. XI. §. 13. p. 274. & *Rupertus* ad Bes. p. 665. & seqq.

XV.

*Quid alias in hac tempora
incidit?*

Exorti sunt sub imperio Friderici(a) Waldenses A. C. 1170. ac Gratianus (b) decretorum opus Pontifici Eugenio III. confirmandum offert.

(a) Varia illorum occurrunt nomina partim ignominiae causa, partim ex loco aliisque de causis iis imposita. Jam enim Waldenses, jam Albingenses, Bulgari, Caignar-

Caignardi, Cathari, Fratricelli, Gazari, Infabbati, Leonistæ, Passagenæ, Patareni, Pauperes de Lugduno, Piccardi, Ribaldi, Taboritæ, Tholosates, Turpilupini, Ultramontani dicuntur, quorum nominum omnium (quanquam & alia adhuc sint) rationes, vide apud *Samuel Maresium*. Dissert. Select. vol. 2. p. 586. Waldenses vero dicti sunt à Petro Waldo, cive Lugdunensi, qui cum maximis copiis circumflueret, subita cujusdam amicorum, quo cum erat, morte perterritus, vitæ emendandæ curam suscepit, prædicationisque munus sibi sumens, per plateas ac vicos Evangelium interpretabatur. Magnus brevi tempore hominum numerus ad eum confluit; cumque a seclæ illius, inter alia dogmata Romanam Ecclesiam, Babyloniam meretricem esse, aperte profiterentur, non tantum damnati, sed etiam acerbissima quæque perpessi sunt. Bellum quasi sacrum adversus eos concitavit Innocentius III. (postquam jam A. C. 1200. Dominicus, Dominicanorum ordinis antesignanus, satis in eos sæviisset) eique

Ducem

Ducem dedit Simon, Comitem Montis fortensem, quem A. C. 1218. victoriâ insigni Waldenses potiti, occiderunt. Plura qui de Waldensibus scire desiderat, adeat *Thuanum* vol. 1. l. 6. ad Annum 1548. *Excerpta ex Thuano* Authoris in cogniti Ulmæ impressa. f. 6. n. 11. p. 127. *D. Calixtum* Append. ad dissert. de Script. Sacra. §. 18. & seqq. *D. Dorsch.* dissert. de Authorit. Eccl. ad dictum August. Confid. 6. p. 29. *Dn. Beer.* Grundsliche Widerlegung contra Erb. p. 235. seqq. *Maresium* disputat. binis. l. c. *Strauch.* dissert. de Waldensibus, *Hist. Eccl. Goth.* l. 2. c. 4. f. 5. n. 2, 3.

(b) Ante Gratianum, Ivo Carnotensis Episcopus, qui circa annum Christi 1114. floruit, volumen *Decretorum* scripsit; sed illi palmam dubiam fecit Gratianus, natione Tuscus, Monachus Benedictinus, qui ex diversis Conciliorum canonibus, Patrum ac Pontificum decretis, jus Canonicum sv. Pontificium quoad priorem partem A. C. 1151. in cœnobio Felicis & Naboris collegit. Tribus prior pars constat partibus I. Distinctiones

nes

nes habet centum. 2. Causas 35. cum
 quæstionibus. 3. Distinctiones V. de
 Consecrat. v. *Gerhardus Mair*. Biblioth.
 Theol. l. I. c. 12. §. 7. Huic parti A. C.
 1230. altera, nempe Decretalium Grego-
 rii IX. accessit. Tandem verò tertia parte
 rursus in tres portiones distributa, com-
 pletum est. Integram de jure Canonico
 differt, suis inseruit *Maresius*, vol. 2.
 p. 344.

XVI.

HENRICUS VI. PHILIPPUS. OTTO IV.

*Quem successorem imperii habuit
 Fridericus.*

Henricum filium primoge-
 nitum, qui Siciliam & Apu-
 liam imperio conjunxit, sal-
 timque per septem annos im-
 perium administravit; Suc-
 cessorem habens Philippum
 O fra-

fratrem, cujus æmulus erat Otto IV. qui anno imperii 9. à Wittelsbachio in conclavi vulneratus, interiit.

Quæ ad horum res imperii cognoscendas faciunt, solide exposuit *Meibomius*, in Apologia, quam pro Ottone IV. adversus Ursbergensem, Cuspinianum, & Munsterum, aliosque instituit, ac in ejus Opusc. Histor. p. 326. reperitur, cui adde *Lehm.* l. 5. c. 66. & sqq. Unum addendum videtur, memoria dignum, quod nempe A. C. 1189. Teutonicus ordo cœperit, quem dein rogatu Henrici VI. Celestinus III. confirmavit.

XVII.

Suntne & Scriptores quidam, qui in hoc seculo clarnere?

Plurimi quidem fuere, sed maxime celebres isti sunt. Nempe Henrici V. & Lotharii temporibus claruere, *Sig-ber-*

bertus, Gemblacensis in Brabantia monachus, *Rupertus* abbas Tuitiensis, & *Zonaras* (a) Historicus Græcus. Sub Conrado & Friderico Barbarossa floruere, *Otto Frisingensis* Episcopus, Imperatorio sanguine natus (b), & *Bernhardus* Abbas Clarævallensis, cui *εὐχρον* Hugo de S. Victore. Pertinent ad hæc tempora etiam *Petrus Lombardus* (c) Parisiensis Episcopus, Magister sententiarum; *Averroes* Cordubensis (d) ac *Godefridus* Viterbiensis Presbyter Conrado III. & Friderico I. à sacris scriniis. Sub Henrico VI. & Philippo vixit *Saxo* Grammaticus, Rotschildensis in Dania præpositus.

(a) Fuit in imperio Constantino-

O 2

poli-


politano vir magnæ authoritatis, post Monachus factus, historiam universalem scripsit, in qua majorem curam *Vossius* desiderat, v. de Script. Græcis l. 2. c. 27.

(b) V. Gerh. Patrol. p. 578. *Vossius* de Script. Lat. l. 2. c. 53.

(c) Hunc Scholasticorum ordo Patrem agnoscit. Magister autem sententiarum ea propter vocatus, quod quatuor libris sententias veterum Theologorum, præsertim Augustini, fuerit complexus. Hinc & in eosdem libros, Scholastici seculi XIII. ac subsequentium, commentaria scripserunt. Acerbius tamen in eum invehebatur Joachimus, Abbas Florentis cœnobii; sed Innocentius III. impetum hunc in Concilio Lateranensi Anno M. CC. XV. ne latius evagaretur, cohibuit. Continentur verò in primo libro, sententiæ Patrum de Trinitate & unitate Dei: in secundo de creatione Angelorum, & hominum, & de gratia Dei. In tertio, de incarnatione verbi, de virtutibus & vitiis. In quarto, de Sacramentis & novissimis.

(d) Averroes, qui Aristotelem expli-

plicare adgressus est, viribus impar onus in se suscepit, nec immerito taxatur ea propter à *Ludovico Vivel.* corrupt. art. qui videatur.



SEcul. XIII.

I.

Qui sunt hujus Seculi Imperatores?

Ob longinquum interregni tempus, quatuor saltem numerantur genuini Imperatores, quorum 1. Fridericus II. 2. Conradus IV. 3. Rudolphus I. 4. Adolphus Naisovius.

Ottone expulso, Fridericus laude secundus

nulli, præclaram, doctrinam & Martem per orbem

dispergit famam. Saltim tres præfuit annos

Conradus quartus. Multas Germania turbas

O ;

sensit

fenſit, ſed pacem reddit poſt bella *Ru-*
dolphus,

Atlas Auſtriacæ gentis. Succedit *A-*
dolphus.

Aſt Orientis erat variis conceſſa po-
teſtas

Angelus, Alexjuſ, Murzuſius, Baldu-
vinuſque,

Henricuſ, Petruſ, Robertuſ, jamque
ſecunduſ

Balduvinuſ cepit. Sed poſt hunc ſunt
Theodoruſ

Laſcaris, ac Ducas, Theodoruſ, Laſca-
riſ alter.

Hiſ ſucceſſoreſ *Joanneſ* cum *Theo-*
doro,

ac *Michael Palæologuſ, Comneniuſ*
ortu.

II.

FRIDRICUS II.

Qualiſ fuit Imperator?

Sapienſ ac fortis, ſtrenuūſ-
que imperii adſertor; adver-
ſuſ eum tamen duo Anti-Cæ-
ſareſ,

fares, Henricus Thuringiæ Landgravius, & Wilhelmus Hollandiæ comes, insurrexere.

III.

Qua fortuna regnavit?

Non meliori quam antecessores; siquidem anathemate à tribus Pontificibus, Honorio, Gregorio IX. & Innocentio notatus est.

Coronam tamen imperatoriam Romæ accepit, sed non gratis; amplissimis enim muneribus Imperator Pontifici declaravit, quantum Ecclesiæ cuperet. Post instinctu Pontificis Honorii expeditionem adversus Saracenos A. C. 1228. feliciter suscepit, factaque inter eum & Saladinum pace, Rex Hierosolymitanus solenni ritu salutatur. Fortitudinem ejus admiratus *Vimphlingius*, eum Epit. Ret. Germ. c. 39. Hannibali, Alexandro Magno, longe præfert, ac his verbis caput hoc claudit: *Fridericum multo post tem-*

O 4

pore

pore, nec mortuum quidem creditum est, cui si arma in Christi hostes ferre, Itali impedimento non fuissent, sique minus Pontifices invasisset, jure maximi Imperatoris nomen apud Asiaticos obtinuisset, immortalique gloria dignus censeretur. Langius Monachus apud *Lehm: Chron.* l. 5. c. 78. hoc eum elogio decorat, fuit potentissimus Imperator, Italia, Sardinia, Sicilia, Jerusalem & Suevia, quò nullus magnificentior tenuit imperium à Carolo M. usque ad eum.

IV.

Fuitne studiorum amicus.

Maxime, cura enim sumtibusque ejus, ac Parario Othone Frisingense, Ptolomæus, Aristoteles(a), Avicenna (b) & Galenus, (c) in Latinam linguam translati.

(a) Philosophos partim de Græco, partim de Arabico, Latine versos, Scholæ Philosophicæ Bononiensis, studiis consecravit, cujus ea de re Epistolam, quæ
apud

apud *Petrum de Vineis*, Cæsareum Cancellarium, extat, adducit *Conringius*, disert. 3. de Antiquit. Acad. p. 95. v. & *Aventi*. l. 7. Annal. Boj. *Radevic*. l. 2. de gestis Frid. c. 11. Ast longe meliorem his temporibus in Italia Aristotelis scripta, quam in Gallia, sunt experta fortunam. Illic enim A. C. 1209. in Concilio Senonensi, non tantum metaphysici libri damnati, sed & flammis addicti sunt. Sed cum A. C. 1624. rursus universa Aristotelis doctrina publice Lutetiæ Parisiorum obpugnaretur, Parisiense SCTum adversarios illius compescuit.

(b) Vulgo ita dicitur, cum alias Abuli Abinsceni, nomen illi sit. Claruit sub Conrado II. & Henrico III. ipsique Galeno, ob elegantem methodum, quâ medicinam complexus est, eum antecellere, putat *Vossius* de Philos. c. 14. Utrum autem feliciter in lectione Aristotelis versatus sit, de eo videndus *Cælius Rhod* l. 2. lect. Antiq. c. 2. Librum eum & de Alchymia scripsisse tradit *Conringius* de Hermet. med. c. 26. p. 372.

(c) Claruit temporibus Trajani &

Antonini Pii. Dictus autem est, Galenus à γαλήνη tranquillitate, qui, cum prius animum Philosophiæ studiis egregie præparasset, dein demum medicinæ se addixit.

V.

*Quid præterea de eo obser-
vandum?*

Illud, quod Academiam Viennensem A. C. 1237. erexit, quæ tamen cum ipso non multo post rursus concidit, nec nisi demum año 1360, pristinæ integritati restituta.

Leges, quas scholæ Salernitanæ, de Medicis, (quos ad medicinam exercendam, nisi prius examen censuram subiissent, admitti noluit) chirurgis & Pharmacopæis, tulit, exhibet *Conringius* disert. de Antiquit. Acad. p. 55. 56. & p. 102. 103. 104.

VI.

CONRADUS IV.

Quis successit vero huic Frederico?

Vivus adhuc, octo annorum filium, jam regem Hierosolymæ, Romanorum Regem Principibus consentientibus constituit. Sed Episcopi quidam (a) Wilhelmum Hollandiæ comitem, (cui perpetuum dein bellum cum Conrado fuit) adversus eum elegere. Tribus his defunctis, ob civilia bella à Pontificibus mota, ac dissensiones Germanorum Principum (b) interregnum XVIII. annorum coepit.

(a) Septem-viralibus comitiis electum esse Wilhelmum, cum Trithemio,

Petavio l. 9. c. 1. Rat. temporis, videtur. Ast veterum testimoniis eum in eo destitui, non est dubium. Quid? quod *Lehmannus*, dum hujus electionem recenset, plurimum, in quibus tres saltem Archiepiscopi, nimirum Arnoldus Trevirensis, Conradus Coloniensis, Gebhardus Moguntinensis, mentionem faciat. Accedit, quod demum post Friderici II. tempora, in diuturno illo interregno Septemviri cœperint.

(b) Cum ipse Moguntinus Elector in Orat. quam ad Principes Electores, in ipsius Caroli V. Electione habuit, 18. saltem annorum spatio, tempus interregni definiat, malumus illum, quam eos, qui cum Sleidano 22. volunt, sequi. Verba illius recitat *Philippus Mel.* communis ille Germaniæ Præceptor, in *Historia Elect. Coron. Caroli V.* p. 6. quæ primum sub nomine Georgii Sabini prodiit, quæ cum faciem istorum & superiorum quoque temporum describant, his addere à scopo non alienum. Postquam itaque mala ex gravi illo bello, inter Henricum IV. & Rudolphum Sueviæ ducem pul-

pullulantia, enumerasset, hunc in modum pergit. *Ad hac mala accessit, & perturbatio religionum & schisma. Secutum est aliud bellum ex dissimilitudine suffragiorum in Electione, inter Conradum Suevum, & Lotharium Saxonem. Quod, postquam multe urbes in Imperio vi captae sunt, auctoritate Divi Bernhardi sedatum est. Exarsit multo crudelius bellum inter Philippum & Ottonem IV. propter Electorum discordiam. Aliquot praeliis victus Otto, fugit ex Germania in Angliam. Postea adversus Fridericum secundum à quibusdam electus est, Henricus Landgravius Thuringia, qui in obsidione Ulmae, ex vulnere periit. Secutum est interregnum, quod duravit ferme annos octodecim, in quo nonnulli Electores accersiverunt in Germaniam ad Imperium Richardum, fratrem Regis Britanniae. Interea cum sine Rege esset Resp. non solum defecerunt in Italia civitates, sed etiam in contemptum apud omnes venit Germanica natio. Hæc Moguntinus. Qui vero competitores, durante interregno, imperii fuerint, eos ordine recenset Pessel, mellif. Hist. part. 3. v. c. 17. p. 306.*

nempe I. Henricus Thuringiæ Landgravius. II. Conradus, III. Wilhelmus, IV. Alfonsus, V. Richardus.

VII.

Ad quem autem post tanta turbata delatum est imperium?

Ad Rudolphum I. Habsburgensem, Austriacæ familiæ parentem. Jussu enim Gregorii X. Pontificis, Electores de Imperatore creando consilia inierunt.

VIII.

RUDOLPHUS I. HABSBURGENSIS.

Ex qua familia fuit Rudolphus?

Ex antiquissima Ost-Francorum Regum familia.

IX.

Quid, antequam Imperator creatus est, fuit?

Comes Habsburgensis, ac
Otto-

Ottocari Regis Bohemiæ, Equitum Magister.

X.

Qua ratione electus est?

Alii cum quoque adessent
(a) imperii candidati, placuit
tandem Principibus, excepto
Ottocaro, Rudolphus, manu
fortis, ingenio florens, eum-
que A. C. 1273. & ignarum
& absentem, Imperatorem
(b) designant.

(a) Non tamen statim omnibus Francofurdi congregatis Principibus, ut Rudolphum eligerent, una erat mens, sed aliis Alphonsus Castiliæ Rex, aliis Richardus Cornubiæ comes, dignus videbatur, qui Imperator esset. Mutius l. 21. hujus rei testis, cujus hæc sunt verba: *Conveniunt Francofurdiæ Principes, sed eligendo Imperatore discordant, quidam enim*

enim Alphonsum regem Castella, alii Richardum, Cornubiæ comitem, volebant Imperatorem; nam Electores Principes corrupti erant muneribus ab illis duobus. Coloniensis, Trevirensis, Palatinus sua suffragia vendiderunt Richardo, qui Basilea erat. Alii electores reliqui Alphonsum eligebunt, muneribus ab eo acceptis.

(b) Post quam coronam Aquis grani accepisset, à Principibus fidei juramentum exegit: quod quam singulari plane ratione præstiterint, verbis Eberhardi Althaensis recitat Anonymus Exercit 12. ad Sever. Monzamb. §. 6 p. 147. Statim, inquit, exegit à Principibus, Clericis, ac Laicis fidei juramentum, quod cum recusarent propter sceptri absentiam, ipse electus signum crucis accipiens, talia dixisse fertur. Ecce signum, in quo nos & totus mundus redemptus, & hoc signo utamur loco sceptri; & deosculata cruce, omnes Principes tam spirituales, quam seculares, ipsam crucem loco sceptri osculantes, recipientes fœda sibi juramentum fidelitatis præstiterunt.

XI.

Qualis itaque fuit Imperator?

Maxima sane laude dignus, quippe qui non tantum Austriacæ familiæ, quæ plerosq; nobis hætenus Imperatores dedit, fundamenta jecit, sed & (a) Germaniam à latronibus, quibus scatebat, purgavit, Ottocarum (b) superavit, Victoriosiq; nomen obtinuit, quod in 14. præliis semper victor discessisset.

(a) Hoc non solum, sed & alio nomine debet Rudolpho Germania, quod nempe linguam Germanicam latinæ anteponeere voluerit. Carolus M. majestatem illius pensi habens, ut sequestrata barbarie purior incederet, Grammaticam Germanicam, quam scribendam suscepit,

cepit, ad umbilicum perduxisset, nisi & negotiorum imperii moles, & tandem ipsa mors, illustres conatus interrupisset, v. *Crusius* Annal. Suev. part. 2. l. 1. c. 18. *Aventinus* Annal. Boj. p. 220. Vestigia ejus anxio pede pressit Rudolphus, cui cum lingua Germanica in deliciis esset, ea etiam omnia instrumenta confici, in primis imperii comitiis, Noribergæ habitis, jussit. Edictum, quod apud Gold. Tom. 1. Const. Imp. p. 371. extat, ita sese habet, *Omnia mandata, edicta, privilegia, pacta dotalia, in Theutonica lingua, & non ut antea, in Latina concipiantur.*

(b) Cum elatius in Austria sese gereret, plus vice simplici eum deliortatur Rudolphus. Ægre id quidem ferebat Ottocarus, nihilotamen minus, Superiorem eum agnoscere cogebatur, quem hactenus inferioris conditionis putarat. Quo vero insigni dolo, sibi supplicem Ottocarum Rudolphus reddiderit, videtis *Cuspinianum* in Rudolpho p. 439.

XII.

Desideravitne coronam à Pontifice?

Terrebant eum vestigia a-
lio.

liorum, qui Romam adivère,
sed parum feliciter redièrè.
Hinc non necessarium esse,
ut à Pontifice coronaretur,
existimans, in Germania per-
mansit.

XIII.

ADOLPHUS.

*Ad quem translatum est imperium
post Rudolphum?*

Flagitavit ab Electoribus,
ut filium suum Albertum Re-
gem Romanorum crearent,
non tamen voti compos fa-
ctus est. Nam Moguntinus A-
dolpho Nalsovio favens, il-
lum Imperatorem elegit. So-
lus vero Ludovicus Bavarus,
Albertum Austriacum nomi-
naverat.

XIV.

XIV.

Bene ne imperium administravit?

Erat Princeps iniquus & injustus, qui quod provincias imperii devastaret, in odium (a) Germaniæ procerum incidit. Quæ causa, ut Albertum Rudolphi I. filium ad imperium vocarent, à quo in civili hoc Germaniæ bello ad Wormatiam, Adolphus interficitur.

(a) Conjurarunt nonnulli in Adolphum, in quibus præcipui erant Conradus Liechtenbergius, Gerhardus Eppensteinus Episcopi, & Moguntinus; sed hi omnes perfidiæ pœnas post dederunt, nemoque fere unus ex his, morte sua obiit. Pluribus de Adolpho Nasovio, sed nimio in eum affectu abreptus, egit *Arnoldus Montanus* in Domo Auriaco Nasovia. p. 18. sqq. Accuratissime verò
Histo-

Historiam Adolphi, ex Colnariensi & M. Alberti Chronicis, Scriptoribus horum temporum, contexuit *Lehmannus* l-5. Chron. spir. c. 118.

XV.


Qui seculi hujus scriptores insigniores fuerunt?

Antiqua in rebus fidei simplicitate sublata, scepticismus, studium nugarum & quæstionum quisquiliæ genuinam veritatem, plusquam Cimmeriis tenebris involvère. Hinc Scholasticorum realium, conceptualium, Rationalium, & loquentium turmæ. Prodiere itaque in hoc seculo sub Friderico, *Raymundus* de penna forti, *Hugo Barci-*
nonen-

nonensis Cardinalis, Scriptis in-
universam scripturam clarus.
Hugo de S. Caro Burgundus,
primus concordantiarum Au-
thor, *Humbertus* Viennensis,
Vincentius Bellovacensis. Du-
rante interregno, exortus est
(a) *Albertus*, ob eximiam eru-
ditionem Magnus dictus, E-
piscopus Ratisbonensis, hunc
sequitur discipulus ejus *Thomas*
Aquinas, *Bonaventura*, *Durandus*,
Aegidius Romanus, *Petrus* Hispa-
nus Portugaensis. Inter Hi-
stóricos horum temporum
præcipui *Martinus Polonus*, *Con-*
radus à Lichtenau, Abbas Urs-
bergenfis, *Matthæus Parisius*, &
Albericus Stadenfis.

(a) Insignem Magum fuisse, ex eo
evincere conantur, quod A. C. 1248.
media

media hyeme vernas amcenitates redu-
xisset, quam quidem historiā brevibus
Cuspinianus p. 431. sed accuratius
Lehmannus l. 5 c. 90. p. 602. recensent,
qua fide ipse viderit; nam longe ante
Alberti tempora rumorem fabulæ hujus
invaluisse, *Gold.* adserit, qui insuper plu-
rimos innocentiae Alberti testes sistit, in
Tract. *Rechtliches Bedencken von Con-
fiscat. der Zauberer und Hexen-Güter* /
p. 24. addatur *Wimphling*. Epit. Rerum
Germ. c. 40. p. 42. Plures Doctorum
Scholasticorum, qui nosse cupit, evol-
vat, *Hist. Eccl. Goth.* l. 2. c. 4. f. 5. n. 9.
p. 646. *Mair*. Biblioth. Theol. l. 1. c. 14.
illustre autem de scholasticâ, Theologia
judicium v. apud *Calixtum*, App. p. 238.



SEcul. XIV.

I.

*Qui sunt Seculi hujus Impera-
tores?*

Inter Pontificiam Tyranni-
dem,

dem, quæ neque hoc seculo
 celsavit, nihilominus Austria-
 ca potentia crevit, ac sui fuere
 Romano imperio Imperato-
 res. 1. Albertus. 2. Henricus
 VII. Lüzelburgensis. 3. Ludo-
 vicus IV. & Fridericus Au-
 striacus. 4. Carolus IV. 5.
 Wenceslaus.

Fraudibus obpressi sceleratis *Austrins*
Albert.

Septimus Henricus, Monachus cui
 mixta venena

corpore cum Christi dedit. Hinc
quintus Ludovicus,

Carolus & quartus Bohemo sanguine
 natus.

Degener huic gnatus, regni spoliatur
 honore,

Wenceslaus iners Baccheia munera
 curans.

Tendit ad interitum Constantinopo-
 litanum

regnum, quod quatuor Palæologos
 veneratur, AL-

II.

ALBERTUS.

Quis fuit Albertus?

Filius Rudolphi I. qui postquam Adolphum Nassovium interfecit, imperium repugnante licet cum hasta & scuto Bonifacio VIII. vulpe, Leone, cane, est consecutus.

III.

Ubi electus fuit?

Francofurti, ac dein Aquisgrani coronatus à Wicholdo Archiepiscopo Coloniensi. Tandem exorta inter Pontificem & Philippum Galliae Regem, qui nuptias Eduardi Anglorum Regis, & filiae Co-

P

mitis

mitis Flandriæ turbàrat, controversiâ, electionem ejus Pontifex (a) fartam tectam esse voluit.

(a) Quando ergo *Wimphlingius* Epit. Rerum Germ. c. 42. ait, *Pontificem regnum Francia, Alberto assignasse*, non alia ratione intelligendum, quam quod illud regnum obtinuerit, ex quo adversus Philippum se arma suscepturum, illi promiserat. Crantum l. 8. Sax. c. 36. *Bonifacius Alberti electionem comprobavit eo pacto, si Regem Francia impugnans, se regem gereret, & Romanorum, & Francorum,*

IV.

Cum quibus porro bella gessit?

Fœderis inter se societatem inivêre Moguntinus, Trevirensis, Coloniensis, aliique principes. Hos itaque adgressus in ordinem redegit.

V. *Quid*

V.

Quid sub eo contigit?

Papa Bonifacius (a) VIII. ne deesset Patrimonio Petri pecunia, annum Christi 1300. primum Jubilæum constituit, peccatorum veniam omnibus indulgens, qui festo natalis Christi Romæ sancta loca viderent.

(a) Elegans de Bonifacio *ἐπιτελειος Platina*, scriptoris non subleste fidei, quo nomine *Bellarminus* l. 3. de Poenit. c. 13. eum reprehendit, sed diligentis & veritati litantis (v. testimonium de eo *Hieronimi Balbi*, apud Gerh. Patrol. p. 686.) hæc est. *Imperatoribus, Regibus, Principibus, nationibus, populis potius terrorem, quem religionem injicere conabatur, aurum undique conquistum plusquam dici potest sitiens. Cæterum animadvertentes Bonifacii Successores, hanc illi aleam non male cecidisse, nec sibi*

P 2

quo-

quoque turpe putarunt, his modis pecuniæ insidias struere. Ad rem itaque magis attentus *Clemens VI.* periodum centum annorum a *Bonifacio* constitutam, in quinquaginta annos mutavit, ac medio seculi hujus, anno nempe 1350. alterum *Jubilaum* indixit. *Tertius* *Jubilæus* celebrandus erat anno 1390. Enimvero cum *Urbanus VI.* qui eum *per* quinquagesimo, ad trigesimum tertium reduxerat, nundinis his adesse non posset, (nam mors eum occupaverat) hinc *Bonifacius IX.* quartum indixit A. C. 1400. *Quintum* A. C. 1430. *Nicolaus V.* celebravit, sed cum jam annus 1475. adesset, *Paulusq. II.* qui rursus periodum *Jubilaum* annis 25. *incluserat*, huncque annum his sacris destinârat, decessisset, omnes quæ exinde redibant opes, *Sixto* quarto reliquit: Fuitque is primus, qui anno 25. *Jubilaum sextum* celebravit. *Septimus* incidit in A. C. 1500. *Octavus* 1525. *Nono* insignis fuit annus 1550. *Decimo* 1575. *Undecimo* 1600. *Duodecimo* 1625. *Decimotertio* 1650. Quibus autem solennibus peragatur, docet *Paulus Piascius* Episcopus
Pra-

Præmisliensis, (cujus integram narrationem invenies, apud D. Cellarium disp. de Ecclesia, §. 62.) & Clasen Tr. Germ. Nothdürfftigen Bericht von dem in Thur- Sachsen angestellten Freuden-Danck- und Jubel-Fest.

VI.

HENRICUS VII. LÜZELBURG.

*Quomodo Henricus ad imperium
pervenit?*

Interfecto non procul à Vindonissa Alberto, concordibus suffragiis ab Electoribus, ut laboranti imperio succurreret, Francofurti ad imperium vocatus est.

VII.

Quid ejus temporibus factum?

Bellum Würtembergicum excitavit Eberhardus Wür-

P 3

ten-

tenbergensis Comes, hostiles spiritus adversus imperii civitates gerens.

VIII.

Imperio diuine præsuit?

Vix quinquennium; Florentiæ enim à Monacho Dominicano, Bernhardo, à Quelphis subornato, veneno infecta hostia & calice extinctus est.

IX.

LUDOVICUS IV. BAVARUS.

Quis surrogatus fuit Henrico?

Ludovicus Bavarus, qui adversarium habuit Fridericum Austriæ Ducem, quem tandem superavit, ac triennium carceri inclusit,

Sudes

Sudes est in oculis Romanis Pontificibus, hujus Imperatoris de negligenda Coronatione Romana constitutio, quam ex Goldasti Tom. I. Const. Imp. p. 336. hic recensere, non abs re. De Consilio & consensu Electorum, & aliorum imperii Principum declaramus, quod Imperialis dignitas & potestas est immediate à solo Deo: & quod de jure & imperii concorditer, vel majori parte eorundem, statim ex sola electione est Rex novus & Imperator Romanorum censendus, & nominandus, & eidem ab omnibus Imperio subjectis obediri, & administrandi jura imperii, & cætera faciendi, quæ ad Imperatorem veram pertinent, plenariam habet potestatem, nec Pape, sive sedis Apostolica, aut alicujus alterius ad probationem, confirmationem, auctoritatem indiget vel consensu, v. supra p. 253. Qui verò motus in Germania, ex hoc, inter Ludovicum & Fridericum, dissidio exorti, de eo videndus Burgold. part. I. disc. 12. p. 280.

X.

Habuitne & Pontificem sibi adversarium?

P 4

Uci.

Utique; semper tamen masculine sese obposuit; ac cum à Johanne XX. excommunicaretur, Imperatoriam dignitatem, publico ex divinis & humanis litteris scripto defendit.

v. *Hist. Eccl. Goth.* l. 2. c. 4. f. 6. n. 4. p. 669. & *Kipp.* contra Aubri p. 156.

XI.

CAROLUS IV.

Quem habuit successorem?

Carolus IV. Ludovico enim instinctu Pontificum, quibus maxime cupiebat, obpositus; post ejus tamen obitum, licet plurimos (a) haberet adversarios, tandem Francofurti electus & confirmatus est,

est, cui etiam urbi dein nundinas & autumnales & verna-
les confirmavit.

(a) Nubes sese superstite adhuc Ludovico contrahebant, quæ post obitum ejus dedere tempestatem. Illo siquidem defuncto Carolus Principibus displicebat: quare alium, nempe Güntherum Suarzburgensem Comitē eligunt, quem cum vi Carolus obpugnare non posset, dolo tamen superavit. Quod vero *Burgoldensis* part. 1. disc. 12. p. 280. ad Instr. Pacis ait, expectasse Güntherum, magno Francofortum ducto exercitu Carolum, ut cum eo, de imperio, *ut moris erat*, decertaret, gratis dicitur; nihil enim hujus moris apud antiquos, & horum temporum Historicos extitisse, neque in usu fuisse, testatur *Lehmannus*, *Germaniæ antiquitatum promus condus*, l. 7, Chron. Spir. c. 34.

XII.

Favebat ne Pontifici?

Liberalitate (a) animos In-
P s no-

nocentii VI. & Urbani VI. sibi devincire allaborans, Coronam obtinuit. Statim tamen Pontifice ita volente, Italia & Roma celsit.

(a) Binas illius obligationes, quibus tamen imperii authoritas non est exhausta, produxit *Conringius* c. 20. de Fin. p. 426.

XIII.

Estne hic Author aurea bulla?

Maxime (a) eamque A. C. 1356. Noribergæ 10. Januarii publicavit.

(a) Bulla apud veteres nihil erat aliud, quam cordis figura, ex auro vel argento facta, in qua contra fascinum contenta erant remedia, quæ pueris de collo suspendebatur, ut in pectus descenderet, v. *Fungerus* in Lex p. 139. *Lotichius* ad Petr. p. 221. Post vero traducta est hæc vox, ad significandas litteras ab Imperatoribus vel Pontificibus profectas, vel ad sigilla
lit.

litteris ipsis adpensa. Hinc, quia & constitutioni huic Carolinæ, aureum sigillum adpensum, καὶ ἐξ ὧν aurea bulla dicitur. Autographum summa observantia Francofurti ad Moenum aservatur. Hæc autem constitutio, quam cum procerum imperii consensu condidit Carolus, quoad partem priorem, à titulo nempe i. usque ad 24. Noribergæ est composita, reliqua Metis fuerunt adjecta. Plura videantur apud *Conring.* de Orig. J. G. c. 27. *Carpzov.* de L. R. c. 3. s. 2. *Bæcl.* Conduct. Carol. qui accurate iudicium Possevini, de aurea bulla examinat. *Horn.* Orb. Imp. p. 40. *Burgold.* ad Instr. Pac. part. 3. d. 1. n. 3. p. 4.

XIV.

Quid eâ comprehenditur?

Leges ritusque in electione Imperatoria, ab Electoribus & ordinibus servandi.

XV.

Numne Noribergensibus favebat?

Magno eos favore comple-

xus est, (a) urbem amplificavit, ac Optimates in Rep. ut soli (b) imperium tenerent confirmavit.

(a) Videndus hic *Chytraeus* Chron. Sax. part. 2. p. 314. (b) *Rupertus* ad Bes. p. 703.

XVI.

Habuitne filium?

Wenceslaus filius erat Caroli IV. qui biennium ante obitum patris Imperator, multis è patrimonio imperii emtis, pecuniâque extortis suffragiis, creatus est.

XVII.

Quidnam alias circa ejus tempora factum?

Exortus est (a) Wiclefus Anglicus, qui multa pie contra opiniones Christianas perperam receptas, scripsit.

(a) Do-

(a) Doctor erat Theologus Oxoniensis, qui cum adversus impotentem Pontificum dominationem Clericorumque luxum à Carolo IV. taxatum, v. *Burg.* part. 1. Inst. Pac. disc. 1. p. 5. calamum strinxisset, mortuus effossus est, cadaverq; ejus in cineres redactum A.C. 1428. Et hæc causa est cur hæreticus omnium maximus Pontificiis audit, cujusque libri flammis adjudicati. *Johannes Dübrius* Olomüzensis Episcopus, *Hist. Boëm.* l. 23. p. 223. *Sbinco Archiepiscopus*, vir magni animi Pragam descendit, vulgatoque regio edicto, omnes citari jussit, qui descriptum *Viclefi* librum penes se haberent. Amplius ducenti fuerunt allati, atque in tanta aestimatione habiti, ut major illorum numerus fibulis argenteis, inauratisque infibularentur, cæterum ad unum omnes igne consumti. Addatur his *Kipping.* ad Papp. p. 253. *Hist. Eccl. Goth.* l. 2. c. 4. f. 6. p. 679. *Kromayr.* *Hist. Eccl.* p. 526. *Boxhorn.* *H. U.* p. 884.

XVIII.

WENCESLAUS.

Fuitne dignus imperio?

Minime; monstrum enim erat hominis, idque præstigiabant omnes, qui baptismatis illius omina observabant.

XIX.

Quid ergo ibi contigit?

Baptizandus aquam & aram coeno foedavit, cumque aqua calefieret, incendium exortum, ædem pastorem D. Sebaldi consumpsit.

XX.

Nihil ergo præclari de eo recenseri potest?

Cum invulgus nota sint ejus scelera, illo uno tamen laudem promeritus est, quod
de

de Papæ & Sacerdotum corrupto statu emendando, edictum promulgarit.

Quod olim Pontifices Imperatoribus fasces submiserint, Dominos eos, se famulos vocantes, id in aprico. Non ignarus hujus observantiæ adversus Imperatorem Wenceslaus, in edicto apud *Goldastum* Tom. 2. Constit. imperial. p. 97. ad A. C. 1396. eò quoque digitum intendit, dicens: Nostrum jus Patronatus, ne vitium ingratiitudinis incurrerent, plures antiquitus summi Pontifices optime recognoverunt, Augustos Dominos appellantes, & iis in re & nomine reverentiam hujus suis patronis exhibentes, ut diffuse in Registro Magni Gregorii habetur & dist. 63. cap. Solo, & in volumine quodam Isidori Mercatoris.

XXI.

Permansitne usque ad obitum in imperio Wenceslaus?

Non, cum enim viderent
Or-

ordines, male eum rem gere-
re, ac voluptatum, vini-
(a)quam imperii curiosiorem
esse, eum (b) deposuerunt.

(a) Egregia ejus vox. *Ego, si me diri-
piendis urbibus Italia fortuna presentem de-
derit, ceterarum rerum pradam militibus
impertior, vini tantum spolia apud me re-
servabo, si quis autem in cellam vinariam
in jussu meo fuerit ingressus, gladio ferietur,*
v. Philip. Carol. in Curtium l. 5. animad-
vers. 2. p. 611. Thomas Lanfius in Orat.
p. 924.

(a) Sententiam ex authorationis, è
chronico Jacobi Rongelshovii dissert. Pol.
de Rep. mixta, addidit Cl. Felvv. p. 449.
qui videatur.

XXII.

*Sed cui deinde commisere im-
perium?*

Ruperto Palatino, Duci Ba-
variae, qui nullo successu pro-
vincias sub Wenceslao amis-
sas,

as, ducto in Italiam exercitu
recuperare conabatur.

X XIII.

*Quis eruditionis status fuit in
hoc seculo?*

Prodiit Scholasticorum al-
ter Coryphæus, *Joh. Duns Sco-
tus*, Oxoniensis, post Parisien-
sis Academiae Professor, qui
lectæ Scotistarum nomen de-
dit. Eum sequuti alii, quos
inter *Occam* (a) Ludovici Im-
peratoris contra Papam de-
fensor. Thomæ defensores
erant *Durandus* à S. Porciano,
ejusque æqualis *Hervæus*. Ma-
xime vero temporibus Ludo-
vici IV. celebris fuit *Nicolaus
Liranius* ex Judæo Christianus.
Sub

Sub Carolo IV. vixit vere seculi hujus decus *Franciscus Petrarca*, Florentinus canonicus cathedralis Ecclesiæ Senensis, qui litteras misere à multo ævo sepultas, ex Gothi-
cis excitavit tumulis, & *Joh. Thaulerus*, Seculo ad finem vergente, clarus fuit (b) *Marsilius ab Ingen*, Primus Heidelber-
gensis Academiæ A. C. 1386. institutæ Rector. Atque hi fere præcipui sunt, quorum nomina Seculum XIV. illustrârunt.

(a) Brachio seculari munitus hic Minorita, maxime Ludovici causam adversus Johannem XXII. egit, accurate inter Pastorem Romanum & Dominum distinguens. Aureis litteris basilicis Pontificum inscribenda essent hæc illius, quæ apud *Aventinum* leguntur verba, l. 7.

Casa-

Cæsarem continuo & esse & vocari, postquam à Septemviris delectus sit, ad Cæsarem regna, imperia, divitias, bella, hujus seculi potentiam spectare, Sacerdotem Romanum nihil horum contingere ac procurare debere, nisi ANTICHRISTUS esse velit, v. Johannes à Sleida oppido Ubiæ, Sleidanus dictus, scriptor, cujus fidei & Thuanus diligentiam multum tribuit, præsertim in explicandis fœderatorum consiliis, l. 2, p. 39. Extat insignis adhuc Occami liber, contra Potestatem temporalem Põntificiam, ut & ejusdem materiæ Dialogus apud Goldastum Tom. 2. Neque vero solus Occam, sed & alii haud infimæ caveræ illorum temporum viri, potestatem Regiam sacri Christi Vicarii obpugnârunt: ita Joh. de Parisiis, Theologiæ Doctor, ordinis Prædicatorum, & Marsilius Patavinus, nullo fundamento nixam temporalem Papæ potestatem, scriptis suis pessus dedere, v. Boxhorn. Hist. Univ. p. 83 r.

(b) *Hotting. Orat. de Coll. Sapientiæ Heidelb. p. 30.*

SE-

SECVL. XV.

I.

*Qua est seculi hujus Imperatorum
series?*

Celebre hoc seculum inter
alia vel eo nomine est, quod
litteræ redditâ quasi juventu-
te reviruerint. Imperatores
autem fuere 1. Rupertus. 2.
Sigismundus. 3. Albertus II.
4. Fridericus III. 5. Maximi-
lianus I.

*Itala terra tuis votis adversa Rupertæ,
nec cum Lunigerâ Sigmund felicia,
gente* (mis

*bella gerit. Fuit ast longè felicior ar-
Albertus quondam, qui mirabilia (a)
mundi*

*dictus. Pacis amans Fridericus Ter-
tius, annis*

*proximus Augusto, imperii. Sed
Maxmilianus*

*maximus ingenio, clarus pietate, re-
fulget. (a) Ne*

(a) Ne litterioni amplius mirabile videatur, quod tertiam, vocis *mirabilia*, syllabam produxerim, deducam eum ad Grammaticam Finkii l. 1. c. 2. p. 30. ibi figuram deprehendet prosodicam Diaſtolen, quæ Syllabam brevem producit. Cui ſi addet Glonerum, p. 187. non amplius habebit, quod rodāt.

II.

RUPERTUS.

Ex qua gente fuit?

Fuit ſanguine Bavarico oriundus, comes Rheni Palatinus, qui poſtquam Wenceslao adhuc ſuperſtite in Imperatorem electus, (a) Coloniae coronatus eſt.

(a) Cauſam cur non Aquisgrani coronatus ſit, tradit *Lehman*. Chron, Spir. l. 7. c. 74.

III. *Bene*

III.

Bene ne imperio præsuit ?

Comitia primo imperii anno Francofurdi indixit, in quibus Germaniæ tranquillitatem ante omnia conservari vult ; neque dubium quin Germaniæ status felicissimus fuisset, si diutius vitæ hujus usura frui potuisset. Decimo enim imperii anno, arma adversus Moguntinum suscipiens, obiit.

IV.

SIGISMUNDUS.

*Cui ab obitu Ruperti commissum
est Imperium ?*

Sigismundo Caroli IV. filio, Wenceslai fratri, Hungarorum

rorum Regi , Imperatori (a)
optimo , singularique pru-
dentiâ prædito, qui suo suffra-
gio (b) suam electionem con-
firmavit.

(a) Elogium Sigismundi v. apud
VVimphl. Epit. Rerum Germ. c. 48.

(b) Fecit id & ante eum Rupertus Pa-
latinus. Verba autem ipsius Imperatoris
apud *Dubrav. l. 23. Hist. Boh.* hæc sunt.
*Postquam nempe de Cesare eligendo , inter-
rogatus esset , seipsum nominavit ; me , in-
quiens, ego novi , alios non itidem , an æque
mecum Imperio orbis digni sint ? præsertim
in tanto rerum motu , quo Italia quoque
schismate ibi durante , plurimum laborat.
Mirati hanc tam liberam & apertam Si-
gismundi vocem cæteri Electores , commu-
nique ad sensu illam adprobantes ipsum Si-
gismundum Cesarem consaluant. Qua
verò ratione quis seipsum eligere possit ,
de eo videndus Reinking. de R. S. & E.
Class. 3. c. 5. n. ult.*

V. Fuit-

V.

Fuitne bellandi cupidus?

Bella quidem gessit tria,
Hungaricum (a) Turcicum
& Hulsiticum, in quibus ta-
men parum felix fuit.

(a) Duo hæc priora bella exorta sunt,
antequam dignitatem imperialem erat
adeptus, de quibus v. *Christ Math.*
Theatr. p. 1002. *Lehman. Chron. spir.*
l. 7. c. 78.

VI.

Hussitici belli, quæ origo?

Injusta damnatio Johannis
Hussi (a) collegæque illius M.
Hieronymi Pragensis in con-
cilio Constantiensi A. C. 1414.
instituto, cui & Poggius Flo-
rentinus interfuit.

(a) Fuit M. Johannes Huss. Bohemus,
e pago Hulsinetz oriundus, quem ca
tem-

tempestate, quâ Bonifacius IX. indulgentiarum mercatum instituerat, Praga pastorem habuit. Is itaque in Ecclesia Bethlehem, non tantum in indulgentias, vivo licet adhuc Wenceslao, acerbius invehatur, sed & post Præceptoris Wiclefi, cujus libros passim commendabat, orbitam premens, adversus Hierotyrannidem Pontificiam, pravosque mores Cleri insurgebat. Cum verò insuper ad discesum Germanorum, Academiæ Pragensis, quam superioris seculi anno 64. Imperator Carolus IV. fundaverat, Rector constitueretur, permulti & nobilium tanti viri autoritate moti, sententiam illius, utroque pollice approbarunt. Ne autem latius hoc serperet malum, Swinco Pragensis Episcopus illud in herba obprimere annititur, Hussum ut ne Wiclefi dogmatibus Ecclesiam amplius turbaret, & hortatur, & scripta Wiclefi exurit, v. supra sec. 14. q. 17. p. 348. His Hussum nil motus, factum Suenconis publice severe perstringit: unde hic irritatus, Hussum deponit, ac Sigismundo Hungariæ adhuc Regi, rem omnem ex-

Q Q ponit.

pont, utque Ecclesiæ, ut putabat, ma-
 pressæ, auxilio adesset, rogat. Suen-
 interea dum diem obit suum, Hufsi-
 Pragæ rediens, rursus publice Cleri-
 Pontificemque reprehendit, usque di-
 jussu Sigismundi Imperatoris, interp-
 sita securitatis fide, Concilio Consta-
 tiensi cum Hieronymo Prageni se sist-
 in quo præter omne fas piumque dan-
 natus, v. acta Concilii Constant. Sess. 1.
 & exustus, quod martyrium illius eg-
 gie describit, *Æneus Sylvius* c. 36. *Ch-
 ristianus Matth. Theatr.* 1006. *Anonym.*
Theat. Imperat. Germ. p. 369. po-
 Annum & ipse Pragensis flammis ab-
 mitur.

VII.

Quis erat Dux Hussitarum?

Johannes Zisca, quo cum
 Sigismundus Imperator a
 quoties congressus, inferio-
 semper discessit.

VIII.

*Quodnam memorabile porro de eo
occurrit?*

Illud, quod insignia imperialia, quæ arx (a) Bohemica Karlstein custodierat, in perpetuum fidei, orthodoxæ Noribergensium urbi, commiserit.

(a) Asservari Lipsana & insignia in hac arce Carolus IV. voluit. Cum autem obsidionem, qua eam cingebant, Hulsitæ solvere cogerentur, ne in eorum manus impofterum, si forte rursus vim arcis inferrent, pervenirent, Sigismundus præscitu & suasu Martini V. Pontificis, Noribergamea transferebat. Quare Pragæ duo Patriciæ gentis, *Sigismundus Stromer*, & *Georgius Pfintzing* missi, qui ea A. C. 1424. in urbem adduxere. Post ex æde Sebaldi (in qua tantisper, donec de loco constaret, permanebant) in templum ad Spir. S. translata, ubi adhuc hodie asservantur.

Q 2

IX. AL.

IX.

ALBERTUS.

Quis defuncto Sigismundo electus est?

Albertus II. omnibus virtutibus Imperatoriis clarus, cujus magna sed brevis admodum fuit felicitas; uno enim eodemque anno Rex Bohemiæ, Hungariæ, & Imperator factus, altero imperii anno, in bello Turcico adversus Amurathem interiit.

X.

FRIDERICUS III.

Quem Successorem habuit?

Fridericum III. ex Ernesto ferreo, Archiduce Austriæ natum, qui annis 53. imperio summa cum laude præfuit.

XI.

XI.

Quanam potissima sunt, quae eo imperante contigere?

Austriam totam recuperavit, (a) Alberto Achilli Germanico, bello cum Noribergensibus gesto, illustri, totam Pomeraniam in feudum concessit: Baronem Georgium Podibracium Regem Bohemiae constituit, Secretarioque suo (b) Aeneae Sylvio, post Pontifici, Lauream Poeticam confert. Eandem à manibus Imperatoris, & Conradus Celtes (c) accepit. Omnium maximum est, quod (d) Constantinopolis rursus in Turcarum potestatem sub ejus imperio pervenerit.

(a) Hostem non contemnendum eum fuisse, ostendit responsum, cujusdam ex
 (b) Q3 primo-

Primoribus civitatis, apud Carionem in Chron. p. 1037. quod videatur.

(b) Ante eum, Senatus Romanus A. C. 1341. Petrarcham laureâ Poëtica, magno cum populi ad plausu, in capitolio exornavit, quam dein, ingenti nobilium turba stipatus, in Petrinum templum deferens, tholo suspendit, v. *Henel.* Otio Uratisl. c. 13. Non vero solum Poëtæ honorem magni æstimavit Sylvius, Pontifex, Pius II. dictus, sed etiam huic se studio mancipavere bini seculi hujus VI. Pontifices, Urbanus nempe VIII. & Alexander VII. quorum Poëmata, illius quidem sub nomine Maphæi, hujus vero sub Philomathy, cultior orbis admiratur.

(c) Primus hic in Germaniâ Poëta, in arce Noribergensi A. C. 1487. coronatus, sibi ipsi, de insigni hoc honore, hoc disticho gratulatus est.

Primus ego titulum gessi, nomenque
Poëtæ;

Cæsarcis manibus laurea nexa mihi.
Quis autem fuerit, de eo vid. *Lorichius*
Biblioth. Poët, part. 3. p. 8.

(d) A. C.

(d) A. C. 1453. post toleratam 54. dierum obsidionem irreparabili Ecclesiæ damno, à Mahomete II. excisa est. *Bellarminus* quidem in *Chronologia* libro *Script. Eccles.* adstructa ad annum 1452. hanc expugnationem refert; At reprehendit in eo eum *Gerhardus Joh. Vossius*, in addendis *Tr. de tribus Symbolis*, Addendo 51. cujus verba hæc sunt, *Obsessa urbs Anno MDCCCC LI. ut liquet ex Philephi Epistola, eo anno exarata: capta autem MDCCCC LIII. die Maji 30. biduo ante ferias S. S. Jacobi, postridie Mariae Magdalene, ut fallatur Bellarminus in Chronologia, cum ita scribit: Constantinopolis capitur à Turcis anno MDCCCC LII. in ipsis feriis Pentecostes, sic Deo ulciscente perfidiam Græcorum circa processionem Sp. S. à Patre & Filio. Addatur Calvisius ad annum 1453. De ipso autem urbis hujus excidio, cujus præcipua causa discordiæ domesticæ, videatur clarissimus Historicus Cuspinianus in Constant. VIII.*

XII.

MAXIMILIANUS I.

*Quis post Fridericum III. accepit
imperium?*

Filius Maximilianus I. & animi & corporis dotibus insignis, qui Burgundicam domum cum Austriaca (a) matrimonio conjunxit.

(a) Uxor ejus prima fuit Maria, unica Caroli Audacis, Ducis Burgundiae filia, quam frustra Ludovicus XI. Rex Galliae sponsam sibi exoptavit, id quod pluribus ostendit *Phil. Cominaus* scriptor plane prudens & elegans, l. 8. p. 438, sqq.

XIII.

Quomodo consecutus est imperium?

Pater eum Septemvirorum votis sibi collegam fecit, eodemque anno quo electus, etiam (a) coronatus est Aquisgrani.

Ejus

(a) Ejus de coronatione Romana judicium, ex Quicciardino, vide apud Carp-
 zov. de L. R. c. 2. §. 9. n. 27. cui adde
 Goldast. Const. Imp. Tom. 1. p. 99. Qui
 verò eam æstimare potuiss et, quum ad-
 hibitis in consilium Paulo Lichtenstei-
 nio, Jacobo Fuggero, & Matthia Gür-
 zenfi Episcopo, sedem Romanam oc-
 cupare, Pontificiamque dignitatem
 assumere, ipse secum constituerat.

XIV.

Quid ab eo actum?

Inter alia plurima, quibus
 immortale sibi nomen com-
 paravit & illud, quod supre-
 mum (a) Cameræ imperialis,
 judicium Spirense instituerit,
 ac imperium (b) in sex circu-
 los, Franconicum, Bavari-
 cum, Suevicum, Rhenanum,
 Westphalicum, Saxonicum
 diviserit. His addendum (c)

Q 5

Re-

Regimentum imperii A. C.
1501. introductum.

(a) Tria ejusmodi summa imperii judicia, 1. Judicium aulicum der Reichs Hofrath. 2. Camera imperialis, de cujus potestate causisque ad eam pertinentibus, v. D. Hahn. dissert. de variis Pot. Germani imperii p. 82. sqq. 3. Judicium Rothweilense, v. D. Conringius de Judiciis Reip. Germ. §. 99. 100. Exc. Dn. Dilherrus, in Jure Publico MS. q. 21.

(b) Vid. D. Strauch. Exercit. Exot. 1. §. 4. Zeileri integer ea de re tractatus. D. Textor. in Jure Publ. MS. c. 3.

(c) Quid sit verbis Exc. D. Dilherri, l. c. describemus. Fuit, inquit, olim aliud comitium Imperii, à Maximiliano I. Imperatore, cum concessu statuum A. C. 1501. institutum, quod Regimentum imperii, des H. Reichs Regiment adpellabatur, cui plena potestas, non tantum judicandi causas privatorum, sed etiam de pace & bello, ac omnibus aliis negotiis, ad summam imperii potestatem pertinentibus, concessa fuit. Videatur & Hippol. à Lap. part.

part. 2. c. 4. p. 364. Hoc tamen iudicium, rursus autoritate Caroli V. in comitiis Wormatiensibus A. C. 1521. & decreto Noribergensi, eodem anno sublatum,

XV.

Quid amplius sub ejus imperio contigit?

Lutherus, qui primum Juris prudentiæ, dein invitoparente Monasterium Augustinianorum Erfurdia, A. 1505. ingressus, Theologiæ operam dedit, in reformanda religione initium fecit,

XVI.

In quo loco fuerit hoc seculo studia?

Longe melior eruditionis facies, hoc quam superioribus temporibus, esse coepit. Exortæ enim plurimæ Acade-

Q 6

miz,

mia, ipsaque (a) ars typographica, quæ incrementa elegantiori eruditioni dedere. Virorum autem clarorum, cum ingens hoc seculo proventus, aliqui saltem hic inferendi, ii nempe, quorum nomina hodie fere in vulgus nota. Vixerunt itaque circa initia seculi hujus, inter Scholasticos adhuc *Johannes Gerson*, Cancellarius Academiae Parisiensis, & *Joh. ab Alliaco*. Post hos (b) *Alphonsus Tostatus*, Episcopus Abulensis. Paulò ante medium floruit *Nicolaus Cusanus*, Episcopus Brixanus. Circa finem, eruditionis scholasticæ laude clarus fuit *Gabriel Biel*, Academiae Tübingensis Professor, & *Johannes Picus*,
Miran-

Mirandulæ Comes. Eorum vero, qui cum aliis linguarum & reliqua studia propagarunt, sunt (c) *Laurentius Valla*, *Æneas Sylvius*, *Angelus Politianus*, *Hermolaus Barbarus*, & in Germania (d) *Rudolphus Agricola*, (e) *Johannes Reuchlinus* ac *Erasmus*. Natus præterea & hoc seculo est *Philippus Melancthon*, ac *Savanerolla* (f) martyrium subiit.

(a) v. *Vimphl. Epit. Rerum Germ.* c. 65.

(b) *Vossius de Hist. Lat.* l. 3. c. 7.

(c) Fuit Canonicus ac Patritius Romanus, cujus sepulchri inscriptionem, v. apud *Voss.* l. c.

(d) *Vimphling.* l. c. c. 52.

(e) Alias Capnio dictus est. Ejus autem vitæ curriculum brevibus hic recensere non erit ingratum. Natus verò est *Phorcæ* in Marchionatu Badensi, ac

año ætatis 20. in Germaniam, postquam aliquos annos Lutetiæ Parisiorum trans-egisset rediit. Basileæ Magisterii gradu ornatus, ac Pictavii Juris Doctor creatus, Linguae Hebraicæ studium, quod ductu Wesselii inchoarat, Legatus ad Fridericum Imperatorem missus, magna diligentia, hoc legationis tempore, excoluit. Cumque rursus Legationem apud Pontificem Romæ obiisset, Judæum quendam Abdiam nomine nactus, illius se institutioni commisit, ac pro singulis horis, singulos aureos persolvit. Profectus tandem egregios sentiens, ipse manum operi admovet, primusque omnium Grammaticam Hebræam & scribit & edit A. C. 1506. Vixit & eo tempore Judæus quidam baptizatus Christianam fidem simulans, ac familiaris admodum Jacobo Hogostrato, Monacho Dominicano, Johannes Pfefferfort. Hic Judæorum pecuniam sitiens, quavis, honestæ specie, ab iis extorqueri posset, ostendit: nempe si Bibliis exceptis, cæteri illorum libri flammis traderentur, ita enim fore, ut Judæi grandi

di ære libros suos à Vulcano redimerent. Ere monachorum aliorum cum consilium hoc videretur, edictum adversus Judæos ab Imperatore & efflagitant, & obrinent. In tantas angustias redacti Judæi, tandem Patronum causæ Johannem Reuchlinum habuere, cujus ea de re mentem cum Maximilianus, quantum satis erat, scripto percepisset, Judæis libros reddi jussit. Delusi corvi hiantes Pfefferkorn, Hogostratus, & alii, adversus Reuchlinum insurgunt, remque tandem arbitrio Leonis X. committunt, sed re infecta discessere, v. *Sleidanus* l. 2. p. 40. Reuchlinus tandem ab hostibus liberatus, in Academia Ingolstadiensi Græcam & Latinam linguam docuit, post in Academiam Tübingensem vocatus, cum morbo conflictabatur, ac senio confectus A. C. 1522. die 30. Junii Studgardie anno ætatis 70. discessit.

(f) Cum acerrime Papales indulgentias reprehenderet, jussu Alexandri VII. A. C. 1498. Florentiæ, vir hic & sanctimonia & doctrina insignis, combustus est, v. *Bucholtzerum* in indice p. 445.

SECUL. XVI.

I.

Qui sunt Imperatores hujus seculi?

Illustre plane , ob diu desideratæ reformationis opus , est hoc seculum , cujus Imperatores sunt, 1. Carolus V. 2. Ferdinandus. 3. Maximilianus II. 4. Rudolphus II.

Carolus implevit Quintus virtutibus orbem

nec minor huic *Fernandus* erat. Par hisce *secundus*.

Maxmilianus ; & hunc sequitur gravis ille *Rudolphus*

alter, quo celebris nostra Altorphina coruscat.

II.

CAROLUS V.

Qui erant ejus parentes?

Parens erat Philippus I.

(a) Hi-

(a) Hispaniarum Rex, & mater Johanna filia Ferdinandi Regis Hispaniæ. Ex his natus est Carolus Gandavi Flandriæ metropoli, A. C. 1500, die 23. Febr.

(a) His non obstantibus, Germanum Carolum fuisse, quod & ipse Fridericus Saxonæ Dux in Elect. Caroli V. adfirmat, satis probatum dedit *D. Strauch.* disp. Exot. 4. §. 6. p. 95.

III.

Quid factum, quod illi imperium commissum sit?

Mortuo Maximiliano I. cum gravia pericula imminerent, propter (a) eos, qui imperium ambiebant, tandem post acerrimas contentiones, Moguntinus reliquorum Electorum suffragiis collectis, ab-

absentem Carolum Archiducem Austriae, Imperatorem eligit.

(a) Franciscus cui Pontifex & Trevirensis favebat, per Legatos, animos Electorum in suas pertrahere partes student, tandem tamen spe sua excidit. Copiose, Historiam Electionis Caroli M. tradidere *Philippus Melanchton*, (quem sub nomine Georgii Sabini, Tom. 2. Rerum Germ. addidit *Simon Schardius*) *Hartmannus Maurus* à Consiliis Archiep. Colonienf. quibus adde, nunquam merito suo laudandum *D. Johannem Strachium* disp. Exot. 4. & *Boxhorn. Hist. Caroli V.*

IV.

Qua bella gessit Carolus Quintus?

Varia gessit, quorum tamen potissima (a) Gallicum, quod contra Franciscum Galliae Regem; & alterum (b) Ger-

Germanicum, quod contra
Johannem Fridericum, Ducem
Saxoniae Electorem, & Phi-
lippum Landgravium Hassiae,
ut & confœderatos, ac (c)
Magdeburgenses, suscepit.

(a) Geminas cur bellum Carolo in-
dixerit, causas, adfert *Hadrianus Barlan-*
dus, Professor Lovan. apud *Schard.* Tom.
2. p. 1849. quarum una, eaque potissi-
ma, quod, Carolum sibi prælatum, ægre
ferebat; altera, quod illustrandi nominis
occasionem quærebat. Verùm dubio ad
Paviam Marte, bellum hoc gestum est,
usque tandem superior Carolus M.
discessit, ac Franciscus A. C. 1525. 24.
Februarii, captivus in Hispaniam abdu-
ctus est, cujus, cum jam in extremo dis-
crimine constitutus esset, animi Regii
verba, non possum non ex Barlando, qui
prolixius Obsidionem Papiensem descri-
psit, hic adducere, ita autem ille. Sta-
bat jam Rex Galliarum undique telis ex-
positus, cum suis hortantibus, ut re jam in-
clinata

clinata è praelio excederet. Non faciam, inquit, *hic extinguere pulchrum mihi & laudabile existimo. Ea sum stirpe, iis maioribus ortus, ut non tam longam vitam, quam nominis aternitatem optare debeam, v. pluribus de bello hoc Matth. Theatr. p. 1046 & Guicciardinus l. 15 & 16.*

(b) De bello hoc scripsit *Ludovicus ab Avila* Hispanus, militiae Alcatarensis praefectus, haud tamen fide dignus scriptor, quippe qui saepius à regia veritatis via deflectit. Majorem longe fidem meretur *Lambertus Hortensius Montfortius*, Historicus & Grammaticus insignis, qui libris septem illud complexus est, ut & *Hortlederius*. Ad trutinam Politicorum pluribus illud examinavit *Burgoldensis*, part. 1. disc. 1. §. 26. p. 20. sqq. Est autem hoc celebre illud bellum Smalcaldicum, quod Carolus V. cum Saxone & Helso, Protestantium confœderatorum Ducibus maxime strenuis gessit. Origo illius reformatio religionis, (alias praetexit Carolus apud *Chytr.* l. 12. p. 401.) quam cum obprimere Carolum Protestantes putarunt, A. C. 1529. Smalcaldiae

con-

conventum indixerunt, foedusque, cujus
 δεσβελεύματα anno 26. in comitiis Spi-
 rensis, & anno 29. ibidem, insuper
 etiam Noribergæ, inque conventu Sua-
 bacensi fuere jacta, inierunt. Renovatum
 & amplificatum est hoc foedus A. 35. &
 36. Smalcaldiæ, nulla alia de causa, quam
 ne quid veritas Evangelica detrimenti
 pateretur. Non ergo illegitimum fuisse
 exinde patet, quia defendendæ veritatis,
 & conservandæ pacis publicæ gratia con-
 tractum est. Pluribus verò justitiam fœ-
 deris hujus defendit *Carpzov.* de L. R.
 f. 8. & *Bernhardus Zierixius* Branden-
 burgensis JCTus discursu Apologetico
 profœdere Smalcaldico. Ast parum felices
 in hoc bello Protestantes fuere, si-
 quidem Fridericus Dux & Elector Saxo-
 niæ captus, ejusque calamitas cœteris
 omnibus timorem injecit, videndus
 etiam *Thuanus* l. 4. Plane non præter-
 mittendum hic est Exc. Dn. *Beerii*, de
 hoc bello judicium, in Hist. Univers. MS.
 recens. compend. rerum à Maximilia-
 no usque ad Ferdinandum III. gestarum,
 §. 206. *Cum Casareanis aliquot velitatio-*
nibus

nibus concurrebant, & rei optima gerenda occasionem, emulatione, qua inter Saxo- nem & Landgravium vigeat, impediti, turpiter è manibus dimittebant. Expugna- re enim Casarem potuissent, si Landgravii consilium fuissent secuti.

(c) Causa, quod victis Protestantibus, & hos adgressus, est Declaratio religio- nis sv. liber Interim *Burgold.* 1, c. §. 34. p. 26.

V.

Fuitne Carolus amicus Luthero?

Severiori quidem edicto in Comitibus Wormatiensibus, Lutherum, cui ipse (a) Ponti- fex ad reformationem aggre- diendam calcaria addiderat, proscribit, illi tamen fidem salvi conductus servavit.

(a) Indulgentiæ, quas Leo X. Ponti- fex Romanus, dignitatum Ecclesiastica- rum in Medicea gente initia ponens, impulsu Laurentii Puccii Cardinalis, per

Jo-

Johannem Tetzelium Pirna-Misnicum, circumtulit, causa quidem fuere; sed cum Leo excommunicationis fulmen in Lutherum vibrasset, ac insuper libros illius flammis comburendos subjecisset, irritatus Lutherus, *Zelo plane Eliano, Antichristi Occidentalis regnum oppugnat, & omnes articulos bulla Pontificia damnatos constanter asserit, & revocationis loco captivitatem Babyloniam, de septem Sacramentorum abusibus edidit, & paulo post, duos superstitionis Regni Pontificii nervos, vota monastica, & Missas privatas incidit. Ac ut ilex duris tonsa bipennibus ab ipso ducit opes animumque ferro; ita ipse cursum illustranda vera Evangelii doctrina, & taxandi errores ac superstitiones Pontificias, inter potentissimorum Europae Monarcharum adversationes, constanti & ingenti animo & felicitate miranda perpetuo urfit ac confecit, sunt verba Chytrai, Chron. Sax. l. 6. p. 630. ubi & simul elegans de hoc Lutheri negotio, Erasmi iudicium adducit. Adpellationis verò instrumentum adversus bullam Leonis vide in Tom. 2. Wittenb. fol. 52.*

VI. Quid

VI.

*Quid porro circa hac tempora
factum?*

Confessio Augustana, articulis cum abusibus 28. constans (a), quam (b) Philippus Melanchton ex septendecim Lutheri articulis concinnavit, à Protestantibus (c) Imperatori Anno C, 1530. est exhibita.

(a) Non quidem in ipso comitiorum confesso lecta est confessio, ea propter, quod Cardinalis Campegius, Legatus Romani Pontificis aliique Cardinales Archiepiscopi, quos Carolus lectione illius offendere noluit, aderant; in aula tamen sua altera die, qui fuit 25. Junii coram Principibus & ordinibus imperii hora tertia circiter pomeridianam prælecta fuit, à Christiano Beyer, U. J. D. Electoris Saxoniae Cancellario, *Bzovius*

rem

rem commemorat his verbis Anno 1530. n. 47. 48. *Erat cœnaculum non valde spatiosum CC. hominum capax. In eo postquam Caesar, Ferdinandus Rex, alique Principes ex utroque latere confederunt, Christianus Beyer (Burgoldensis part. 1. disc. §. 23. p. 17. & Clasen, de Jubilæo Saxon. falso Christianum Bruk nominant, hic enim confessionem non legit, sed lectam Alexandro Schweistradere voluit) Electoris Saxonie Cancell. Confessionem Protestantium de scripto legit, uti Germanice concepta fuit, idque tarde prorsus & articulatim, ut duabus horis totam absolveret. Deinde Cancell. Saxonie ejusdem exemplaria duo, Germanicum & Latinum, Alexandro Schveissio, Caesaris Secretario obtulit, Archiepiscopo Moguntino tradenda, quæ Caesar ipse porrecta manu tum quidem ad se recepit. Videatur & Chytraus Hist. A. C. p. 89. Et ut ea quam Protestantes exhibuere, sincera ac incorrupta permaneret, in Archivis imperii est reposita, v. Dorscheus disert. de singul. & mirandis documentis Providentiæ divinæ circa A.*

R

C. p.

C. p. 21. Nothwendige Bertheidigung
des Augapffels/p 96.

(b) Ortum est Protestantium nomen,
exinde quod contra decretum in comi-
tiis Spirensibus A. C. 1529. factum, ubi
pluralitate votorum controversiæ deci-
debantur, protestati essent, v. *Sleid.* l. 6.
p. 173.

(c) v. Nothwendige Bertheidigung/
p. 1. *Lutherus*, Tom. 5. Jen, Germ.

VII.

*Quid porro in Caroli tempora
incidit?*

Incidit in tempora Caroli V.
seditio rusticorum A. C. 1525.
cujus fax & tuba (a) Thomas
Münzerus, Pastor Alstetensis,
qui dein capite poenas dedit.

(a) Brevi tabellæ quasi, potissima hu-
jus seditiosæ Anabaptisticæ gentis (quæ
& Wittebergæ, Luthero absente, per
Nicolaum Storchium, aliosq;, res novæ
moliebatur) includere, non erit plane ab-
insti-

instituto alienum. Scripserat *Lutherus* librum de libertate Christiana; in quem cum incidisset *Münzerus*, omnia in pe-
 jorem sensum torquens, (non enim lit-
 teris imbutus erat) clam ut servitutem
 excuterent, obsequiumque Principibus
 subditi denegarent, docere cœpit. Neq;
 vero intra hos limites sese continuit, sed
 & publicè classicum cecinit. Unde rustici
 A. C. 1525. arma corripientes, in Domi-
 nos suos insurgunt, sed cæsi, Munzerus-
 que à Duce Saxoniae captus, capite poenas
 luit, v. *Chytraus* l. 8. Saxon. p. 48. Eo
 verò ipso nondum extirpatum erat ma-
 lum; siquidem statim post Munzerum
 alius Anabaptisticorum dogmatum præ-
 co, *Johannes Hoptmannus* exortus, qui vi-
 rus suum circa Rhenum spargens, ab Ar-
 gentinensibus in vincula conjectus est.
 Interea serpente hoc malo in Westpha-
 liam, Frisiam & Hollandiam, *Johannes*
 & *David Georgius Leidenfis*, suas quoq;
 partes egere, quorum hic ex libro,
 quod *Opus restitutionis* inscribebant, pus
 hoc & venenum hausit. Omnium maxi-
 me verò in Westphalia hoc hominum

genus radices egit, adeo quidem ut excitatâ seditione, novam ibi Rempubl. constituerint. Author tumultus erat *Matthæus Harlem* & *Johannes Bocoldus Sartor Leidenfis*, quibus se jungebant *Jacobus Campensis* & *Johannes Geel*. Hi novo Reip. statu introducto, consules crearunt binos, *Bernhardum Cnipperdollingum* & *Cippenbrochium*, quibus juncti 20. Senatores. Summum Magistratum gerebat, *Johannes Matthias* Pistor Harlemensis, qui se Prophetam jactitabat. Fortunis ita suis exutus Episcopus Monasteriensis, urbem obsidebat. Matthias Dux Anabaptistarum, aliquoties feliciter cum Gelris, qui in auxilium Episcopo erant, congressus, tandem in eruptione à Germanis interfectus est. Cæde hujus magna animorum mutatione inter Anabaptistas exortâ, occasione inque emergendi nactus *Bocoldus*, ope *Thiisco-corerii*, qui se novum Prophetam esse populo persuadebat, Rex salutatur, *Cnipperdollingusq;* urbis præfectus constituitur. Sed felicitas hæc non diu perstitit, siquidem Episcopus auxiliis impe-

rii adjutus, ope *Johannis Longoplateensis* urbem capit, Regem supplicio servat, qui tandem ad palum alligatus, post ignitis ac candentibus forpicibus aliquandiu excarnificatus, periit. Eodem supplicii genere & *Cnipperdollingus* & *Krechtingius* interiêre. Hæc ex *Johannis Corvini*, de *Monasteriensi* obsidione, & *Lamberti Hortensii* de Anabapt. tumultu, collecta, paucis hic recensere, visum fuit.

VIII.

Sed quid Pontifices fecere?

Paulus III. indixit (a) Concilium primo Mantuæ, deinde Tridenti A. C. 1546. eo anno, quo Lutherus obiit, & Imperator Saxonem & Hesium proscripsit. Biennio post A. C. 48. (b) Interim Liber prodiiit.

(a) 25. Sessionibus hoc concilium absolvitur, quarum ultima habita 1563.

R 3

dic

die 3. & 4. Decemb. Imperatore Ferdinando I. & Pio IV. Pontifice Romano. Historiam hujus concilii scripsere *Petrus Suavis* Polonus, adversus quem arma sumere *P. Sportia Palavicinus*, & *Seigio Henricus*, quorum trium censuram instituit *Cesar Aquilinus*, Causas autē, cur Electores & Principes Protestantes, ad concilium hoc non accesserint, ad amussim exhibet scriptum, quod Imperatori obtulere, ac publicæ rursus luci Helmstadii A. C. 1664. commissum est. Sane Rex Galliarum Synodum hanc non habuit pro generali concilio, sed pro conventu saltem quodam privato.

(b) Conscribere hunc librum, mandato Imperatoris *Julius Pflugius*, Episcopus Naumburgensis, *Michaël Sidonius Hellingus* etiam dictus, Mogunt. Suffraganeus, & *Johannes Agricola* Islebius Brandenburgensis Electoris concionator. Constat partim ex orthodoxis, partim Papisticis capitibus, cumque licet Albertus Elector Brandenb. Moguntinus, Palatinus, Dux Wirtembergicus, alii
reci-

reciperent, non tamen eò adduci potuit
 Fridericus Elector Saxoniae captivus, è
 cujus animi plane infracti & constantis
 confessione, quam integram Chytraus
 l. 12. Chron. Sax. p. 440. recitat, aliqua
 saltem adducere placet. *Cum conscientia
 mea, de doctrina, quam haëtenus confessus
 sum, veritate, testimoniis verbi divini, sic
 persuasa, convicta & capta sit, nec aliud
 melius probatis sacra scriptura testimoniis
 docear, cum omni subjectione & reveren-
 tia, per misericordiam Dei, quam in mi-
 randa incarnatione & passione unice dilecti
 filii sui, Domini & Servatoris nostri Jesu
 Christi, humano generi exhibuit, C. M.
 oro, ne inclementer accipiat, quod in hoc de-
 cretum de Religione, seu Librum Interim
 non consentio, sed in Augustana Confessionis
 doctrina firmiter persevero: & rebus omni-
 bus post habitis, id solum specto, ut confecto
 misera hujus & arumnose calamitosaeq; vi-
 tae curriculo, aeterna salutis & laetitiae parti-
 ceps fieri queam. Erubescat seculum no-
 strum, ad hujus magnanimi Confessoris
 constantiam. De libro vero Interim vi-
 dendus Sleidanus l. 21. Burgold. part. 1.*

disc. p. 27. & *Iohannes Gesenius* Repurgat.
Coll. Rintel, disc. 10. § 3. p. 251.

IX.

*Sed quid tandem de Carolo V.
factum?*

Postquam & Passaviensem
(a) transactionem, promo-
vente hoc negotium omnibus
modis Ferdinando, cum Pro-
testantibus iniisset, vitæ &
Imperii satur, in Hispaniæ mo-
nasterium S. Justi (b) conces-
sit, ac reliquum vitæ tempus
inter preces sacrasque medi-
tationes, Monachus transegit.

(a) Per transactionem hanc Passa-
viensem, adversus quam nullo plane mo-
do protestatus est Julius III. A. C. 1552.
cautum fuit, ne ulla cuiquam propter re-
ligionem molestia exhibeatur. Post verò
A. C. 1555. d. 25. Sept. hoc pacis fœdus
regnante adhuc Carolo V. ejusque vices
fusti-

sustinente Ferdinando I. Romanorum Rege, unanimi procerum consensu, decreto comitali confirmatum fuit, nullo modo vero Carolo V. aut Ferdinando extortum. Quam graviter in eo, Jesuitarum judicio, peccarint Carolus V. & reliqui status, ex eo videre est, quod nonnulli illius farinæ pronunciarint, *Carolus V. & Ferdinandum in purgatorio adhuc facti hujus poenas luere*, teste *Osiandro* in *Apol.* Germ. p. 16.

(b) Libere hæc resignatio facta est, primo per Rescriptum Sudburgi in Zelandia 7. Sept. A. C. 1556. v. *Goldast.* Const. Imp. Tom. I. p. 576. postea A. C. 1558. Francofurti ad Moenum. Causæ hujus resignationis deprehenduntur apud *Famianum Stradam* de Bello Belg. Decad. I. l. I. p. 14. sqq. Omnino etiam hic evolvendus est *Burgoldensis* ad Instr. Pacis, part. I. disc. I. §. 43. qui varia, indagine accuratiori digna, de resignatione Caroli, judicia adfert.

R 5

X. FER.

X.

FERDINANDUS I.

*Cui commissum est imperium, ex quo illud
Carolus V. deposuit?*

Ferdinando I, fratri Caroli V. qui Colonia electus, ac Francofurti Imperator declaratus fuit. Sed Pius IV. quod pacem Lutheranis dedisset, cum Imperatorem agnoscere noluit.

XI.

Quamdiu solus regnavit?

Annos sex, cujus imperium eo nomine felicissimum fuit, quod religionis controversias, ipsam etiam Remp. concutientes, prudenter sedarit, ac tanquam alter Germaniæ
Numa

Numa, pacem post tot turbas reddiderit.

XII.

MAXIMILIANUS II.

Quis successit Ferdinando?

Filius Maximilianus II. Litterarum maximus fautor, cujus imperii tranquillitatem nil nisi (a) Grumbachiana factio turbavit, sed mox ab Imperatore repressa.

(a) Dicitur à Grumbachio nobili Franco, quem, invictissimi animi Herois filius, Joannes Fridericus junior, Dux Saxo-Vinariensis, in clientelam suscepit, consilarii eum honore dignatus, sed suo jumento sibi malum attraxit: Grumbachius enim, quod Episcopum Würtzburgensem per sicarium interfecisset, tanquam pacis publicæ turbator, altera vice proscriptus, ad Fridericum confugit, qui eum recipiens, ab Electore

Saxoniae in arce Grimmenstein obside-
tur. Grumbachius, arce obpugnata,
cum Christiano Bruck J. U. D. in qua-
tuor partes vivi dissecti; Fridericus vero
Viennam deductus, populi ludibrio ex-
ponitur, v. *Thuanus* l. 39. *Burgoldensf.*
part. 1. Inst. Pac. disc. 1. p. 49.

XIII.

Cum quo bello gessit?

Cum Turcarum Imperato-
re Selimo II. quem Johannes
Sigismundus, Transylvaniae
Princeps in auxilium vocarat.
Duce usus est Maximilianus
Lazaro Suendio, viro manu
prompto & consiliis strenuo,
qui licet fortiter adversus
Tartaros pugnaret, Zigetum
tamen, Nicolao Serinio pro
viribus illud defendente, in
hostium potestatem pervenit.

v. *Christ. Matth. Theatr.* p. 1093. Illud
insuper temporibus Maximiliani adden-
dum

dum, quod A. C. 1572. horrenda laniena
Parisiensis peracta sit, qua quoque ab-
sumtus Ramus, v. *Laurentius Rifeb.*
P. 59.

XIV.

RUDOLPHUS II.

*Quis post Maximilianum præsule
imperio?*

Rudolphus II. filius. Hic
gravis, doctus & prudens Im-
perator, quique in mechanicis
vix habuit secundum, petente
Patre, Romanorum Rex de-
claratus Ratisbonæ, illi de-
functo, in imperio successit.

XV.

Stetit ne à partibus Protestantium?

Gladio cum extirpandos
Protestantes Jesuitæ cogita-
rent, semper illorum conati-
bus frena iniecit, Bohemisq;

R 7

Sile-

Silesiis & Austriacis Religio-
nis libertatem concessit. Sed
iniquior (a) Aquisgranensi-
bus fuit.

(a) Ruinas cum semper adversus E-
vangelicos Jesuitæ meditentur, hinc &
contumeliis animos eorum, qui ex Bel-
gio Aquisgranum concesserant, exaspe-
ravère. Hinc tumultus excitati, qui non
ita facile componi poterant, nisi aqua &
igni Aquisgranensibus interdiceretur,
v. *Mercurius Gallo Belg.* Tom. 4. Anno
1598. p. 168. *Burgold.* part. 1. p. 58.

XVI.

Anne & bella gessit?

Gessit bellum cum Amu-
rathe Turcarum imperatore,
cum quo tandem post varios
congressus A. C. 1606. in an-
nos XXX. inducias fecit. Bien-
nio post, discordia (a) inter
fratres, Rudolphum & Mat-
thiam orta, bellum minita-
batur,

batur, quod tamen pace mutatum.

(a) Posonii fœdus inter Austriaeos & Hungaros initum ; de quo, cum per Cardinalem Dietrichstein, Matthias Archidux, Rudolphum fratrem certior fecisset, isque illud irritum vellet, Viennam digressus, expeditionem in Bohemiam suscipit. Cumque ea de re rumor ad Cæsarem delatus esset, Pragam equitatu & peditatu munit, legatosque ad Archiducem, qui controversiam componerent, mittit. Matthias interea cum universis copiis Pragam versus progreditur, cujus Legati in urbem admissi, proceribus quid sibi vellent, dextre exponunt, remque omnem felicissime expediunt. Rudolphus enim coronam Ungaricam Matthiæ eâ lege concedit, ut modo nullus alius, præter Archiducem, in Regem ab ordinibus istis eligatur. Pactis itaque ultro citroque firmatis, *diadema Hungaricum*, aliaque insignia, nempe *gladius Regis Stephani, orbis regni aureus cruce insignitus, duo paria calceorum, vestimen-*

tar

*tum mira antiquitate venerandum, sceptrumque Regium, per supremum regionum præfectum in castra delata, & Archiduci Matthia sub aperto cælo tradita sunt, qui instructa acie, & sedecim equitum, peditumque millibus in tres cohortes distributis, post accepta insignia, tormentorum scloporumque omnium displosiones ternas fieri iussit, & Legatos Cæsareos omnes splendido convivio excepit. Cæterum temporibus Rudolphi, & illud addendum, quod A. C. 1581. ab incluto Senatu Noribergensi Academia Altorphina, Rudolphinis privilegiis ornata aperta, & Henricus III. Galliarum Rex à Monacho, anno C. 1589. interfectus sit, quod parricidium latius *Thuanus*, *Mercurius Gallo Belg.* Tom. 1. l. 2. p. 149. ac *Riseb.* p. 100. descripsere. Calendarium quoque Gregorius XIII. emendatum promulgavit, A. C. 1582. sed Protestantes ne Leonem in sinu alere cogerentur, illud recipere noluerunt, v. *Merc. Gallo Belg.* Tom. 3. p. 204. *Strauch.* disp. de Anno Th. 1.*

XVII.

*Studiorum quis status hoc seculo
fuit?*

Rediere aurea tempora elegantiorum litterarum, nec deerant viri eruditionis fama celeberrimi, quos inter maxime æstimandi, (a) Philippus Melanchton, (b) Erasmus, J. Cæsar Scaliger, Joh. Sleidanus, & Barnabas Brissonius.

(a) Patria illi oppidum Palatinatus Bretta, Pater Georgius Schwarzk Erdbunde & ille Græcâ voce Melanchton dictus, mater Barbara Reuteria. Præceptoribus in juventute usus est Joahe Ungaro & Georgio Simlero, cumque studiorum telam in Academia Heidelbergensi exorsam, in Tübingensi pertexuisset, ab Electore Saxonæ Friderico, in Academiam Wittebergensem vocatus, Græcam ibi linguam publice, summo omnium cum
ad

ad plausu docuit, ac cum *Luthero* collega familiarissime vixit. *Noriberga* quoque *Viri* tanti præsentia fruebatur. Cum enim inclytus hujus urbis *Senatus*, scholam novam ibi A. C. 1526. aperuisset, Oratione inaugurali insigni, in corona doctissimorum virorū, omnisq; ferme *Senatus*, eam *Philippus Deo Musisq;* consecravit, v. Oratio *Theologi* de Ecclesia inter acerbissimos calculi dolores, meritissimi B. D. *Sauberti*, quam in renovatione *Noribergensis Gymnasii Ægidiani* A. C. 1633. d. 11. *Februarii* recitavit, cui *Philippi* oratio annexa. Abhinc ad comitia *Spirensia*, colloquium *Marpurgense*, comitia *Augustana*, conventum *Smalcaldium*, *Ratisponensem*, colloquium *Wormatiense*, perrexit, iisque interfuit. Tandem tot exantlatis molestiis, vitæ satur, Anno 1560. placidissime obdormivit.

(b) De *Erasmi* ortu hæc narrat *Chytræus*, l. 4. *Chron. Saxonix*, p. 391. *Is Rotterodami in Hollandia, ubi exigua domus ad Cœmiterium, cum hac inscriptione*

Hæc est parva domus, magnus quæ
natus *Erasmus*,

mibi

mihi olim monstrata est, die Simonis & Iuda 1466. in lucem editus, & puer Daventria in Alexandri schola eruditus est, &c.

*****?*****

SEcul. XVII.

I.

*Qui haëtenus in hoc seculo vixere
Imperatores?*

Fuere post Rudolphum II.
1. Matthias. 2. Ferdinandus
II. 3. Ferdinandus III. Et 4.
quem Deus diutius adhuc Ro-
mano Germanico imperio
servet, est Leopoldus.

*Tempora Matthia viderunt bella
Boëma,*

*qucïs fuit immixtus Ferdnandus de-
inde secundus.*

*Tertius aë Ferdnand, Castrensem red-
didit orbi*

*pacem. Hanc progenies Divùm fo-
veat Leopoldus!*

II. MAT.

II.

MATTHIAS.

*Cui commissum est post Rudolphum
imperium?*

Fratri illius Matthiæ, sub
quo paulatim Bohemici belli
flamma gliscere cœpit.

III.

Quæ fuere initia belli Bohemici?

Destructio templorum,
quæ illi, qui in Bohemia à
Pontificia religione disside-
bant, in solo Pontificiorum
exstruxerant; electio Ferdi-
nandi II. ac Comitis Slabatæ
aliorumque Cæsarianorum
ministrorum, Pragæ è fenestra
40. cubitorum dejectio.

IV. FER.

IV.

FERDINANDUS II.

Sub quo erupit bellum?

Sub Ferdinando II. (a) Hunc cum rejecissent (b) Bohemi, Regem sibi alium fecerunt Fridericum V. Palatinum; qui tandem à Maximiliano Bavaro, ad Pragam (c) in monte Albo A. C. 1620. victus, Bohemis & Protestantibus tristissimum belli hujus exitum fecit.

(a) Virulentus ille *Erdmannus*, præter fas piæque adversus Noribergenses irritatus, nullum non lapidem apud Ferdinandum II. movit, ut Lipsana Noribergensibus eriperentur, v. stramineas hominis rationes, Rel. Hist. de Lips. c. 16.

(b) Rationes illorum, vide apud *Lundorp.* in *Sleid. Hist.* continuat. alias sub

sub Mercur. Gall. Belg. evulgata, p. 16, & 46. Inter has erat & hæc, quod Ferdinandus Cardinalem Cleselium ignaro Matthia, ab aula sua removisset, ac cum Hispano, de regnorum Hungariæ & Bohemiæ successione, clam pacta iniisset.

(c) v. *Merc.* Gallo Belg. Tom. 13, p. 46.

V.

*Quos Duces bello huic Bohemi
constituere?*

Implorantes auxilia (a) Gabrielis Bethlehemi, Transylvaniæ Principis, comitem quoque (b) Mansfeldium & Turrianum, Cæsarianis ducibus (c) Bucquojo & (d) Tampirio obponunt.

(a) Hic Bohemorum instinctu Hungariam & Austriam infestat, omniaque circa Viennam, ferro, flammis devastat. Tandem verò rursus cum Cæsare paciscitur, illique A. C. 1622. Hungariam, abdicato regno nomine, restituit.

(b) Er-

(b) Ernestus Mansfeldius, clarissima erat familia, sed expellatu editus. Hic Pilsenam urbem armis expugnat, editis in victos ejus crudelitatis exemplis, qua illis, quæ postea in reliqua Germania editurus foret, prælusisse videbatur, inquit. *Author Comp. de bello Germ. p. 10. addatur & Burgold. disc. 1. part. 1. p. 96.*

(c) Bucquoi vetus è Belgio miles, ab Hispanis Cæsari missus, A. C. 1619. Bohemos summo impetu invadit, sed loco cedere Cæsariani coacti sunt, utur præter Bucquojum, Tampirius, Lichtensteinus, & Don Balthasar quoque adfuerint. Attamen insigni clade paulo post, plus vice simplici, rursus Hungaros debilitavit.

(d) Henricus Tampier, Dux inclutus adversus Venetos, non die Cæsarianis copiis adfuit; Presburgam enim cum obsedisset, ac incautius sub muris versaretur, non digno in tanto duce temeritatis exitu, glande ictus occubuit. Ejus cadaver abscisso capite in arcem ab Hungaris translatum, v. *Merc. Gall. Belg. Tom. 13. l. 3. p. 36.*

VI. c. f.

VI.

*Cessavit ne victo Friderico
bellum?*

Minime vero, sed calamitas calamitatem excepit. Sueco-Germanicum enim bellum, quod Alexandro M. vere similis Gustavus Adolphus Sueciæ Rex, magno animo gessit, exortum, Germaniam fere in cineres redegit.

VII.

FERDINANDUS III.

*Sub quo vero confectum est hoc
bellum?*

Sub Ferdinando III. quem pacificum ex merito dicimus. Cum enim insigni stratagemate, Pragâ Königsmarck potiretur, ne incendium, quod om-

omnem fere Germaniam corripuit, latius evagaretur, tricennale hoc bellum, in quod fere universa Europa vires suas impendit, Osnabrugæ in Westphalia, pace exoptatissimâ A. C. 1648. sopitum est; cujus deîr firmandæ gratia Noribergæ A. C. 49. Illustris. Legati Cæsarei & Regii convenere, ac A. C. 50. Instrumento pacis, septendecim articulis constante, (quod Illustris Ranfftius Cæsareæ Maj. obtulit,) summa cum gratulatione omnium, in arce subscripsere.

Pacem hanc Innocentius X. per Fabium Chisium, Nuntium Apostolicum, post Pontificem, irritam reddere conatus est; sed insolentiam & iniquitatem bullæ Pontificiæ omnium oculis exposuit.

S

fuit.

fuit, *Conring.* Tr. de pace perpetua, cujus
scrinia, cum in omnium fere eruditorum
sit manibus, compilare nolumus.

VIII.

*Quem verò sibi successorem voluit
Ferdinandus?*

Filium Ferdinandum IV.
qui Ratisbonæ A. C. 1653. in
Regem Romanorum electus,
Augustæ, coronatus, cum Pa-
rente Viennam rediens A. C.
54. obit. Triennio post, anno
nempe 57. 23. Martii, ipse Im-
perator optimus, mortalis es-
se desiit.

IX.

LEOPOLDUS.

Succesit ne ei filius?

Utique: suffragio enim om-
nium Electorum, (cum jam
A. C. 1655. Austriæ, vivo pa-
rente

rente (a) præfectus, 16. Julii Rex Hungariæ, ac anno 1656. Rex Bohemiæ creatus esset) Francofurti, ad imperii Romani fastigium, A. C. 1658. imperio omnium maxime dignissimus, Leopoldus Ignatius evectus est; eaque die rursus Viennam rediit, quâ ante trecentos, & quod excedit, annos, ad urbem La, victoriam insignem ab Ottocaro Bohemiæ Rege, elatius sese gerente, Familiæ Austriacæ conditor Rudolphus I. reportavit.

(a) Quo honore in patrem usus fuerit, ex *Thuldenio* hic adscribere visum fuit. Ita autem ille part. altera l. 4. p. 17. *Archidux è sede, quum assurrexisset, in conspectu patris reverenter assistere, ac honoris ejus causa utroque inflexo genu, sen-*

esse promittere, se uti dignum est filio, inconsulto patre, vel in sciente, dum vixerit, nihil facturum.

X.

Quid his temporibus à potentissimo nostro Imperatore gestum?

Turbas inter Sueciæ, Poloniae & Daniæ Reges exortas sedavit, ac, cruento licet proelio, Achmetem II. Turcarum imperatorem superavit. Cumq; hucusque felicitatem imperii Leopoldini, exoptatissimum cum Margareta, Philippi IV. Hispaniæ Regis filia, conjugium ampliorem reddiderit, id unum superest, quod calidissimis votis Germanorum Imperium à supremo Numine flagitat, ut

Austriacæ diadema domus, cunctisq; verenda sceptri Majestas, Leopoldi in stirpe perennet!

EPI.

EPILOGUS.

ATque hæc, hac vice, de Cæsarum Historica recensione sufficiant. De quibus licet plura potuissent adferri, id tamen instituti hujus non erat. Possunt verò Imperatorum memoriæ causa, quinque classes constitui, quarum I. continet Ethnicos, ac ab Augusto incipiens, desinit in Constantio Chlora, parente Constantini M. In hac classe, præcipuum quod observari meretur, sunt *dccem persecutiones Christianorum*, quarum primam Nero, ultimam Diocletianus excitavit. Altera Classis *Christianorum* est Imperatorum, quorum primus Constantinus M. & terminatur in Augustulo. In hac illud præ cæteris memoria dignum, quod & *translatio sedis Imperatoriae Constantinopolim*, & *divisio*

imperii in Orientale & Occidentale,
 huic interitum maturarit. Tertia
 continet *Imperatores orientales, oc-*
cidente exclusos. Quod maxime ad
 memoriam insigne hujus clas-
 sis, illud est, quod *fundamenta ad*
Tyrannidem Pontificiam à Phoca
jecta sint, Muhamedisq;, ac Icono-
machorum ortus, turbas in Ecclesia
 & Politia excitaverint. Sequitur
 quarta Classis, in qua redivivi in
 Occidente Imperatores, primùm
Carolus M. Germanorum Impe-
 ratorem venerantur. Habet hæc
 classis inter alia hoc insigne, quod
 omnibus modis contra nitentibus
 Imperatoribus, nihilominus *sacra*
Pontificum Tyrannis in Hildebran-
 do ad *apicem* pervenerit. Ulti-
 ma denique classis, à conditore
 Austriacæ familiæ *Rudolpho I.* in-
 cipit, seque ad nostrum usque Im-
 peratorem potentissimum exten-
 dit,

dit. Illustris est, non tantum ob
 binos Carolos, (quorum *Quartus*
Aurea bulla, controversiis in ele-
 ctione Imperatoria sæpius enatis,
 finem imposuit; alter verò, nem-
 pe V. *Confessionem Augustanam*, à
 Protestantibus sibi oblatam, can-
 dem accepit;) sed & ob *Germania*
pacem, quam diu desideratam.
Ferdinandus III. Deo sic volente,
 orbi reddidit. Si quis verò est, qui
 Historiam, quæ à bello Germani-
 co incipit, uberius cognoscere de-
 siderat, is evolvat *Brachelium*, ejus-
 que continuatorem *Thuldenium*,
 & non poenitendam operam ho-
 rum lectioni impendet. Gratissi-
 mam verò redderet horum proli-
 xitatem, elegans oppidò & com-
 pendiararia narratio rerum toto or-
 be, sub Maximiliano I. & sequen-
 tium Imperatorum, usque ad Fer-
 dinandum III. gestarum, *Excell.*

Domini Beerii, Patroni pl. colendi, quam suis olim Auditoribus dictavit, dignissima, quæ in manus omnium veniret. Ast cum ea intra privatos saltim hucusque parietes lateat, vices ejus subeat elegantissimus *Author compendii de bello Germanico*, qui licet brevitate sua nonnunquam lectori ancipitem curam cogitandi creet, eo tamen nomine in deliciis est, quod indicis loco in *Thuldenium* & *Brachelium* esse possit. Hujus ex brevitate orta obscuritati, sufficientem addet lucem *Burgoldensis* discursu I. ad Instr. pacis. Hoc itaque Cato, Candide & benevole lector, ut contentus sis, ac sicubi cespitatum, legi humanitatis, qua nihil ab errore immune, imputes, est quod obnixè rogo. Omnem fiduciam in tua benevolentia reponens, Alga viliores æstimabo vibices illos

bono-

bonorum, ac impudentes optimorum quorumque flagellatores, qui se solos admirantur, alios verò omnes tanquam noctuas in umbra volitantes putant. Interea vero

*Gloria tota DEO,
gloria nulla mihi!*



ER-

ERRATA

*Quod Petrarcha ait, nihil in humanis ad
inventionibus adeo perfectum, quod, si ad per-
spicacis correctionis regulam deducatur, multa
non indigeat versione; id & huic libello evenit.*

*Irrepserunt enim nonnulla sphalmata, quæ Tu
benevole Lector, ita emen-
dabis.*

Pag. 20. l. 10. pro vocatur, lege vocatur.
p. 29. l. 4. pro Artaxes, l. Artaxerxes. p. 37. l. 12.
pro Gallus, l. Gallia. p. 43. l. 17. pro 670.
l. 570. p. 48. vers. 3. pro Liberi, l. Tiberi.
p. 50. l. 1. pro Hic, l. His. p. 77. l. 21. pro 155. l.
555. p. 94. l. 2. pro Somide, l. Soëmide. p. 115. l. 1.
pro hæc verba, l. quæ hæc verba. p. 122. l. 2. pro
61. l. 65. p. 182. l. 7. pro Iacobita, l. Iacobitz.
p. 193. l. 14. pro quorum hic, l. quorum ille.
p. 217. l. 7. adde post vocem Hæc, inter alia.
p. 234. l. 13. pro coEpiscoporum, l. CoEpisco-
porum. p. 278. tit. VI. CONRRDUS, l. CON-
RADUS. p. 285. l. 5. pro protraxerat, l. pertraxe-
rat. p. 334. l. 12. pro Durandus, l. Durantes.
p. 335. l. 2. pro Historiatam, l. Historiam. p.
326. l. 4. pro turbar, l. turbas. p. 339. l. 18.
pro quem, l. quam. p. 362. l. 1. pro expont, l.
exponit. p. 366. l. 13. pro VI. l. XVI. p. 380.
l. 3. pro exstimo, l. existimo. p. 390. l. 3. pro
scripsere, l. scripsit. p. 392. pro Iullus, l. Iulius.
p. 399. l. 17. pro felicissimus, l. felicissimus.
p. 400. l. ult. pro I. l. XI. Cætera quæ adhuc
forte extabunt, arbitrio benevoli lectoris
committuntur,

F I N I S,

